

中華民國二十二年八月初版
中華民國二十六年一月再版

審查徵集駢方

第一集

中盛改進研究會印行

民國二十二年八月初版

民國二十六年再版

審查徵集驗方(第一集)

(原方名方匯)

全 一 冊

定 價 八 角

會 長 閻 錫 山

徵 集 者 山 西 省 政 府

審 查 者 中 醫 改 進 研 究 會

出 版 兼 發 行 者 中 醫 改 進 研 究 會

發 行 所 山 西 太 原 市 新 民 中 正 街 中 醫 改 進 研 究 會

審查徵集驗方第一集序

本書原名良方匯。共五卷。分列四十四門。集方八百九十五首。孟縣村政實察員王誘。在孟縣實察村政。得該縣牛村已故名醫郭效古君所彖藏者。呈送省府。由省府於十九年春。函發本會。囑令詳加審查。簽注意見。以便刊行於世。作為用方者之指針。搜集多數驗方。復交本會審查編定。期有濟於世。意至良法至善也。考徵集驗方之緣起。十八年夏。本會閩會長。公佈徵集民間有效驗方辦法。洵所謂以濟人為志。以博愛為心者。村政處各區村政實察員。負徵集之責。先後徵集所彖驗方。由省府彙交本會者。在數千以上。惟其雷同者。實居多數。在二十一年份。除已刊行拙編審查徵集驗方數冊外。所存之數仍多。良方匯一書。係郭效古醫士所家藏。其為經驗之抄述。抑為其先人之遺書。雖不可致。然其中確有多數經驗良方。足備治療選用之需要。雖與其他各方。均為村政處同時所徵集。然精粗各別。本書實其徵集所得之最佳者。二十年春。下走奉閩會長委派。忝充本會常務理事職務。會務進行之方針。徵集及審查驗方。實佔主要之工作。下走担任星期徵稿。星期講演。編輯雜誌。編訂驗方。編訂傳染病。並在醫校醫院。授課診病等工作。對於審查驗方事項。專在理事開會時辦理。每週開會。審查數十方或百餘方。因本書為徵集驗方中最佳部份。故儘先從事。以期速

成。本會上年規定審查驗方之方法。訛者正之。缺者補之。方意不明者補充之。主治不確者。增定其主治。並於每方之後。附以審查意見。說明應用之方針。藥方不全。無法訂正者。則存疑以待。不敢以私意妄加評判也。下走於十九年及二十年間。所審查驗方之方法。皆本此意以進行。現屆審查方法。仍守前例。本書除由本會理事會開會審查外。並由田生爾康。參加編訂之工作。復由下走整理而修飾之。明知一管所窺。殊不足以發揮中醫驗方精奧之底蘊。惟祈醫界賢哲。進而教之。二十二年春二月。因本書所有驗方。審查完竣。即行付印。嗣因印工太艱。篇中需刻之字數甚多。每一版之一再校對。待印成後。每有過二週以上者。致過期半載有餘。爲之抱疚無已。書此誌罪。

民國二十二年秋九月時逸人敬序

審查徵集驗方第一集再版弁言

本書原名良方匯。係山西省政府。送交本會。詳加審查。刊行於世。故於二十二年初版時。即以審訂良方匯爲名。以存舊也。既而閩會長抱復興中醫之決心。有徵集驗方之盛舉。所集材料。蔚成大觀。爲求驗方名稱前後一貫起見。乃以今名易之。仍將原名。註於書後。不掠美也。回憶本書出版。僅及三載。全數售罄。足見各地同志。愛讀本書之熱忱。然有一事蹟。不可不記。去年七月間。靈石李文傑

君。兩稱家藏集驗良方八卷。與本書（即良方匯）大致相同。且謂邵君抄襲古書。改易新名。不無掠美之嫌。旋將其書寄贈本會。以資核對。同仁等取而校之。雷同者十之八九。新增者十之一二。割裂刪削者。十有三四。原書係雍正二年。年希堯氏編印。題名集驗良方。本會對於李君所舉。除專函嘉獎外。特記於此。以誌同仁等讀書未周之歉意。又本書初版。印刷欠精。訛誤滋多。此次改用四號字排印。嚴加修訂。錯字力求減少。區區之意。幸垂察焉。

中華民國二十六年一月十四日時。逸人序於山醫改進研究會之理事室。

田序

陶氏序肘後百一方云。常居閑佚。乃可披檢方書。或從祿外品。將命遐征。或宿直禁闈。晨宵隔絕。或急速戒陣。城柵嚴閉。忽遇疾厄。拱手相向。縉紳君子。日然。何況貧家野居。能不向單行經。用赴急抄撮。以求活。既時而欲研究方書。探討經義。評其非是。非特不能。且不暇。此古今來集良方以刊行者。實繁有徒也。考古今之集方成編者。未嘗不以奇驗而自鳴。實則有驗有不驗。或驗於甲而不驗於乙。或驗於乙而有害於甲。在用者則咎集方者之欺妄。在集方者必為用者之未當。而實不知其不驗之癥結。究安在也。善藥無不效。方無不驗。惟在用者之能否適當耳。費用者之必能得當。要在

集方者之詳。部詮釋。俾閱者得以認識証候。如古今名醫萬方類編。分門別類。薈集衆方。可爲蔚然大觀。然謹慎者。每因不明証候。而不敢用。束之高閣。以致蠹蝕。無識者。往往誤用。而招不測。此無他。編訂時未曾詳加詮釋之過耳。古今來之集方編訂者夥矣。若考其實。非失之於妄誇龐雜。卽流之於籠統含混。無醫學常識者。質質然用。欲其對症而能驗。其可得乎。近今最暢行之驗方新編。尙不能免於此弊。其他又何足論哉。果能批郤導窾。擘肌分理。辨疑似於毫厘。分畛畦如鴻溝。則用者自能按圖索驥。無誤用之虞。而集方者亦可目無全牛。詆其方之有無應驗矣。余不敏。攻學時。卽承先伯宜時之醫學庭訓。常潛先伯臨証處方。深知方劑之可重。壬申之夏。畢業於山西川至醫學專校。荷蒙業帥時逸人先生之垂青。囑令留會服務。遂以良方彙審宜之責。命余執行。余以學識淺陋。不敢自是。復念師徒關係。縱有謬誤。必可賴吾師教正。轉而獲益必多。爰不揣固陋。實行審查。本我會長閻公關念民。瘼之熱忱。及吾師委託之重。對於該方之適應。証禁忌。藥性効能。竭力發揮。俾有補於不及。延醫與不能延醫者之自療之用。審查既竣。由吾師詳細修正。並補充意見。乃付之手民。顏曰。審訂良方彙。惟念才疏學淺。深恐識見差謬。反致道誤。惟望醫界先進。尙不吝教而辱教之。則幸甚矣。時在民國二十二年八月下旬。平遙田爾康序。

審查凡例

- 一 良方彙。係雷縣名醫郭效古先生所輯。民國十九年由省政府送交本會。囑令審查。其中分類界限不清。間有往昔浮誇神話色彩。想係當時之隨筆紀錄之故。然照採撰有效驗方頗多。足資備用。其中原文詞意概仍其舊。以存真面。
- 二 中醫之特長。在經驗之獨得。經驗之表現。基於方藥之成立。方藥之運用。以症候為準則。故此編於各門之前。先將該病之原因。証候。病理。治法等。統述大概。方藥之下。標以「審查意見」。專在症候上發揮。有某症可用。現某症不可用。並希閱者指正謬誤。是幸。
- 三 鄉間每以一方。輒曰某甲服此而愈。某乙與其病同。可服之。服之而病不愈。反歸之於天命。皆不知病理藥性之過也。故本篇對於灌輸醫藥常識。尤為注意。
- 四 審查之目標有二。一供家庭自療之用。一為倉卒無醫。並無力延醫者。檢方自療之備。故力求淺明翔實。雖不中病。絕不致誤。
- 五 各門前之總論。係審者自撰。其屬原文者。標以「原文」二字別之。但論說俚俗。已所深知。惟以目標不同。非供醫家適用。尚請閱者諒之。

- 六 古今藥方名驗者。汗牛充棟。緊不勝繁。然籠統含混。浮誇妄言。比比皆是。既無準則。乃任用之者。以冀倖中。良深可憫。是篇力矯此弊。對於該方之適應症。禁忌症。詳爲記載。有不明者。則以存疑待攷識之。不敢妄加批評。其無關緊要者。乃直錄方藥。不附「審查意見」。
- 七 其有不便歸「審查意見」者。即就該藥或該方之下。說明意見。而以（）別之。
- 八 原註主治。遇有欠當者。則另用「訂正主治」說明之。無主治者。以「增訂主治」說明之。無任何標記者。概係原件。
- 九 無醫學常識之檢方者。務照「審查意見」下所列証候。是否符合。不可漫用。
- 十 其適應症。禁忌症。未曾標明。但某症可用。即適應症。不可用。即禁忌症。至原因病理治法。未暇標明。閱者諒之。

方 驗 集 徵 查 審

目次

小兒科	遺精	淋病	小便不通	泌尿生殖器病	咳吐血	便血	失血病	腰痛	頭痛	麻木	中風	癩症	癩狂	失眠	健忘
.....
三二四	三〇一	二九七	二八八	二八三	二八二	二七八	二六九	二六九	二五九	二五六	二五二	二三五	二二五	二二〇	二〇九
.....
強壯劑	積聚癥瘕	面病	烏鬚黑髮	雜類	眼病	耳鳴耳聾	耳病	齒病	舌病	口瘡	口腔病	外科	陰蝕瘡	吐瀉
.....
三九四	三八五	三七九	三六九	三六九	三五九	三四四	三四四	三三二	三三〇	三二六	三二二	三一七	三一七	三一七	三一四

審查徵集驗方

第一集

▲內科 傳染病

痢疾

痢疾一病。無不由濕熱凝滯而起。只宜清熱消導。斷不可驟用人參白朮黃耆等溫補諸藥。使邪氣固結於內。永無解期。近世醫者。專事溫補。貽誤必多。殊不知濕熱之氣。愈補愈盛。風寒之邪。愈補愈固。致病勢加重。皆用補太早之過也。故特爲拈出。以與治痢証者一談。又凡痢疾一証。人參白朮。斷斷不可早用。必待病勢已退。體虛而不能復元者。方可試用。

痢疾多由外感熱暑濕三氣而成。痢必從外而出之。是以下痢之病。必從汗先解其外。後調其內。首用辛涼以解其表。次用苦寒以清其裡。不過一二劑

可愈矣。若失于發表外邪。但從裡出。不死不休。故雖有百日之久。必用逆流挽舟法。引其邪而出之於外。則死症可活。危症可安。宜用活人敗毒散。（原文）

◎活人敗毒散

羌活

獨活

前胡

柴胡

川芎

苦桔梗

炒枳殼

白茯苓各一兩

生甘草五錢

治痢加白芍一兩 炒川連一兩

為細末。每服二錢。水一盅。薑三片。煎七分。溫服。或用滾湯泡服亦可。

此藥治傷寒。瘟疫。風濕。風眩。拘攣風疾。頭疾目眩。四肢病。憎寒壯熱。項強疇痛。及老人小兒。皆可服。或瘟疫時行。或人多風痰。或居處卑濕。脚弱。此藥不可缺也。日三五服。以知為度。如煩熱。加炒黃芩。不止治痢疾一病也。

「審查意見」力戒溫補。禁用參朮。實爲治痢不易之論。但謂雖有百日之久。亦用活人敗毒散。則言之未免太偏。查本方藥品。以散風寒爲主。外有風寒者。當然合拍。若無風寒外束。但有發熱汗出。則羌獨宣散。便不合法。証經百日。體虛羸瘦。如現自汗盜汗。煩渴引飲。又豈可用羌獨宣散乎。總之。治病當以所現証候爲主。再參以體質營養之狀態。經過之久暫。爲處方之標準。切勿誤信其言。

山陰倪涵初先生手定治痢奇方

痢爲險惡之証。生死所關。不惟市醫治之失宜。而古今治法千家。皆不得其道。是以不能速收全效。今立方何以爲奇。不泥成法。故奇也。立論何以爲妙。不膠成說。故妙也。然其藥品。又不外乎常用而已。有識者。故不可更張。勿爲市醫所誤。遵而用之。百試百效者也。（原文）

傳染病 痢疾

四

◎初起煎方

川黃連

條黃芩

白芍藥

山查肉各錢二分

陳枳壳

薑炒紫朴

堅栝榔

青皮各八分

南木香二分

甘草

地榆各五分

川紅花酒炒三分

桃仁泥錢

當歸五分

右咀片。如法炮製。水二碗。煎一碗。空心服。

此方或紅或白。裡急後重。身熱腹疼者。俱可服。如單白者。去地榆桃仁。加橘紅四分。木香二分。如滯澁甚。加大黃二錢。用酒拌炒。服一二劑。仍除之。若用一劑滯已去。不必用二劑矣。大黃年幼之人。不可拘用二錢。此方用之三五日神效。用之於旬日亦效。惟十日半月外。則當加減矣。

另詳於左。(原文)

「審查意見」此方清熱利濕。調氣消滯。在初起腹痛。裡急後重。當然有效。若有惡寒發熱之風寒。身熱面垢之暑症。則宜斟酌加減。

◎加減煎方

川黃連酒炒六分
生用四分

條黃芩酒炒六分
生用四分

厚青皮四分

廣橘紅四分

白芍藥酒炒六分
生用四分

堅栝榔四分

甘草炙三分
生二分

當歸五分

地榆四分

桃仁泥六分

紅花三分

山查肉一錢

木香二分

右咀片。如法泡製。水二碗。煎一碗。空心服。渣再煎服。

○如延至月餘。

覺脾胃弱而虛滑者。法當補理。其方如左。

◎補理煎方

川黃連酒炒六分

酒黃芩六分

酒白芍四分

廣橘紅六分

炙甘草五分

炒白朮五分

當歸五分

人參五分

用水二碗。煎一碗。空心服。渣再煎服。

以上三方。如婦人有胎者。去桃仁紅花栝榔。

以上三方。隨用輒效。其有不效者。必初時投參朮等劑太早。補澁邪氣。

在內。久而正氣已虛。邪氣益盛。纏綿不已。欲補而澁之。則助邪。欲清而疏之。則愈滑。遂至不可救藥。雖有奇方。無如之何。則投溫補殺之也。

「審查意見」脾胃弱而虛滑。其狀痢白脫肛。不甚裡急。不後重。體倦無力。食思不振。痢白而有清冷如涼粉之狀。則當溫補矣。四君八珍補中益氣。佐以消導藥品。苓連皆爲厲禁。若於痢愈大半。餘熱未清。有虛象者。以此清餘熱。調脾胃尙可。

微理妙論（原文）

古今治痢。皆曰熱則清之。寒則溫之。熱則下之。有表症則汗之。小便赤澁則分利之。此五者。舉世信用。如規矩進繩。不可易。予謂五者。惟清熱一法無忌。餘則犯四大忌。不可用也。今詳於後。

一曰「忌溫補」。痢之爲病。由溫熱蘊積。膠滯於腸胃中而發也。宜清邪熱。導

滯氣行瘀血。其病則去。若用參朮等溫補之劑。則熱愈熱。氣愈滯。而血亦凝。久之正氣虛。邪氣盛。不可療矣。此投溫補之禍最烈也。

二曰「忌大下」。痢因邪熱膠滯腸胃而成。與溝渠壅塞相似。惟用磨利疏通則愈。若用承氣湯大下之。譬如欲清壅塞之渠。而注狂瀾之水。壅塞必不可去。無不峯崩堤塌矣。治痢而大下之。膠滯必不可去。徒傷胃氣。損元氣而已。正氣傷損。邪氣不可除。壯者猶可。弱者危矣。

三曰「忌發汗」。痢者頭痛目眩。身發寒熱者。此非外感。乃內毒薰蒸。自內達外。雖有表症。實非表邪也。若發汗。則正氣既耗。邪氣益肆。且風劑燥熱。愈助熱邪。表虛於外。邪熾於內。鮮不斃矣。

四曰「忌分利」。利小便者。治水瀉之良法也。以之治痢。則大乖矣。痢因邪熱膠滯。津液枯澁而成。若用五苓等劑。分利其水。則津液愈枯。滯澁愈甚。

傳染病 瘧疾

遂至纏綿不已。則分利之爲害也。若清熱導滯。則病自愈。而小便自清。又安用分利爲哉。

凡痢疾初起。宜急服大黃爲主。一切白朮山藥之類。不可輕服。恐淹纏難愈。痢疾裡急後窘迫不通。腹內絞痛。皆屬實熱。不拘日數。必以苦寒藥治之。醫家畏縮遷延。每致日久難治。(原文)

◎治痢疾方 枯礬 五倍子各兩 共爲末。蜜丸菘豆大。陰乾。大人三錢。小兒一錢。紅痢白水。下。白痢黃酒下。

「審查意見」二味皆收斂藥。久經他藥無効者。方可一試。否則不敢輕用。

◎又方 石榴皮二錢 黃丹一錢 白礬五錢 爲細末。黃蜡一兩。化爲丸。菘豆大。服七丸。紅痢清茶下。白痢薑湯下。

「審查意見」此與前方同。不甚裡急。而無滯者可用。初起勿用。

◎人參敗毒散 治痢疾神效。止後服香蓮化滯湯一二劑。

人參

桔梗

柴胡

羌獨活各一錢

茯苓

川芎

前胡各八分

枳殼七分

甘草

薑棗爲引。加山梔丹皮各一錢。

「審查意見」此嘉言治痢逆流挽舟之法也。與活人敗毒散大致相同。發散之藥太多。終嫌不妥。

◎木香導氣湯 治痢初起。腹痛。紅白相雜。裡急後重。發熱。噤口痢。不拘老少。一服甚效。如初起先服此藥一服。盡下滯物自愈。再服湯泡飲即痊。萬無一失。

大黃

滑石各錢半

枳榔

薑厚朴

白芍

黃連

朴硝各錢二分

木香五分研

歸尾

茯苓各八分

木通錢

水煎溫服

傳染病 痢疾

◎痢疾立驗神方 香 附

廣陳皮

赤 芍

黑梔子

車前子炒

炒川連各錢

連 翹五分

木 香二分磨水煎成藥入內

水煎溫服

「審查意見」此方宜加焦三仙。枳榔。作初起之劑。如裡急甚者。赤芍應易生

白芍。歸芍用量。須達三錢。

◎湯泡飲 治大人小兒。紅白痢疾。裡急後重。疼痛難忍。日夜無度。新起者

不可服。過數日。一服即止。初起者。可服木香導氣湯。

罌粟壳 三錢溫水泡去兩頭頂蒂蜜炙黃色

炙草二分 烏梅一個打碎

三放味在碗內。入蜜一兩。攪勻。上用一碗蓋定。用白滾水一小碗。沖入。

少時拿與病人盡飲之立愈。

◎鐵門門 治水瀉痢疾。

五倍子一兩 白礬三錢半 黃丹二錢 黃蜡一兩 三味研末。黃蜡爲丸。如菉豆大。小兒用五七丸。大人十丸。紅痢茶二錢薑一錢煎湯服。白痢茶一錢薑二錢煎湯服。

「審查意見」此亦收斂止澁之方。其治水瀉者。以能乾燥水分也。但於初起。及內滯不淨瀉痢不宜。

◎治水瀉紅白痢疾 川蚊不拘多少。陰陽瓦焙熟爲末。搗葱茹泥。合丸如芡實大。紅痢清茶下。白痢薑湯下。水瀉米湯下。

「審查意見」川蚊恐係川錦紋之誤。蓋亦疏利積滯之意。每服以一錢至錢半爲限。

◎治紅白痢疾 七個粟壳七個棗。七個烏梅七寸草。燈心加來酒同煎。赤白痢疾當時好。

「審查意見」此亦酸欬之品。初起不宜驟用。

◎治噤口痢 秋王瓜藤燒灰。蘿蔔子炒研細。各等分。白糖湯調灌下即愈。

◎薑茶煎 專治小兒痢疾。

生薑 細茶各三錢 水一盅煎一盅服効。

「審查意見」薑茶飲治白痢。及濕熱喘促有効。蓋以清熱宣通兼擅故也。

◎又方 烏梅去核 細茶各等分 爲末蜜丸。彈子大。每用一丸。滾水下。

「審查意見」此方於慢性白痢頗爲應驗。

◎又方 治小兒紅白痢疾。

紅痢 用團粉三錢
白痢 用團粉七錢
黑糖 三錢
七錢 水調服。

「審查意見」團粉不知爲何物。黑糖雖能行血。但於時痧頗忌。宜審慎之。

◎香參丸 治痢疾効。

木香四兩 苦參六兩酒炒 甘草一斤

熬膏丸。桐子大。每服三錢。白痢薑湯下。紅痢甘草湯下。噤口痢砂仁蓮肉湯下。水瀉猪苓澤瀉湯下。

「審查意見」此方治痢極驗。木香以調氣。苦參以除濕熱。但少消導之藥。酌加查麵較佳。

◎治噤口痢 鹿角二兩煨存性爲末。大人每服三錢。小兒每服二錢。早晨用酒送下。（鹿角治噤口痢。當以虛寒之痢爲限。）

◎秘製大黃法 治痢疾食積膨脹。大便燥急等症。

用錦紋大黃十斤。好酒浸透。蒸三炷香。晒乾。共六次後。用薑本黃汁。浸透蒸一次。車前草黃汁蒸一次。扁柏葉黃汁透蒸一次。計九蒸九晒。乾蜜丸。每服二三錢。治一切雜症。眞良方也。

傳染病 痢疾

一四

◎治痢湯藥 治一切痢疾初起。

全當歸 炒枳殼 堅樞榔 薑川連 炒蒼朮各錢

酒白芍 炒黃芩各錢半 生大黃二錢 滑石粉二錢 廣木香八分

炙甘草五分 薑煎服。

「審查意見」此方於痢症初起。無發熱之証者。可用。如有寒熱。宜加寒熱之藥。又蒼朮一味。治痢終嫌不安。宜去之。

◎駐車丸 治一切久痢紅白不止。口乾發熱。飲食無味。

酒川連 酒當歸各三兩 烏梅肉一兩五錢 炮薑一兩五錢

眞阿膠一兩五錢 蛤粉炒成珠 神麩糊爲丸。桐子大。每服百丸。白湯下。

「審查意見」此千金方也。治赤多白少之久痢頗効。原本所列主治。均屬不切。

◎治食蟹患冷痢 藕節洗淨搗爛熱湯下數次即愈。

◎治痢 細茶三錢鹽炒去鹽 檳榔三錢 水煎服。

◎治噤口痢方 石蓮子肉一兩去青心 木香三錢 研末每服二錢米湯調下。

「審查意見」痢疾噤口原因非一有中虛者有熱極者有毒素浸潤者石蓮調理噤口是中虛之噤口備試可也。

◎又方 蘿蔔湯調蜜緩緩飲之（尙屬平淡）

◎又方 米粒不下百藥不効者用五穀虫焙乾爲末每服二三錢米湯下。
（恐力不勝任）

◎又方 田螺一個 陳豆豉一兩 葱十根 薑五錢 共搗成坭入麝香少許爲一餅敷在病人臍上用參五分煎湯噙於口中以嚥下思食爲度即去餅病自退去（備試）

霍亂

◎藿香正氣散 治夏秋時令。感染風寒。腹痛吐瀉。惡心頭痛。身熱。霍亂。

廣藿香二錢 紫蘇葉 薑厚朴 薑製夏 土白朮 白茯苓

苦桔梗 大腹皮 香白芷 生甘草四分 香薷錢

白扁豆三錢炒 有熱。加炒黃連一錢 時氣寒熱。加柴胡葛根各一錢

泄瀉。加五苓散。 霍亂。加黃連香薷散。 腹痛。加廣木香五分 大便

不利。加炒枳殼一錢

「審查意見」藿香正氣散。為治夏月暑溼而溼重於暑者。宜搗末為散。水煎熱服。今人沿用蜜丸。已失本旨。又不宜概用於暑熱病症。其加減法。亦欠妥。

◎黃金丹 治夏月霍亂。痧脹青筋等症。

川 連二兩四錢 乾 薑一兩二錢 車前子六錢 公丁香三錢
不見火

醋香附三錢 酒 芩二兩一錢 芥 穗三錢 砂 仁三錢

萹 撥三錢 鹽澤瀉二錢 川 貝三錢 陳 皮三錢

麥 芽三錢 廣木香三錢
不見火 枳 榔六錢 共為細末。用荷

葉煎打麩糊為丸。作百錠。冷水調和。每服一錠。勿犯色。用酒調服。(不

切) 並治黃疸痢疾。

「審查意見」此方寒熱雜用。辛開透達。宜於取涼飲冷吐瀉者。若純係暑熱病証。不宜取用。

◎治暴急霍亂吐瀉方 陳 皮五錢 藿 香五錢 黃土澄泥。水二

盅。煎一盅服。

「審查意見」土能保護腸胃之粘膜。陳皮藿香。和胃止吐。頗稱合拍。然嘔吐

酸水者。則嫌過燥。宜加蘇葉五分。黃連五分。百沸湯沖緩緩服之。又陳霍分量太重。以用二錢爲宜。

◎治霍亂吐瀉 用淨黃土。以冷水調飲。童叟尤佳。（亦清護粘膜之義）

◎一方 用井花水和百沸湯各半碗。服之効。

「審查意見」井花水涼水與百沸湯兌和。名陰陽水。調整脾胃頗驗。

◎一方 治亂霍亂頭眩暈。手足轉筋。四肢逆冷。急用大蒜頭搗爛。和井花水服。（可備救急）

◎一方 治轉筋霍亂吐瀉。扶病人坐起。將涼水淋兩腿筋。卽不轉。或以水二桶。慢慢抬起病人。腳入桶內。浸過曲膝上立効。

「審查意見」轉筋有熱灼筋燥。有寒極牽引之二種。視其主症。不難鑑別。曾見一老醫。用此法立取捷効。蓋爲涼水刺激。使血行起反射的興奮故。

也。

◎一方 治霍亂欲吐不吐。欲瀉不瀉。卽絞腸痧。主用左手將左腿凹內拍數十下。卽有青筋突起。將針刺出黑血立愈。（此法頗效）

◎一方 治霍亂而又下痢者。

烏梅七個

冰糖二兩

水二盅。煎一盅。放土坑內。候溫取服。

「審查意見」酸甘收斂。治慢性腹痛則可。治吐瀉霍亂則大忌。

◎一方 治轉筋霍亂。

木瓜三錢

黑糖三錢

水煎數沸。涼服卽愈。

「審查意見」木瓜舒筋。然溼赤者忌用。更不宜於暑穢霍亂。

◎一方 治轉筋霍亂。大蘿蔔梗葉細切搗爛。取汁飲之效。（可試用）

◎灸法 治霍亂已死。腹中有暖氣者。用鹽納臍中。灸七壯。（假死或可已

死豈能再活。

○治霍亂神效方 生王瓜取汁一酒盃 生薑汁一酒盃 共合和灌之。

「審查意見」王瓜能解毒通瘀。薑汁辛溫疎滯。然薑不宜於痧穢。患者如嚼黃豆。不覺有生腥氣者。不可用薑。

○治乾霍亂。腹疼出汗。吐瀉不出。急在頃刻。

食 鹽一兩 生薑五錢切片 同炒色變。以水一碗煎服。不宜熱服。好後

不可進食。

「審查意見」食鹽同生薑。不如食鹽炒熱。與童便探吐較安。

○治絞腸痧方 用明礬三四錢。滾水調勻。溫服即效。

「審查意見」明礬酸澁。且飲熱水。必能作吐。爲乾霍亂之湧亂劑。

○又方 先將兩臂抹下。其惡血聚指頭上。以針刺其十指甲下一分半處。

出血卽安。(一切急症皆宜)

黃疸

黃疸。身黃面黃目黃溺黃是也。攷其原因。中醫謂脾胃濕熱重蒸而然。西醫謂胆汁入於血分。爲由肝臟胆汁充積之故。或血液中之血素變爲胆色素。稱曰血性黃疸。驟視之。似有二歧。細究之。理同一揆。蓋中醫所言之濕。範圍極廣。溼潤之溼。液體之溼。與夫蒸氣之溼。統稱之謂溼。消化不良。停積腸胃內之液體。循環障礙。蓄積儲留之液體。亦以溼字包之。學者應當認識中醫溼字範圍之廣。胆汁蓄積。自屬液體。謂之曰溼。亦無不可。其別雖有五。卽黃疸。穀疸。酒疸。女勞疸。黃汗。是也。然不如以陰陽爲簡切。陰黃之色晦暗。陽黃之色鮮明。治陽黃宜偏清熱。治陰黃則重利濕。其大涼大下。皆宜慎用。審證勢之輕重。以口渴不渴爲辨。察黃毒之利否。視小便之色爲消長。飲食祇宜

清淡。不宜肥甘。益增膩滯。查本門列方。有外治者。有內服者。而於主治不詳。使人無用方之準繩。特訂正之。以便家庭自療之一助。

◎治遍身發黃。如金色。甜瓜蒂六月六日收者好 丁香 香各四十九個 用淨沙鍋

炒。以煙盡為度。研為細末。小兒半匙。大人一匙。吹入鼻內數次。

「審查意見」此方頗驗。其詳細之理論。見審查徵集驗方第二集。傳染病門。

◎黃疸渾身如金色 苦丁香二錢 母丁香一錢 黍米四十九粒

赤小豆五分 為細末。臨臥時先含涼水一口。却於兩鼻孔嚙上半

字。便睡。至次日打下黃水。便服黃連散。病輕者五日見功。重者半月見

效。

◎黃連散 治黃疸大小便秘澁。壅熱在內者。

醋炒大黃 黃連各二兩 黃芩 炙 草各一兩 為細

末。食後用溫水調下二錢。日三服。

「審查意見」丁香、黍米、小豆等。作吸入劑。頗有應驗。苦丁香即甜瓜蒂。功能涌吐痰涎。滲濕利水。母丁香有特異之芳香。用以升降氣機。並為由呼吸傳達藥力之嚮導品。赤豆利濕。黍米緩利。藥氣隨空氣而入肺動脈。於以循環全身。遂呈中和或制止胆汁之用。此為外治之良法。但用後接服黃連湯。則宜大為審慎。果有煩渴、熱極、便秘等症。始為適應。否則不敢輕用。

◎一方 治症同前。

苦丁香為末。寒鼻內一時。鼻出黃水。水淨即止。三日後再出一次全愈。

「審查意見」無用苦丁香。功用雖同。但不如佐以白丁香。赤豆較佳。

◎治五疳 絲瓜子燒存性為末。如因酒病者。酒調下。麵病者。麵湯調下。

「審查意見」藥性和平可用。

◎二物湯 治黃疸大便自利而黃。

茵陳蒿三錢

梔子

黃連各二錢

水煎服。

「審查意見」茵陳爲黃病之特效藥。連梔燥濕清熱。此治黃疸之屬於陽黃。其色金黃如橘子色者。

◎治漫胆眼與週身黃如金色者。

絲瓜根或三七根搗爛。水一碗。煎八分。沖黃酒服。病深者。服二三劑方好。

「審查意見」絲瓜能通絡。解毒涼血。藥性和平。可備採用。

◎專治黃病 黑白牽牛各三兩。用一個糟發大醇。醇刀切開。去內穰。裝上

牽牛末合一處。紙包好。放炭火內。燒出煙存性。去麪用牽牛爲末。每服

錢半。黃酒下。盡下黃水爲效。

「審查意見」牽牛子。功專利水。治黃疸濕濁水停。腸鳴嘔惡者可用。糟發大醇未詳。

◎貞元廣利方 治黃疸皮膚面如金色。小便赤。心煩口乾者。

秦 朮三錢 牛 乳兩碗 煎一碗。溫服。

又方加芒硝一錢

「審查意見」面黃如金色。心煩溺赤。明係熱重於溼之陽黃。秦朮爲風溼藥。牛乳是溫潤品。似宜治陰黃。而不宜於陽黃。茲重訂王治如下。

「訂正主治」治黃而晦暗。骨節疼痛。口乾不欲飲。倦怠無力者。

◎專治五疸。益母草搗取汁一盃。好酒沖服。四九次即愈。

「審查意見」黃病多兼消化不良。蓋卽古醫所謂脾溼之徵。治宜注意消化

器病。如滲濕利水。溫利健胃是也。益母草功能淨血。於無兼証時。或可
有效。

瘧疾

瘧疾之實質病原。據西人攷察。謂由一種原虫。藉瘧蚊之媒介。侵入人體。潛
於血液。破壞赤血球所致。然瘧疾特多發於夏秋。其故何在。是則六淫氣化
之說。不可不講矣。內經論最詳。大要謂邪藏骨髓之中。不與陽俱出。而隨陰
偕行。出則并於陽。以與陰爭爲熱。復入則并於陰。以與陽爭爲寒。試推其意。
曰出入。非瘧原虫之分裂乎。曰陰陽。非指兩個赤血球乎。瘧論明言。瘧由暑
熱氣藏於營氣之舍。寒水氣藏於皮膚之內。故治瘧當以清暑利溼。化痰消
食爲主。其有間日三日一發者。乃病邪深入。久而綿纏之証。如果體虛不勝。
卽當佐以補益。古以小柴胡湯爲治瘧專劑。不知柴胡爲少陽專藥。少陽証

寒熱往來。形如瘧狀。非瘧疾即少陽症也。

◎治瘧疾初起效方 由風寒起者非宜。

薑炒青皮 廣陳皮 炒白朮 柴胡 枳梗

製半夏各二錢

水二碗蒸六分。另用南山查二兩。水二碗煎四分。和在一處。露一宿。次早服。

「審查意見」此通俗治瘧之方也。實則六氣俱能成瘧。而以宿痰宿食。為其內應。當審原因而治之。不必皆用柴胡。宜於方中去柴胡白朮。加常山草菓檳榔砂仁酒芩等。其効乃著。

◎又瘧疾方 俟發過七八次後服。

常 山錢半酒煮晒乾 檳榔錢半 丁香七分 烏梅一個

黃酒一盅半。蒸三四滾取起。露一夜。次早瘧將發時服之。得吐而愈。

「審查意見」此是去痰祛寒之方。不能涌吐。如欲吐痰。宜去檳榔加甘草則吐。但治瘧方法。不必需要吐法也。方中宜去丁香加陳皮半夏赤苓焦三仙等尤效。

◎治久瘧陰瘧效方 蕎麥細麵。不拘多少。用活蟹去頭滴血丸之。陰乾。未發之先。預服三錢。滾水下。

「審查意見」此方不詳其理。恐未能驗。又聞一單方。用狗蠅去肢翅。黃蜡包爲小丸。一蠅包一個。初兩次服五七粒。漸加至十餘粒。治久瘧不愈。曾見一人有效。其理自思不解。或能殺瘧之原蟲歟。

◎驅瘧湯 俟發過六七次後服。

常 山酒蒸晒乾

知 母

貝 母

母

草

果各錢半

水煎。

五更時熱服。忌雞肉。

「審查意見」此仍爲消寒祛痰之藥。知母草果。調其寒熱之偏勝。常山貝母。祛其潛伏之頑痰。宜加檳榔赤苓陳皮等。其功更捷。

◎瘡疾奇方 青蒿採葉子晒乾研末。或爲丸。頭一日晚。預服三分。次早用熱黃酒服三分。薑湯亦可。渾身熱者。黃酒服。或暑火走注。喉乾口渴。冷水煮服。卽能解暑除熱。此藥又能治陰虛聲啞。

「審查意見」瘡之發也。多有痰食之停滯。外感之觸動。青蒿善清虛熱。治溫瘡暑瘡。容有小効。但不加消食祛痰藥。單方恐無功效。

◎久瘡効方 大棗兩個。去皮核。斑蝥兩個焙研。入棗肉內研勻。加熱豬油少許。捏成餅子。指頭大。貼在兩眉中間。印堂上。一週時卽愈。

「審查意見」此吊炎方法。敷貼處必發炎腫痛。意其瘡毒由此處外出。亦分

傳染病 瘡疾

三〇

消其勢之一法。但不可專任。其效甚微。

◎治瘡發不拘次數多少。一服即愈。

苦參一味。爲細末。用好醋打麵糊爲丸。桐子大。臨發之日。早晨用桃枝七寸。柳七寸。泡湯一茶碗。服三分。

「審查意見」苦參能殺蟲去濕。治瘡或有功效。但編者未經試驗。不敢證明確實。暫予存疑。俟究研証實。再爲編入。

◎治小兒瘡疾久不愈方

炙 草三分

草 果泡皮壳
三錢半

薑厚朴

烏梅肉 半夏麩薑炒 良 薑土炒

青 皮各五錢炒

每服三分。薑三片。棗一枚。同煎服。

「審查意見」久瘡不愈。致體虛者。宜加參朮之屬。此方去炙草良薑。加栝榔常山各錢半。治瘡有效。

◎治小兒溫瘧方 鷄肫黃皮煨灰存性。乳和服之。男雄女雌

「審查意見」既是溫瘧。爲何用鷄肫皮治之。當是小兒食滯之瘧。宜易爲食瘧。

◎治久瘧腹中結塊。名曰瘧母。

醋炙鱉甲三錢

土白朮一錢

炙 草五分

黃 芪一錢 蜜炒

酒白芍一錢

川 芎一錢

「審查意見」瘧母之病理。係久瘧循環障礙。該處之淋巴液。與血液。並腸間糟粕停積所致。治宜消積導濁。此方僅鱉甲一味。擅化積之力。而黃芪白朮。又與瘧母之治法不合。不若鱉甲煎丸之周到恰合也。

◎治三日一次瘧疾方

生 薑 細 茶 山 查 柴 胡各一兩

酒一大碗。井河水各一大碗。煎至一碗。露一宿。次早溫服。

傳染病 瘧疾

三二一

「審查意見」薑茶飲。功能祛痰清熱。合山查之消滯。柴胡之和解。一切瘧症。其內熱輕者。俱可採用。又不必如是煎法。水煎各三錢即可。或代茶飲之。又按此方內。如去柴胡。加常山三錢。則方意較純。而且功效亦較爲確實。

◎治各種久瘧 夜明砂爲末。每用一錢。溫開水送下。

「審查意見」夜明砂爲蝙蝠所遺之糞。中含有未消化之蟲如蚊螢等。用治瘧疾。本草載之。意謂本藥或可撲滅瘧之原蟲乎。

◎治瘧疾方 公道顆草尖煎水。於未發之前。洗足即愈。
「審查意見」按公道顆草不詳。待考。暫予存疑。

◎治瘧疾後成痞塊奇方

炒小茴

蕪荑

白芷

肉桂

白薤仁 甘草各一兩 青皮 陳皮

莪 朮各二兩 砂 仁五錢 阿 魏四錢

共研末爲丸。硃砂水飛五錢爲衣。每二錢。清茶下。

「審查意見」瘡後之成痞塊。証屬瘡母。治療方法。注重在活血消瘀。以消化脾藏之積血。方中藥味。多屬治消化停滯之証。用治瘡母。尙嫌不合。

◎截瘡之法。正可用之壯盛人。四五次發後。瘡勢少減。可以截之。若虛弱之人。始終不可截也。大凡瘡疾初起。先宜發散。出汗。用疏邪湯。

川 芎 白 芷 麻 黃 炒白芍

川羌活 防 風 荆 芥 紫 蘇各錢

生 草五分 生 薑三片 葱 白三錢 水煎露一宿。次

早溫服。有痰加陳皮一錢。有溼加蒼朮一錢。夾食加炒香附一錢。山查一錢。

「審查意見」病症之久暫。次數之多寡。不過爲診斷上之應注意者。實則無論四五次與六七次。亦當以現症爲準。有斯症。用斯藥。此方係發散感冒。雖在三四次後。有鼻塞無汗等症。亦可採用。縱於初起。無感冒証者。則當懸禁。爰述其理於此。又方中麻黃羌活。皆宜刪去。因發汗藥太多之故耳。

◎山陰倪涵初先生手定治瘧疾奇效三方。

瘧之爲害。南人患之。北人尤甚。弱者患之。强者尤甚。雖不致遽傷大命。然不治則發無已時。治之不得其道。則惡邪內伏。正氣日虛。久而久之。遂不可藥。余所定三方。甚爲平易無奇。且不必分陽瘧陰瘧。一日二日。三日。及非時瘧。人無老幼。病無久遠。此三方不必加減。惟按次第服之。無不應手而愈也。

◎第一方

廣陳皮

陳半夏薑汁煮透

白茯苓

威靈仙各一錢

蒼

朮

米泔水浸一日切炒淨八分

紫厚朴薑汁炒

柴

胡各八分

青皮六分

枳

榔六分

炙草三分

右咀片如法泡

製薑三片并河水各一盅煎九分飢時服渣再煎服如頭痛加白芷二分。

此方平胃消痰利氣除濕有疎導開先之功受病輕者二劑即愈勿再藥可也若三劑後病勢雖減而不全愈必用第二方少則三劑多則五劑而已。

「審查意見」此方治偏於濕濁之瘧尚可。

◎第二方

何首烏

三錢
牛用

廣陳皮八分

紫頭蒜八分

當歸一錢

白茯苓八分

炒黃芩八分

炒白朮二錢

傳染病 瘧疾

三六

知母二錢 威靈仙一錢

甘草三分

醋炙獐甲 研粉 三錢

右藥加薑二片。并河水各一盅。煎八分。加無灰酒五分。再煎一滾。空心服。

此方妙在補瀉互用。虛實均宜。不用人參黃耆。屏去常山草果。平平無奇。却有神效。即極弱之人。纏綿極重者。十劑後立有起色。立奏萬全。所云加減一二。即不靈應者。正此方也。

「審查意見」此治瘧久血虛之方。

◎第三方

人參一錢

蜜炙黃芪錢二分

當

歸錢二分

炒白朮各錢

廣陳皮八分

炙甘草三分

柴

胡八分

升麻四分

或加何首烏二錢。炒知母錢。或加青蒿子八分。麥芽一分。薑一片。棗二

枚。水二盅。煎八分。半飢時服用三五劑。元氣充實。永不發矣。

方雖有三。第三第二。實為主方。既不刻削。亦不峻補。功獨歸之。其第三
方。專為有力者設。貧家安得有參。只多服第二方可也。

「審查意見」身體虛弱。病勢將衰。此方可用。

◎久瘧全消方

威靈仙一兩

醋炙蓬朮一兩

炒麥芽一兩

金毛狗脊八錢

青蒿子五錢

山甲珠五錢

黃丹五錢

蠶

甲五錢酒炙
研細

如小兒加雞肫黃皮五錢炙末

外用山藥粉一兩

飴糖一兩

為細末。右藥加水一小碗為丸。如菘豆大。每半飢

時薑湯送二三錢。凡處暑後冬至前。或間日或非時纏綿日久。必有瘧
母。當酌定此方法。不半料。遂全愈。

「審查意見」製黃丹法。係以鉛少加明礬少許。火燒而成。其主要之用途。為

傳染病 瘡疾

三六

製膏不可或少之藥。內服雖有墜痰消積殺虫之能。然究非內服所宜。治瘡母。當以鱉甲煎丸爲是。如用本方以消瘡母。須去狗脊黃丹山藥飴糖。

◎灸法 用旱蓮草搗爛。置左手寸口上。以古錢壓定帛繫住。良久起小泡。謂之天灸甚効。(有無効果須待試驗)

◎瘡靈丹 治瘡發過五次者。

五月初四日。揀雄黑豆四十九粒。用水泡。初五日清晨。捏去皮。淨石臼內搗爛。入人言末一錢。雄黃末一錢。和勻作丸。晒乾。每服一分。臨發之日。空心日未出時。面向東方。無根水吞下一粒。此一日不許吃一點茶飯酒食。如渴只飲涼水。午後方許吃些冷飯。如吃熱物。防吐。惟忌熱物一日。

「審查意見」雄黑豆不詳。無根水。殆即面向東方時。以意取水之謂。然所用人言雄黃。不過爲祛痰與殺原虫之用。何必面向東方。自神其說哉。且四十九粒之黑豆。一錢之雄黃。配和一錢之人言。則每次人言之服量。等於雄黃。其毒烈可知。此等方。却瘡雖有效。但多服須防其中砒毒耳。

○一方 用大蒜三瓣。胡椒七粒。百草霜三分。共搗成丸。男左女右。縛於曲澤穴上。穴在臂膊灣上三寸便是。

「審查意見」有無效果。頗難逆料。

瘟疫

瘟疫者。諸急性傳染病之總名詞也。在昔醫家。無顯微鏡之檢查。不能辨別細菌。然深知瘟疫與通常時令病不同。故有戾氣。悍氣。及天地疢癘。旱潦雜氣之等等名稱。要皆明瘟疫與時病有別。誠爲古醫之卓識。瘟疫之主要點

傳染病

瘟疫

四〇

有三。一爲傳染。二爲轉變迅速。三爲同時一隅或一方皆發。類之病。有此三點。所以迥別於時令病也。至於本病治法。以芳香辟穢。清熱解毒爲主。古方多有用溫燥者。似未盡妥。其詳細治法。可閱中國傳染病學。

◎治時氣流行瘟疫 九九盡日。取茵陳蒿連根採來。陰乾。如遇天行。春令時疫起。每人用蒿五分。烏梅二個。打碎。水二盅。煎八分。熱服。汗出即愈。〔審查意見〕茵陳蒿不過能清利溼熱。何能統治瘟疫。茲定一簡明條例。取用退作熱之日的。在鄉間醫藥不及時。可備試用。但須大量。五分嫌輕。

◎治瘟疫出汗即愈

黃丹

胡椒

白礬各一兩

馬蜂窩五錢

右爲細末。老葱共搗成膏。男左女右。手捏小便處。即時汗出効。

〔審查意見〕此外治之法。其所以發汗。意者黃丹老葱吸拔之故。究否有効。

未曾經驗。但無大害。不妨試用。

○諸葛行軍散

菘豆粉一兩

麻黃末三錢

右和勻。每服一錢。無根水

調下。其汗自出。瘟疫即愈。

「審查意見」此方配合頗佳。菘豆粉清熱解毒。麻黃辛溫發表。無論時病瘟疫。初起發熱惡寒無汗者。皆可酌服。但苟其証非發汗所可治者。則此方不宜用。

○發汗靈藥方 治傷風傷寒。一切等症。

梅蒼朮米泔浸

川羌活

白 礬各等分

爲末。用生薑搗自然

汁爲丸。如核桃大。男左女右。手緊緊對陰。迅吃葱薑湯下。蓋被出汗愈。「審查意見」此係治寒疫之方。若治瘟疫。不啻添薪而求滅火。須知瘟疫屬於熱性者多。寒性者極少。故此類溫燥方法。切勿輕用。

傳染病 瘟疫

四二

◎普救五癩丹

冰片六分 眞牛黃一錢 麻黃二錢零四厘

琥珀一錢零五厘 粉草三錢半 爲細末。共一處。磁瓶收貯。勿洩氣。

此丹專點傷寒四時瘟疫。一切感冒。用清水骨簪蘸藥。不論男婦。點兩眼角。靈驗如神。一炷香之時汗出。如重不出汗。再點一次。汗出即愈。

「審查意見」觀音救急丹。點兩眼角。治霍亂急痧等症。曾試有效。而所以之理不明。蓋因古之醫方。皆係實地經驗而得。又每用一分內服。清熱發汗。功效較捷。

◎行軍散

麻黃五兩 乾薑二兩 白芷五兩

甘草五兩 細辛五兩 共爲細末。磁瓶收貯。不可洩氣。

此藥專治瘟氣纏身。久不出汗者。每服二分。煎菘豆湯調下。卽刻出汗。「審查意見」此方辛溫發汗。瘟疫內熱猖獗。得此火焰愈熾。切勿孟浪投之。

如加牙皂一兩。以嚙鼻取嚏尙可。

◎廣濟丹 治內傷外感。一切風寒瘟疫。霍亂吐瀉。瘧疾腹痛等症。

炒梅朮

炒白朮

廣陳皮

薑厚朴各三兩

甘草

白茯苓

紫丹參各一兩五錢

研細末。蜜丸。每丸重二錢。薑湯服。

「審查意見」本方主用平胃散。治濕濁停滯。胸脘痞悶。舌白口膩。下午微熱之濕溫症尙可。若治熱疫。則害立至。

◎發汗散 治一切瘟疫傷寒。身熱。口乾頭痛。身痛等。

明雄黃四分
水飛

眞辰砂二分
水飛

火 硝四分

麝 香一分

金 箔五張

同研極細末。磁瓶收貯。每用五厘。或一分。男左女右。點大眼角內。

「審查意見」瘟疫主要之治。重在解毒清熱。活血通絡。可汗不可汗。尚須大為斟酌。若如古謂有表症而無表邪者。汗之不亦愈重其病。總之。有裡邪者。急當清裡。不可專以發汗為治。若冒寒惡寒無汗。是乃發汗之的候。此方點眼角內。未必能立即出汗。取其解毒。內服其力較大。

◎避瘟丹 此藥燒之。能令瘟疫不染。空房內燒之。可避穢惡。

製乳香

南蒼朮

北細辛

川芎

降真香各一兩 一方加檀香共研末。棗肉丸。如芡實。火燒之。

「審查意見」凡瘟疫流行之際。除本人所着之衣服。所需之器具。須絕對清潔而外。水缸中宜泡以貫仲。以防微生物之潛入。室中尤須燒燃香料。庶免疫氣之侵犯。此方亦可採用。

◎參蘇飲 專治傷寒風感冒。發熱頭痛。咳嗽涕稠。疎邪清氣。消痰除熱。

紫蘇葉

葛 根

製半夏

北前胡

廣陳皮

白茯苓

炒枳壳各等分

廣木香

桔 梗

生甘草各四分

薑棗煎服。咳嗽。去木香加桑皮。

杏 仁各一錢

肺熱加炒黃芩一錢

「審查意見」流行性感冒。亦屬瘟疫之一種。與普通感冒之無傳染性者不同。治法當分辛涼發散。與辛溫發散。內有伏熱者。辛涼解表。銀翹蟬衣之類是。無伏熱者。辛溫解表。此方之類是。

◎救苦丹 治傷寒感冒。頭疼口渴。身熱日脹。筋骨酸痛。一切風寒之証。

紫蘇葉四兩

川羌活四兩

川 芎二兩

生甘草一兩

炒黃芩二兩

口防風二兩

香白芷二兩

生地黄二兩

北細辛一兩

南蒼朮二兩炒

廣陳皮一兩

葛 根四兩炒

傳染病 痘疫

四六

製香附三兩炒。共為細末。生薑汁打糊為丸。桐子大。每服三錢。葱湯下。或做彈子亦可。

「審查意見」本方彙集一派辛溫解表藥品。只宜感冒風寒。身疼頭痛。惡寒無汗者可用。外此不敢輕投。此方內除生地羌活葛根。則方意較純。

◎治感冒初起。身熱頭疼。口乾無汗。用此發汗。兼治水瀉。生薑三錢。

核桃肉三個 連鬚葱白七個 六安茶二錢 水煎服。

「審查意見」此方仍是辛溫解表藥。口乾忌用。薑葱治寒熱無汗相宜。核桃肉。治咳嗽氣喘有效。當治惡寒身熱無汗。微咳微喘。乃為相合。原件云。治口乾水泄等候。絕對不確。

◎治一切感冒。惡心吐瀉。泄瀉傷食。發熱。一切雜症之要藥。

白鳥藥

口防風

川羌活

北前胡

香白芷

川芎

製半夏

赤茯苓

縮砂仁各三兩

炒枳壳

炙甘草各兩半

白叩仁二兩炒

草薹仁一兩

薑厚朴

廣木香

紫蘇

薄荷葉

梅蒼朮

製香附

藿香葉

廣陳皮各三兩

共爲細末。用神麩廿三兩爲末。用薑汁打糊和藥爲錠。每錠重三錢。陰乾。礫砂水飛爲末。薑湯服下。

「審查意見」此方湊合解表暖胃諸藥。方既雜亂不純。而實僅治寒溫之感冒。稱爲一切雜症之要藥。非但藥証不符。亦且將其原有功效。反致埋沒。特代爲另訂主治如左。

「重訂主治」惡寒重。發熱輕。頭痛身痛腹痛。胃部不舒。大便泄瀉等証。

◎大金丹 專治疫癘心疼。烏痧脹。絞腸痧。及水瀉痢疾。不服水土等症。

甲己之年。甘草爲君。此藥屬土。

乙庚之年。黃芩爲君。此藥屬金。

丙辛之年。以黃柏爲君。此藥屬水。

丁壬之年。生梔子爲君。此藥屬木。

戊癸之年。以黃連爲君。此藥屬火。

右每味各二兩。君藥加一倍。各味皆生剉碎爲細末。用大黃三兩熬膏。如丸彈子大。硃砂四錢。雄黃五錢爲衣。再用上好赤金貼丸。在冬至夏至合丸爲妙。冷水磨服。百發百中。

「審訂意見」此方爲黃連解毒湯加甘草。功專清熱解毒。原件用治烏痧脹。絞腸痧。水瀉痢疾等証。完全不合。又以年運五行定君藥一項。語近荒

誕。不足為法。然此方清熱有效。但不合於原件所開之主治耳。另訂如左。

「重訂主治」心煩身熱。小便不利。大便秘。或有瘡瘍。嫩紅赤腫。灼熱疼痛者。宜用此清熱之劑。

◎治瘴氣湯 海內縉紳。遊宦四方。水土不服。常用此方。若任兩廣。丸宜常服。

廣陳皮

炒白朮

白茯苓

炒黃芩

山梔仁

製半夏

山查肉各一錢

炒黃連

六神麴各七分

北前胡七分

生甘草四分

蒼

朮

八分米泔浸
鹽水炒

生薑煎服。不拘時。一日一劑。可免瘴病。更宜戒酒色。慎起居。

「審查意見」此方可治濕熱內注。食思不振。茲重訂主治如下。

傳染病 瘟疫

五〇

「重訂主治」治內有濕熱。胸痞脘悶。或噁心嘔吐。或泄瀉黏糞。吞酸糟雜等症。

◎除瘟救苦丹 此藥專治瘟疫。口渴咽腫。發熱無汗。頭痛。清解瘟疫之要

藥也。

明天麻一兩一錢 麻黃去節 乾薑 眞藜豆粉

芽 茶各一兩二錢 硃砂水飛 生草各八錢 明雄黃八錢

生川大黃二兩 共爲細末。蜜丸彈子大。重二錢。每服一丸。涼水化開

送下。出汗即愈。重者連服二丸。

「審查意見」方中乾薑對於上述諸症。大非所宜。應減去方妥。又麻黃分量。

亦當減半用之。

◎內府仙方 治項腫大頭病蝦蟆病。

蠶一兩 薑黃二錢半 蟬 蠅六錢半 川大黃四兩

研細末。薑汁打糊為丸。重一錢。大人服一丸。小兒服半丸。蜜水調服。

「審查意見」此方治大頭。蝦蟆。及瘟病初起發熱。確有功效。但不宜蜜水水

調服。

◎治大頭。瘟頭。臉皆腫者。福建靛花三錢。燒酒一盅。雞子一個。攪勻服。

「審查意見」靛花即青黛。性大苦寒。清熱最捷。火熱熾盛。必能直折其威。和

以燒酒。絕無寒涼冰伏之虞。

◎菩提丸 治時行瘟疫。不服水土。山嵐瘴氣等症。

廣陳皮 製半夏 南蒼朮 紫厚朴

縮砂仁 炒枳壳 製香附 白茯苓

白扁豆 川黃芩 廣藿香 南薄荷

傳染病

瘧疾

五二

紫蘇葉

南山查

炒神麩

炒麥芽

生甘草各十兩 共爲末。荷葉煎湯爲丸。車三錢。薑湯下。

「審查意見」此藿香正氣丸。一般已沿爲夏令之慣藥。實明此藥之功。爲化食滯。利濕濁。不能清暑。其內有燥熱者。不宜取服。

時令病 傷寒

仲景傷寒論。垂三百九十七法。一百一十三方。其論証也。詳列本証。兼証。夾証。靡不辨於微芒。晚近西學東漸。解剖術興。羣以三陽三陰。不能見而斥之。殊不知古人立說之原意也。時逸人先生謂三陽經症。是體溫調節。發生變化。三陰經症。屬臟器實質。自起之變化。（詳中國時令病學）已將千載疑問。而被訾於人者。數語揭破。其於治法。當然有所適從矣。年來一般未究傷寒之醫生。徒以寒可治熱。熱能祛寒。專行對症療法。與待期療法。寒則圍以

火爐熱則覆以冰囊。此本以火劫之。以水漬之之事。乃中國漢代以前之陳法。在昔時已棄而不用。望吾醫界同仁。勿存門戶之見。宜念生命之尊。虛心求學。以能愈病爲不二之目的。則患斯病者。必可造幸免厄。至其治法。詳傷寒論。茲不贅。

◎十神湯 治感冒風寒。發熱惡寒。頭疼身痛。咳嗽喘急。或欲成疹等証。

川芎片

香白芷

麻 黃

廣陳皮

製香附

炒赤芍

綠升麻

乾 葛各一錢

紫 蘇錢半

甘 草五分

加生薑煎服。出汗。

如發熱頭疼。加細辛石膏葱白。胸膈膨悶。加枳壳桔梗。心腹脹滿。加枳壳半夏。潮熱。加黃芩麥冬。咳嗽喘急。加桑白皮桔梗半夏。大便閉。加大黃芒硝。嘔吐。加藿香半夏。泄瀉。加白朮茯苓。瘧疾。加草菓檳榔。痢疾。加

時令病 傷寒

五四

枳壳黃連。腹疼加白芍。

「審查意見」仲景用藥。自有一定之法律。不能任性所欲。攷傷寒論用細辛。係太陽與少陰合病者。方取細辛以宣散。若只太陽病。麻黃卽是主藥。又石膏爲陽明正藥。雖大青龍中有石膏。原爲內有伏熱而設。發熱頭痛。不可驟用石膏。至咳嗽喘急麻杏石甘。向稱良劑。桑皮治新咳。似未盡妥。其餘加減法尙可。

「編訂意見」古代醫家。疑傷寒証用麻黃桂枝二方。爲天經地義而不可移易者。然以此二方治春夏之感冒性病証。又覺不甚相宜。彼不知因証擬方之切要。仍然迷信麻桂方法。思別立一法。以代替之。如同方之十神湯。河間之九味羌活湯等方。皆有此弊。金鑑醫方論。竟謂十神湯代麻黃湯之用。九味羌活湯。代桂枝之用。洵屬理想之談。而昧却治病之

實際者。本方之藥味配合。實較麻黃湯爲峻。治春夏之感冒。仍然不合。宜去方中之麻黃升麻葛根川芎。加入防風銀花錢半。則方法較安。

◎羌活沖和湯 以代桂枝麻黃青龍各半等湯。治春夏秋感冒。發熱。惡寒。脊強。無汗。頭痛。

香白芷

以芎片

口防風

茅蒼朮各八分

生地黃

以羌活

川黃芩各錢

生甘草

北細辛各三分

薑棗葱白引。水煎服。

「審查意見」攷桂枝麻黃各半湯。治「太陽病。得之八九日。如瘧狀。發熱惡寒。熱多寒少。其人不嘔。圓便自可。一日二三度發。脉微緩者。爲欲愈也。脉微而惡寒者。此陰陽俱虛。不可更發汗。更吐更下也。面色反有熱色者。未欲解也。以其不得小汗出身必癢。宜桂枝麻黃各半湯。」綜觀原

文「不可更汗……」及「不得小汗出」是桂枝麻黃各半湯。本非大汗猛烈之方。乃和疏營衛。俾得小汗之方。其中並無細辛。所有細辛之麻黃附子細辛湯。必曰少陰病。始得之。反發熱。脈沉者。其著眼處。在發熱而脈沉。乃用細辛之的症。若不究仲景用藥之定律。徒曰以某方代某湯。未見其能中竅也。

附加減法 如胸中飽滿。加枳殼桔梗。夏月加石膏知母。名神朮湯。如服此湯不作汗。加紫蘇葉。喘加杏仁地黃。汗後不解。宜再服。汗下兼行。加大黃爲釜底抽薪之法。春夏秋感冒非時傷風。亦有頭痛惡寒。身熱自汗。去蒼朮細辛。加白朮（不切）若汗不止。加黃芪芍藥。如發汗。用熱服。止汗用溫服。

「審查意見」發汗用熱服。止汗用溫服。本爲發汗之方。何以溫服。便不發

汗。此種理由。實不充足。又汗後不解宜再服。須視有無再汗之必要。

「編訂意見」此方宋代醫家奉爲桂枝湯之代替品者。但於方中去細辛川芎茅朮地黃羌活加入銀花連翹秦艽豆豉陳皮赤苓等味。方便純安無疵。

◎發汗法

連鬚葱白兩根

棗仁兩個

菘豆三十個

松蘿茶三錢

核

桃一個連皮打碎

水二盅。煎一盅。熱服。

「審查意見」發汗之法甚多。此方亦可選用。以治感冒兼咳嗽有效。

◎又方 羊糞焙炒爲末。每服三錢。黃酒送下。汗出即愈。治大頭傷寒神方。

「審查意見」吃羊糞以糞發汗。則亦不潔之甚。主治大頭瘟。未知有無效果。

然黃酒沖服。殊非大頭瘟証所宜。

◎昔京師人多患前症。一異人書方於通衢。用黑豆二合。炒熟。炙甘草一錢。

時令病 傷寒

五八

水二盅煎八分。熱服神効。

「審查意見」異人書方。似近巫語。但黑豆能解諸毒。其次草宜易生草。則頗近理。

◎點眼出汗方

冰片

牛黃

青魚胆各錢

胆礬五分

麻黃膏一兩八錢

黃連膏二兩

將前藥俱合膏內。用磁器盛之。黃蠟封口。以簪蘸無根。

水點眼。男左女右。點大眼角。仰臥合眼。汗出愈。

「審查意見」發汗而用是法。乃自招煩瑣。或謂發汗之方固多。然遇中寒卒仆。神昏無知。不能灌藥之際。舍此類外治法。安能出汗。不知卒仆神昏之時。最慮其出汗。汗液自出。脫症立現。其救急之法。惟有打藥取嚏。有嚏者生。無嚏者死。又何須用此法哉。

「編訂意見」眼角非專任服藥之部。發汗點此。古人雖有此說。仍恐不甚相

宜。

◎三黃石膏湯 治陽毒發斑。目黃。身如塗硃。眼珠如火。狂叫欲走。燥渴欲死。鼻乾而赤。齒黃。譫語不休。晝夜喘息。鼻中時衄。可以此湯治之。

石 膏三錢

麻 黃

香豆豉各五分

川黃連

川黃柏

川黃芩

生梔子各一錢

水二盅。薑二片。

棗二枚。槌細茶一撮。煎熱服。

「審查意見」此方大苦大寒。非屬實熱盛者。不宜輕用。宜去薑棗。則方法較醇。

◎三黃巨勝湯 治陽毒發斑。狂亂妄言。大渴喊叫。目赤。大便燥實。上氣喘

急。舌卷囊縮。

生石膏二錢

芒 硝五分

川黃連

川黃柏

時令病 傷寒

六〇

川黃芩

山梔子各一錢

川大黃一錢五分

水二盅薑二片。

棗二枚煎服。槌法臨服入磨刀泥漿水兩匙。

「審查意見」陽毒發斑如錦紋。其狂亂妄言。大渴喊叫。皆屬熱極之証。膏黃清熱。硝軍瀉熱。尙爲對症之方。但服磨刀水。雖取鐵性之鎮墜。然不潔殊甚。莫若以生石決明代之。薑棗宜去之。

◎傷風方

紫 蘇二錢

核 桃五個打碎

生 薑三片

葱 白二寸

水煎。出微汗卽解。如夏月。去葱不用。

「審查意見」用此方之主徵。以惡寒無汗。苔白不渴者。爲適應。

◎一方 治傷寒發黃。目不識人。將生薑火煨熱。去粗皮。布包扭出汁。蘸香

油點兩目大小眼角。立效。

「審查意見」傷寒發黃。目不識人。多因神經錯亂。若神志未變。僅爲視覺上

障礙者。亦間有之。前者斷不可用。用則非徒無益。而有害之。後者容可試驗。然薑汁刺戟。謹防瞳孔破傷。故亦以不用爲安。

◎獨神湯 治一切感冒。

用黑豆一合。炒焦。以酒淬入。熱飲。蓋被出汗即愈。

「審查意見」此方頗驗。但須非急性傳染病則可用。若內有蘊熱。尤宜屏絕。

◎七將軍湯 治感冒。

將核桃連壳打碎 葱白頭各七個 加蘇葉三錢 共入大碗中。用

百沸湯泡。薰頭面。通口盡飲之。蓋被取汗。

「審查意見」感冒乃極輕之冒風冒寒。與傷寒輕重有別。略投疎解。便可恢復。此方頗佳。勿輕視之。

◎陰症傷寒神效方 胡 椒四十九個 飛 礬一錢 黃 丹一錢

時令病 傷寒

六二

右研細末。以好酒和成丸。男左女右。置於手心。正對陰迅合之。緊緊按定。少刻腹內燥熱。不可動搖即愈。女人尤効。

「審查意見」按此方以熱熨寒。與灸同理。一切陰寒爲患。俱可試用。但以置於臍中爲佳。

◎治陰陽易 男女病後新瘥交合。反得其病。名曰陰陽易。如交易之易。其症手足拘急。用 乾 薑四兩 爲末。湯調頓服。蓋被出汗愈。

◎又方 取女人月經布燒灰。水煎熱服。如無。男用女褲襠。女用男褲襠。燒灰服之亦効。

「審查意見」陰陽易之症。原因病後新瘥。經交合而致轉易。其症本不一端。但在傷寒論亦未詳備。僅有燒褲散一方。竊以此乃心理之建議。恐無補於實際。月經布治諸虛勞。確有大効。然其理不明。乾薑三兩。毫無理。

由。恐未可用。

◎治夾陰傷寒。紋銀餅子一塊。燒紅。如人未絕氣。止燒極熱。放在臍上。再將小雞一隻。連毛割開。不去腸肚。包於銀上。用布縛住即愈。如人已死。揭開雞看。如雞銀青黑。換鷄銀再包即愈。

「審查意見」此方之理不明。確効與否。未便臆斷。

中暑

中暑。又名中暈。西名日射病。與暑溫不同。與感冒亦有別。原因於夏途行烈日之下。直受日光之刺戟。心肺腦起急性之充血症。其狀卒仆無知。面赤而垢。四肢厥冷。氣粗而高。若閉甚者。氣亦微弱。始因心臟充血。機能頓呈亢進。繼因壅塞太甚。終至心臟麻痺而死。治法。宜急抬病人於比較清涼之處。頭部覆以冷巾或冰囊。以減其上部之血壓。再用藥嚙鼻取嚏。以振盪其知覺。

之神經。如行軍散。飛龍奪命丹等是。亦可用一二分灌服。（其詳細治法載中國時令病學）今查此門之方。或治暑月兼寒之感冒。或治風濕相搏之肌肉病。未能恰合中暑証治法。容就審查下附明。至中暑腦証減清後。當隨見証而治之。茲不贅。

◎辰砂羌活丸即靈砂丹

治風熱鬱結。氣血蘊滯。頭目昏花。感冒傷寒。鼻塞

聲重。清涕。口舌乾。咽噎不利。胸膈痞悶。咳嗽痰盛。腸胃燥濕。小便赤黃。或腎水陰虛。心火熾盛。及偏正頭痛。髮落牙疼。遍身麻木。疥癬痛癢。一切風邪。並皆治之。

天 麻

川羌活

川獨活

生石膏

淨連翹

口防風

薄 荷

北細辛各二兩

川芎片

山梔子

全當歸

川黃芩

芍藥

全 蠹鐵炒去毒

大黃

荊 芥

人參

杭菊花

白 朮各五錢

桔 梗

砂 仁

寒水石各七錢半

滑石粉四兩

生甘草

硃 砂二兩為衣

為細末。煉蜜為丸。重二錢。每服一丸。清茶下。

「審查意見」風熱與暑。類似而實不同。一則純係時令之熱氣。一則兼受空氣鼓盪之風邪。中暑本症。卒然仆倒。面赤而垢。乃熱氣蒸激之象。風熱則不必仆倒。且有惡風之証。此方辛溫解表。苦寒清裏。用於暑症。祇宜暑溫兼寒者。不宜暑溫化熱及化燥者。用於中暑。宜在神復後。而有頭目暈眩項背微寒者。若汗多則不宜用。所云腎水陰虛。心火熾盛等說。皆浮誇之言。不足取信。又細辛分量太重。以減去一兩較妥。

◎治中暑忽然倒地。氣欲絕者。

時令病 中暑

六六

大 蒜四五個剝淨皮 再入路上熱土一塊。共搗爛。以新汲水和勻。去渣灌之即愈。

「審查意見」大蒜關暑。取其辛辣刺激。然其性溫。暑熱症究宜慎用。

◎六一散 治中暑身熱小便不利。

滑 石六兩水飛過 甘 草一兩 爲細末。二味和勻。每服三錢。不拘時。以新汲水調服。

「審查意見」滑石利毛竅。不僅利小便。甘草甘涼清熱。用治傷暑身熱。便溺不利。洵爲對症之良劑。此河間暑症得意之方。然於中暑神昏時。以救急爲先。此方在醒後。有身熱小便不利者。始稱合拍。

◎辰砂益元散 此藥解中暑傷寒。饑渴勞損。并酒食熱毒。腹脹身疼。嘔吐泄瀉。下利赤白。又治婦人月水不調。此藥服之。通九竅利六腑。保真元。

明耳目。除燥熱。空心服。乃神驗之仙丹也。

滑石六兩

粉草一兩

硃砂五錢

右爲細末。每服

三錢。蜜少許。溫水調下。如熱用新汲涼水。如痢。葱頭湯下。通乳。用猪蹄湯下。如催生。用香油漿下。

「審查意見」益元散卽六一散加硃砂。治虛人傷暑。心悸心煩。便溺不利者。◎黃連香薷飲 治一切暑症。身熱口渴。或吐或瀉。小解赤短。

薑厚朴

白扁豆

香薷各五錢

內熱加黃連一錢炒

山梔仁一錢

暑瀉加白朮

澤瀉各一錢

水煎服。如作丸。每服

三錢。立解暑氣。用清蒿湯服更妙。凡有暑氣。急取青蒿煎湯飲之。可免

中暑。

「審查意見」香薷爲發汗專藥。功用等於麻黃。是方治內熱亢甚。而外証有

時令病 中暑

六八

惡寒無汗者可用香薷厚朴。用量五錢。皆嫌太多。入煎劑。每藥分量。以一錢半為已足。

◎中暑悶方 取扁豆葉。搗汁飲之。即愈。

「審查意見」扁豆葉花。本為清暑之上品。然鮮者卒不及得。可以清蒿與扁豆皮易之。此方祇可暑日輕淺之感冒。原件為中暑悶方。非但悶字欠妥。即中暑証亦非此方所宜。

◎香薷四苓散 治暑瀉。

香 薷三錢

扁 豆三錢

薑厚朴三錢

土白朮二錢

白茯苓一錢

木 通一錢

滑 石一錢

內熱。加薑炒黃

連一錢。水煎服。

◎加味香薷丸 治夏月感冒暑氣。口渴心煩躁。吐瀉發熱。霍亂腹痛等症。

香薷草四兩

白扁豆二兩炒

廣陳皮二兩

粉甘草五錢

宣木瓜二兩

白朮二兩

白茯苓

澤瀉

猪苓各二兩

滑石粉一兩

川黃連

硃砂各二兩

共爲細末。煉蜜爲丸。每服重三錢。臨用以滾水調化。溫服一丸。

「審查意見」香薷溫散洩水。功力頗峻。等於麻黃。有汗者不宜用。又腸胃濕

濁重者。扁豆性補。足以滯邪。宜以扁豆花或扁豆皮代之。

◎治中暑昏眩煩悶欲死方 挖地深三尺。取新汲水傾入坑中。攪濁。飲數

盃即愈。（攪濁後應澄清再飲。此名地漿水。熱霍亂有效。）

◎治中暑仆地方 大蒜一大把。道上熱黃土攪和研爛。以新汲水和之。去

渣挖開齒灌之。

◎又方治熱死 不可用冷水澆及飲水。用草繩盤在臍上。以路上熱黃土

時令病 中暑

七〇

壇放臍內。令衆人以小便澆之。熱湯亦可。

「審查意見」右列二方。皆簡便易得。足供救急之試。路上黃土。須選其純淨。而受日光久射者。用之始無遺害。

◎盛夏時有大熱症。頭大如斗。身熱如火者。用黃芩一兩煎汁一盅。微溫。一氣吃下立愈。

「審查意見」無外感。專因內熱者。可用。如有外感。須防寒涼冰伏之害。

呼吸器病 鼻病

鼻之病多矣。曰鼽。鼻寒塞也。曰齇。今所謂鼻流清涕也。曰淵。鼻液常流。而有穢氣也。曰乾。鼻燥也。曰鼷。鼻之氣雖通。而常不暢。有涕而長壅不流。甚則聲如從室中出。而鼻且日腫大。色赤。可以歷年不瘳。可以畢生不愈。淵則據險附巖。能爲外感內傷。樹立旗幟。然時作時止。遇勞而發。勞復輒平。因感病來。

感解亦去。此可治其勞與感。以爲原因的療法。至若黽繅乾。皆因六淫之激而成。故隨外感爲消長。腦漏似乎。在鼻。實則病原在腦。不應隸屬鼻部矣。

◎治腦漏方 此方屢驗。

天 麻

甘 松

草 烏煨

白 芷

川 烏煨

白附子煨去皮

薄 荷

細 辛

川 芎

蒼 朮

生 草

防 風各五錢

全 蝎三錢

雄 黃二錢

用寒食麵打糊爲丸。菉豆大。每用

三十丸。食後細嚼。葱湯下。

「審查意見」按此方不能治腦漏。可治因寒濕之鼻鼾。可也。

◎治鼻淵 用老刀豆文火焙乾。爲末。酒服三錢。重者不過三服即愈。

◎又方

陳香圓

木 香

扁 柏

呼吸器病 鼻病

七二

砂 仁 川 芎各一錢 水煎服。

◎又方 辛 夷五錢 蒼耳子二錢半 白 芷一兩 薄 荷五分

為末每服二錢

◎治赤鼻 用硫黃取豆腐水煮二次淨二錢 輕 粉一錢

陀 僧一錢 白 芷一錢 白 礬五分 為細末以唾津擦。

晚擦日洗去。

「審查意見」按赤鼻有因於酒者。為酒糟鼻。忌酒之後。或可治愈。若無故而現赤鼻。乃該部組織起特殊之變化。無善療法。此方試用可也。惟一時因火而鼻赤者。不在此例。

◎又方 硫 磺五錢裝布袋內用豆腐煮 元明粉五錢 明 礬五錢 硃 砂五分

冰 片三分照前法擦用

◎治鼻中息肉 用藕節有毛處一節。燒灰存性。爲末。吹患處。

「審查意見」王太僕謂息爲死肉。蓋惡肉贅瘤之類也。而息之訓可謂生。又
可謂滅。其物能不假擁腫而生。無藉潰膿而滅。潛滋暗長。如所謂息壤
者。而又不礙起居。無妨飲食。巢氏云。冷搏於血氣。停結鼻內。故變生息
肉。然既成息肉。莫若以手術刮去爲捷。塗擦外治之法。古載雖夥。而効
終不確。

◎治鼻中流黃水不止 用絲瓜近根三五寸。燒灰存性。酒調服。

「審查意見」鼻流黃水。常泄不止。如有臭氣。恐係鼻淵。當服消濕濁之品。此
方可備試用。

喉病

喉科病症。其大要有白喉。猩紅熱。喉蛾。喉風。喉痺。纏喉。喉癰。喉癬等數種。白

呼吸器病

喉病

七四

喉猩紅熱蛾喉風纏喉喉癰。屬急性。喉癰喉痺屬慢性。古人分為十八種者。多將鼻舌之病混為喉症。誠屬誤會。攷其原因。白喉有二。一為傳染性之白喉。一為陰虛火旺之白喉。猩紅熱則純為疫邪毒質。傳染甚烈。餘如喉蛾喉風等。為風火痰鬱。喉癰喉痺為慢性頑病。斯門所列各方。對症檢用。或亦無小補云。

◎甘桔湯 治咽喉十八種病症。

甘 草

防 風

荆 芥

薄 荷

黃 芩

玄 參各一錢

桔 梗三錢

水二盅。煎一盅。

食後頻頻咳嗽下。

加減法 氣逆加陳皮。咳嗽加知母貝母。腹痛加黃芩。咳而渴加五味子。（不切）吐膿血加紫苑。（宜易丹皮銀花。）不渴睡加梔子。肺痿

加阿膠。(不切)面目腫加茯苓。酒毒加乾薑陳皮。(應易葛花砂仁。
)發嘔加半夏生薑。(易竹茹)氣弱加人參麥冬。(此條可刪)聲
啞加半夏桂枝。(非喉痛所宜)咽疼加牛子竹茹。(應易射干豆根。
)胸膈不利加枳殼。(宜加玉金)心下痞悶加枳實。目赤加梔子黃
連。疫毒頭疼腫痛加牛子大黃芒硝。

「審查意見」此爲嘔症初起有表症之主方。其加減法中之腹痛。與氣弱肺
痿三條。在慢性之喉癰。經過日久者。或可審用。其餘喉病。斷不可用。又
按仲景用半夏散及湯。是治少陰病之咽中痛。外感喉痛。桂枝非所宜。
「增訂主治」治喉症初起。惡風惡寒。有表症而非白喉者。

◎紫袍散

石 青

青 黛

硃 砂

硼 砂各一錢

呼吸器病 喉病

七六

冰 片二分

明 礬

人 中 白 煨

元 明 粉 各 五 錢

山 豆 根 一 錢

右 爲 細 末。入 罐 內 塞 口。急 用 一 三 厘 吹 入 喉 內。

◎ 治 纏 喉 痺 方

硼 砂 一 錢

硃 砂 三 分 水 飛

銀 硃 一 分 水 飛 過

冰 片

麝 香 各 三 厘

右 研 細 末。吹 喉 用。

「審查意見」行針吹藥。爲治喉症必要之法則。宜備於平素。以便急時取用。

◎ 飛 劍 斬 黃 龍 治 喉 蛾。

人 指 甲 瓦 上 焙 焦 黃 色。研 細 末。吹 入 喉 內 卽 破。

「審查意見」指甲破喉。錫類散用之。應加礪砂。礪砂茜草。爲是。

◎ 治 咽 喉 腫 疼。喉 痺 乳 蛾 纏 喉 等 症。

馬 蘭 花 連 根 菜 採 來。水 洗 淨。搗 汁。凡 遇 此 症。男 左 女 右。用 汁 灌 鼻 孔。

中。或破或消。一時見功。

◎治喉脹咽痛 山豆根細嚼含嚥。

「審查意見」按上列二方。簡單可試。

◎專治喉痺 朴 硝一兩 細細含嚥汁。

◎又方 用巴豆一粒 以線穿嚥入喉中。牽出即愈。

「審查意見」朴硝有清熱瀉下之功。用治熱邪喉痺。細細嚼嚥。當必有效。次方用巴豆穿線入喉。法既不便。且甚危險。

◎治咽喉疼。蛇床子入瓶內。燒薰進口內即愈。

「審查意見」此開閉涌痰之法。當有惡血痰涎涌出。則病可鬆。但恐其助火。不可不慎。

◎治咽喉閉塞疼痛。 芒 硝一兩 雄 黃 大 黃各一錢

呼吸器病 喉病

上為細末。吹鼻內。

「審查意見」按此宜內服。有清降之功。若有取嚏必要時。以臥龍丹行軍散為宜。又此方可噙含口內。能消炎降熱。分量以等分為宜。

◎治乳蛾方 巴豆一粒去皮 放葱孔中。男左女右。塞鼻內愈。

◎真吹喉散 蠶繭八個 煨灰 飛 礬二錢 鷄肫皮五個 煨灰

「審查意見」蠶繭生肌收口。似宜用於爛喉痧之腐爛者。然較錫類散則遠甚。姑存備試。

◎喉閉方 用新鮮艾葉。搗自然汁。嚙之。如冬天無艾。用蛇床子焙乾打碎。放新烟袋內。吸煙法吸之。

「審查意見」痺者。閉也。喉中因風火痰涎。閉塞而不通也。艾性溫熱。有熱者忌用。喉閉而用是藥。無異抱薪救火。

◎破棺散 專治咽喉乳蛾腫痛。喉閉等症。

青 鹽

白 礬

礪

砂 各等分

(分量不宜多)爲細末。吹入

喉內。如牙緊不能進藥。於鼻中吹之亦可。不論大人小兒。咽喉腫痛。乳蛾等症。內服甘桔湯。吹喉破棺散。再灸少商穴。必効。(少商穴在手大指內半邊去爪甲如韭葉)

〔審查意見〕此腐蝕法耳。吹後當唾毒涎爲妙。

◎又方 山渣樹根皮刮去外黑皮爲末。吹喉中。其水不可嚥下。

◎乳蛾吹藥方 刀蟬子燒 蠶 繭燒雞肫皮硃砂各等分爲末。吹喉內。

◎治咽喉腫痛 射干根 山豆根 共末吹喉用。此方可內服。

◎又方 牆壁上喜蛛窠十一個 燒存性。用筯頭蘸點腫處。或加冰片少許。

◎急喉一匙金 山豆根皮一匙醋浸嚥下。痰退立消。

呼吸器病 喉病

八〇

◎治喉中生瘡 百草霜 枯礬爲末吹喉。

◎通關散 治乳蛾。並喉內一切熱毒。

硼 砂錢 胆 礬錢 共爲末。青魚胆內陰乾。研細。加山豆根。一

錢磁器收貯。吹患處。令流惡液。

「審查意見」按上列數方。皆平平無奇。可備試用。

◎喉痺失音 瓜萋皮白蠶繭炒甘草炒各二錢爲末。每服三錢。薑湯下。

「審查意見」按失音在喉痺危急時。宜消痰解毒。去其滯物。而音自復。在喉痺已愈後。宜清肺養陰。熱清液復。而聲自通。此方不用薑湯。則可施於

喉痺已愈之失音症。

◎治乳蛾爛者 人中白火煨三分 冰 片二分 細研。吹入喉中。

◎治喉啞奇方 硼 砂一兩 元明粉二錢 胆星三錢 百藥煎二錢

訶子肉二錢

永 片三分

共研細末。再用大烏梅肉二兩

搗

如泥。丸如龍眼核大。每一丸嚥化。

「審查意見」按此治喉頭麻痺之方。可備試用。

◎治喉內生毒堵塞。頸項腫脹。危急之症。

癩蝦蟆一個 白礬共搗爛敷之。乾則再敷。

「審查意見」喉內堵塞。頸項腫脹。非纏喉風卽蝦蟆瘟。蝦蟆同礬。善拔毒質。洵外治之良法也。

◎治鎖喉風 乾藥花根洗淨搗汁。灌下卽愈。

「審查意見」按乾藥花未詳。存疑待攷。

◎附喉病預防法 萊蘆菜。房上晒乾。任其風雨。居家可當鹹菜食之。可預防各種喉病。（以用鮮者爲佳。）

咳嗽

咳嗽之症。方書最繁。實則不外虛實二種。實者。外感風寒。以及夏之暑。秋之燥。侵襲而發。虛者。飲食勞倦。內傷精血。並由持續性之外感咳症。咳久而成。稽其病灶之所在。有在氣管枝。及肺臟之別。在氣管枝者。即急慢性氣管枝炎。在肺臟者。即急性真性肺炎。氣管枝肺炎。肺結核等是也。論其症候。氣管之嗽。聲粗音壯。毛細氣管之咳。兼見呼吸困難。在肺臟者。肺炎之咳嗽胸痛。呼吸促逼。肺結核之乾性短咳。皆為特有之症。再議其治法。治外感有宣散。祛暑。清燥三法。治內傷。有溫補。滋補。清補。收斂。消滯五法。其有兼循環。消化。排泄諸系之症者。古書所謂五臟六腑之咳也。處方亦宜增減。但此為醫者之事。而與茲編之目的。在病家檢方自用者。似無詳列之必要。查此門驗方。法門不足。仍有往昔神語浮誇之說。茲為便於檢方試用計。將浮誇妄言。辯

之於後。而於斯方之適應症。詳爲記載。俾用者。得所標準。至其不足之法。未另增補。及藥方主治。照錄於前。所以存其真面也。

◎蘇沉九寶湯 治老幼素有咳嗽喘急。無論寒熱。常發不已。晚間哮喘難睡者。服無不效。

紫 蘇一錢半

麻 黃

杏 仁

桑 皮

官 桂

陳 皮各一錢

甘 草八分

腹 皮八分

薄 荷五分

烏梅肉五分

水二盅。煎八分。溫服。

「審查意見」咳嗽之原因不一。絕非一方所能包治。本方紫蘇麻黃杏仁。皆爲辛散發汗之品。官桂陳皮腹皮。悉屬溫通流氣之藥。雖有薄荷桑皮甘草之清涼。而力不勝多數之辛溫。究宜治寒嗽。而不宜治熱嗽。宜施於新咳。而不宜施於久咳也。再哮喘多突發於晚間。初起用之。取其宣

呼吸器病 咳嗽

八四

散則可。若謂無論寒熱。常發不已之久咳。以之常服。必遭藥害。用者總以發熱。惡寒。頭痛。無汗之表症。咳痰稀白。胸悶上氣之裡症。方爲適應。若黃痰。又須審用。又按本方除去桑皮官桂。治感冒風寒之咳嗽氣喘。最爲相合。

◎治咳嗽勞症

乾薑汁

水蘿蔔汁

蜂

蜜各三斤

黑豆磨麵一斤 大麥臍二碗亦不拘以多爲妙

右二汁。同藥共熬。約有三四斤。方入豆麥二味於內。和勻爲丸。桐子大。每服四五十丸。空心開水送下。

「審查意見」生薑蘿蔔。有鎮咳祛痰。健胃消化之功。用汁。則效力更大。又以蜂蜜之長於滋潤者共熬之。所以減輕水分。則精液純粹也。復合豆麥之滋養食品。用治虛勞久咳。確有卓效。

「訂正服法」將豆麥二味打碎化融攪勻為膏。每服二茶匙。因膏較丸易吸收也。

◎治年老久患咳嗽不已。睡臥不寧等症。杏 仁 核桃仁去皮各等分。共研為膏。入蜜少許。為丸彈子大。每服細嚼。薑湯下。

「審查意見」年老而患久咳。治宜溫潤滋養。與新感而在年壯者不同。核桃富有脂肪油。其性甘溫。專能溫補滋養。合杏仁之鎮咳祛痰。誠為簡便之良方也。又服法亦佳。務須準此。否則少效。

◎鷄鳴丸 治十八般咳嗽。吐血吐痰。諸虛百損。五勞七傷等症。

知 母

阿 膠

冬 花

五味子各五兩

桔 梗

人 參各五錢

陳 皮

馬兜鈴

麻 黃

旋覆花各一兩

葶 藶子

杏 仁

呼吸器痛 咳嗽

八六

薑半夏各二錢

甘草一兩

水煎服。

「審查意見」本方彙集滋陰補氣宣散斂肺祛痰等藥。雜湊成方。毫無法度。至主治症候亦太浮泛。

◎蜜梨噙 專治咳嗽喘急等症。

甜梨一個。刀切去頂。去核。入蜜於內。原頂蓋上。用麵包裹。灰火煨熟。去蜜含梨。

「審查意見」此治燥咳之方也。即乾咳無痰。或有而不利。口渴唇焦。脉浮躁而澁。或細而數等。但於喘急終嫌力薄。

◎又方 頂大半夏。用香油燂。燂的裂口。撈出。研末。薑汁爲丸。如綠豆大。大人六七分。小兒三四分。立效。

「審查意見」半夏爲溫燥祛痰藥。用香油煎燂。意謂香油係芝蔴之油。芝蔴

長於滋潤。所以中和燥性。使無藥偏之害。此治痰濁液稠。苔膩而粘。欲飲水。胸悶而嘔之嗽者有效。

◎治久嗽吐血方。

大蘿蔔一個。切去頂。內搜空。入祭灶黃米湯令滿。以原頂蓋之。黃泥裹灰火煨熟。服之甚效。

◎又方大蘿蔔一個。切下一蓋。挖空心。用蜜灌滿。自早晒至晚。背露一宿。次早仍用原蓋蓋上。卽在早晨飯上蒸熟。空心常服好。

「審查意見」右列二方。俱以蘿蔔爲主。蓋蘿蔔鎮咳祛痰。下氣消食。確有卓效。用治咳嗽。幾無人不知。此方用蜜之滋潤。以補養肺臟之組織。方極平穩。惟製法存疑。

◎礞石滾痰丸 此藥常服。則活新痰。逐舊痰。去百病。不生水瀉。雙身勿服。

呼吸器病 咳嗽

八八

大 黃半斤蒸三次晒乾 桔 苓半斤 青礞石煨如金色 沉香

五倍子各五錢 共爲末。水丸。桐子大。每服七八十丸。滾水下。

「審查意見」此節齋方也。爲逐老痰之妙藥。氣管枝擴張症。與頑固哮喘所

儲留之痰液。得此一掃而清。清後再理善後爲安。若以此藥常服。必損

真元。所註功效。不切。

「訂正主治」胸膈脹滿。哮喘時發。苔膩。及一切奇病怪病。致有疑似診斷。多

屬痰飲之作祟者。

◎治上氣喘急不得臥者。

廣 皮 桑 皮 蘇 葉 白茯苓各等分

生 薑三片 煎服。

「審查意見」此方平穩可從。但少祛痰藥。加杏仁蘇子滑石赤苓等可也。

◎治老人上氣喘急不得臥。

生薑汁五兩

黑砂糖四兩

水煎甘沸。每含半匙。漸漸嚥之。

「審查意見」此方辛潤滑痰。甘溫補肺。簡切可從。但近年痧症流行甚盛。一味皆痧忌藥。宜先用試痧。注取生黃豆嚼之。無生腥氣者。切忌漫用。

◎寧嗽瓊玉散 治一切久咳嗽。諸藥不效者。

訶子肉兩煨去核

白桔梗一兩

百藥煎五錢

五倍子一兩炒

粟

壳

五錢蜜水泡去節

生甘草五錢

烏梅肉

五錢焙

「審查意見」久患咳嗽。諸藥不效。治宜溫潤收斂。五倍子含多量之單寧酸。

訶子肉。有沒食子酸。及沒食子鞣酸。粟壳有阿片之功。皆為長於收斂者。復合桔梗之開提肺氣。並作中和其收斂之用。準此主治。富可期效。惟百藥煎。係五倍子與茶葉酒糟拌和醱酵而成。二者共用固妙。單用

亦可要之。感冒新咳。萬勿輕投。

◎治咳嗽秘方

冬 花

煨石膏

生 草各三錢

礪 砂一錢

爲末。吹喉內。細茶嗽下卽好。

「審查意見」此方治咳。不過取石膏之收斂耳。實則石膏經煨。不宜內服。又「吹入喉內細茶嗽下卽好」服法存疑。然亦未必如是之神也。總之。檢方者。不宜輕試。

◎治肺癰用綠橘葉洗淨。搗爛絞汁。服二盅。吐出膿血卽愈。

「審查意見」肺癰有急性慢性兩種。其主要症候。胸內刺痛。咳則更甚。其痰稠粘。着物不易去。其色黃而淺紅。名曰鑷色痰。治宜殺菌敗毒。清熱消炎。橘葉含烏華烏爾西之同樣成分。有消腎炎利尿之用。可消各部炎。

疴。非僅腎也。服此汁後。膿成者則叶。腫盛者可消。

◎治癆病陰虛。久病聾啞方。

青蒿不拘多少。童便煎服最妙。

「審查意見」按青蒿善清虛熱。童便鹹寒降火。癆病之聾啞。因肺臟陰液衰少。聲帶乾澀。蓋由熱灼津耗之故。用此滋潤清降。實爲正法。但病已至此。終難望效。又久病恐係久咳之誤。

◎治虛勞咳嗽。用大藕一段。去一頭節子。灌蜜令滿。仍以前節合在一處。用紙封好。煮極熟食之。

「審查意見」蓮藕爲通常服食之品。富有澱粉及窒素有機物等。最能營養。並有鞣酸。可以收斂。復合蜂蜜之潤肺鎮咳。以治虛勞久咳。有益無損。洵爲簡便之良方也。

呼吸器病 咳嗽

九二

◎萬應丹 治遠年近日咳嗽。肺氣喘急。晝夜不得睡者。服無不效。

人言一兩 綠豆二兩八錢 用水共煮。以豆爛爲度。取出人言。

雄黃末一兩。同豆研爛。將取出人言研碎。放在綠豆和勻。用紙包好。外再將泥厚厚封固。俟乾。火煨紅。取出涼冷。去泥。再入白麵四兩。水和丸。如粟米大。黃丹爲衣。每服二丸。涼水送下。忌食熱物。

「審查意見」人言。卽砒霜也。西醫用爲變質藥。謂可促進生體之同化及異化作用。而變其營養與物質代謝之常調也。中醫稱其有祛痰截瘡之功。但因大熱大毒。故恒不用。此方與綠豆共用。古籍載有砒畏綠豆之說。畏者。畏其制我也。是綠豆可以制砒毒。水煮火煨。專爲滅其毒性。黃丹雄黃。取其墜痰解毒。對於頑固性之喘嗽瘡疾。不患一用。惟毒性劇烈。製稍不精。遺害非淺。檢方者。以不試用爲妥。

「訂証主治」纏綿屢發之喘嗽。痰涎壅盛者。以及頑固性之瘧疾。少量內服。

或可根治。

消化器病 瘧疾

瘧疾爲腸胃病。原因於消化機轉之失調。致碍腸胃之官能。小兒飲食不節。肥甘雜投。消化力疲。或宿食與腸胃液裹而聚結。或刺戟實質而起贅瘤。則壅而不通。聚而成形。久之。腹脹食少。面黃肌瘦。終成瘧疾。俗謂童子癆是也。在大人多因怒後進食。或憂鬱強食。精神上之衝動。飲食物之刺戟。結而不散。瘧積成矣。又有一種胃擴張之瘧。傷寒論謂心下瘧。按之濡。自覺滿而不通之象。與瘧積稍有差別。診治當分新久。辨虛實。爲宿食。爲積血。各施對症之方。如腹脹便閉。胸脘痞悶。噯氣吞酸。口舌黏膩。爲新爲實者。宜消導攻下。如舌無苔。口不膩。腹脹少食。面黃瘦削。爲久爲虛者。乃涉及腸胃組織實質。

之病變。必有鬱血之贅瘤狀物。宜於消食調氣藥中。加入破血逐水諸法。外貼溫散膏藥。內服補正藥品。庶使積去而不至傷正。要在緩緩爲之。勿求急功。本篇內服諸方。殊甚穩健。雖有稍峻之品。亦爲外貼之備。斟酌檢用可也。

◎消痞神丸

香附米

山查肉各二兩

枳 壳

陳 皮

白 朮各一兩

半 夏

厚 朴

蒼 朮

麥 芽各一兩二錢

歸 身四兩

沉 香八錢

木 香五錢

烏 藥一兩

神 麩一兩二錢

砂 仁七錢

煉蜜爲丸。桐子大。白湯下二錢半。食遠服。

「審查意見」此方用香砂平胃散加三仙之消食防腐枳半之和胃疏滯。二

香之辛溫宣氣。更用當歸以活血液。俾結者開而滯者散。此爲疏通腸胃之停滯。促進排泄機能。恢復乳糜吸收之方也。治痞積之因於食滯

者其功用專在腸胃。若無食滯。則不必用。

「增訂主治」治因食滯之痞積。即胃腸部脹滿拒按。吞酸噯腐。不思飲食者。

◎治大人小兒痞積。水紅花子爲細末。以麵糊和作一處。少加麝香一厘。

置痞上。以熨斗烙之。數次即愈。

◎又方。水紅花熬膏。入麝香少許。貼之亦効。

「審查意見」右列二方。能解一切凝滯。置於患處。藉熨斗之熱度。以臻溫化之功。治痞頗稱合法。

◎一方。用透骨草一味。貼患處。一柱香或半柱香。即掀去。皮上起泡而愈。

「審查意見」透骨草能透達筋骨之風邪。以解散凝結。用之治痛風。收效極佳。據此以推其用。定可衝堅化積。貼後起泡。乃該部被其刺激之故。若用一次。起泡即愈。恐未能如是之神也。

消化器病 痞疾

九六

◎又方 用觀音柳煎湯露一宿。五更空心飲數次。痞疾自消。

「審查意見」觀音柳即西河柳。本草雖有消痞積之說。然攷其功用。究以透邪出表爲主。用作消痞積之內服品。似嫌欠妥。

◎又方 皂礬六兩 沒 藥二兩炒出油 棗泥丸桐子大。每服空心服七丸。七日見效。

「審查意見」皂礬祛濕化結有殊効。沒藥活血破瘀有專長。此治痞積之因於血結者。其症面青腹脹。靜脈怒張。服此必便黑糞。痞積漸化。須以健胃滋養之品。調理善後爲要。

◎又方 採馬蘭根十數斤。洗淨。煎水熬膏。再入阿魏末二錢。射一分。調勻。收貯。攤貼。

「審查意見」馬蘭消炎化結。阿魏臭氣竄透。開發壅塞。用以疏解凝結。最爲

特長。麝香通經絡。散癥瘕。攤貼患處。以治寒凝之痞。最稱合拍。

◎治小兒痞塊膏藥 生 草 甘 遂各二錢 礪 砂一錢

木鱉子肉四個 芥 菜三錢 鱉 肉一兩

◎神仙化痞膏 劉寄奴草四兩 當 歸 川 芎

白 芷 黃 栢 胡 連 蘇 木

川 烏各二兩 肉 桂 丁 香 巴豆肉

草 烏各一兩 大 黃 蜈 蚣 川山甲各三兩

白花蛇一條

桃柳枝各三寸。香油二斤。浸五日。桑柴慢火熬黑。去渣。放冷。濾清。淨取一斤半。再入鍋內。熬至滴水成珠。下飛過黃丹三兩。陀僧一兩。仍慢火熬至沸止。再下黃丹八兩。熬至滴水成珠。方離火。續微冷。再下乳香沒

消化器病 痞疾

九八

藥各一兩。番礪砂錢半。麝香輕粉各二錢。血竭阿魏各五錢。陸續攪去膏內。以冷為度。候貼。

◎又方

阿魏三錢 蜈蚣三條 麝香另研三分

全蝎七個 鷄子一個 蜂蜜二兩 葱白三根

皂角七錢 共為細末。用酒糟拳大一塊。將前藥搗和成膏。量痞

大小。以紅布攤貼在患處。三月如肉色發青即愈。加葱白七根。入蜜少

許。搗成膏攤貼之。

「審查意見」痞積之治法。不外內服以消導。外貼以解凝。其外治之原理。因

痞積之部。血液凝滯。循環障礙。故用辛溫竄透之品。以衝動該部之反

射作用。使之排除其有害物質。上方皆可選用。惟該部之兼有炎症者

忌貼。

◎牛黃丸 專治小兒痞疾。

雄黃一錢半

蜈蚣二條

蘆薈

阿魏

天竹黃各三分

牛黃一分

為末。黃蠟一兩為丸。菘豆大。每服七丸。退熱。再服九丸。則痞消。服十一丸。則全好。鷄子清和藥吃。亦可黃酒送下。

「審查意見」小兒身熱腹脹。面青形羸。古稱痞疾。又名小兒癆。痞疾乃其一種。(痞疾又稱痞疾。)此方專治痞疾之有虫兼痰而內伏熱者。故用雄黃竹黃之化痰。蘆薈牛黃之清熱。蜈蚣阿魏之破積。服法宜用開水。或麥芽煎湯為是。

「增訂主治」治小兒痞積。腹大青筋。痰涎填胸。時發驚癇。口唇內起白點。証明有虫積為崇者。先服此方。以救其急。俟脹減驚止。隨其所虛而補之。

◎又方

用番木鱉一個

膠棗兩個

二味搗如泥。用鷄子一

消化器病

痞疾

一〇〇

個。將頭打破。一孔。放入藥丸在內。外用紙封嚴。水溫飯上蒸熟去壳。取出藥丸。埋在地內。此蛋與小兒空心吃之。輕者服三四個。重者服五六個全愈。

「審查意見」番木鱉。有刺戟與奮殺虫化積之能。固矣。而膠棗鷄子。甘潤滋膩。原爲痞滿所厲禁。以助痞滿之藥。如何能治痞積。或謂和緩木鱉之性。歟。其服法亦不解。暫予存疑。

◎治小兒面黃肚大痞積。黃蠟和鷄肝。煮良久。取起。只吃肝三五服即效。

「審查意見」各種動物之肝。皆含有不少之維他命。維他命爲吾人體中營養之要素。取服以補不足。極爲合法。黃蠟外敷。能軟堅消炎。內服或亦同功。方甚平穩。足值一試。

◎小兒痞疾方

水蘿蔔二兩

黃酒糟二兩

皮 硝二兩

梔子五個

連皮生薑五錢。共搗如泥。用布包貼患處。乾則又換。

三五次愈。

「審查意見」此民間相傳貼痞之驗方也。其功用爲溫散解凝。清涼消炎。皮硝梔子。可減局部之血壓。酒糟生薑。能化痞積之凝滯。貼三五次。則漸就佳境。須以健胃藥善調之。

◎又方 用水紅花連根葉同用。熬成膏。攤貼効。

◎透隔清涼羊肝散

白朮

蒼朮

莪朮

水紅花子

頭

髮燒灰等分

共爲細末。用羊肝一具。以竹刀割

去筋膜。切片勿斷。將藥末摻勻在內。合定飯鍋上。蒸熟。與兒食之甚効。「審查意見」此方。擇藥不純。非特主治籠統。即實際亦毫無所補。推其立意。爲消補兼施。不知以之用於善後。嫌其峻烈。施於痞積。反能留滯。其內

消化器病 痞疾 脫肛

1011

外消導之法。前已不少。茲當訂正爲善後之用。

「藥品」

蒼白朮各三錢

白扁豆五錢

焦三仙各三錢

白茯苓三錢

五穀虫五錢

生苡仁三錢

榧子三錢

右研細末。每服一食匙。日三服。

「主治」痞積將盡。腹脹已愈。面黃羸瘦。胃呆神倦。

「訂正意見」此方。蒼朮扁豆五穀虫之健胃。卽以三仙之消導者佐之。使補而無膩滯之害。榧子有進食殺虫之効。用於小兒。最爲相宜。服一料則食增。二料可形肥。若煎爲湯。則効不確。

脫肛

脫肛者。肛門之括約筋弛緩也。有全身衰弱。及局部脫肛之別。全身衰弱之脫肛。卽古所謂氣虛下陷。宜補氣升提之。局部的脫肛。不關全體之虛弱。只

因濕熱侵犯大腸。致成瀉痢。積滯未淨。大便不爽。治宜外熨敷託諸法。若一見脫肛。便認爲虛。補中十全。任意雜投。鮮有不僨事者。所當辨而明之。

◎參耆湯

人參

黃芪

白朮

當歸

生地

白芍

茯苓

升麻

桔梗

陳皮

甘草

水二盅。薑三片。棗三枚。煎八分。食前服。

凡脫肛出門不收者。用熱尿洗。再用烤熱鞋底揉進。

「審查意見」此方用四君四物。加黃芪以補氣血。升麻。桔梗。陳皮以調氣升陷。用治脫肛之全體衰弱者可也。又熱尿薰洗。熱鞋底熨。其原理爲藉熱氣。以興奮肛門括約筋之收縮。虛者有效。

「增訂主治」久瀉久痢。身體衰弱。面黃食少。精神倦怠。登圓虛坐努責。而肛

下脫者。

◎又方 先用香油搽上。次以明礬煨研末搽上託入。如年久者。用荷葉煨熱託入。

「審查意見」此收縮肛門括約筋之外治法也。先以香油滑澤之。次以明礬收澁之。年久者。恐不勝任。用富有鞣酸之荷葉。俾肛門括約筋不弛緩。則肛可升矣。

◎又方 蟬蛻爲末。用菜油調敷立効。

「審查意見」蟬蛻能化濕濁。以治濕熱之脫肛。如肛門有灼熱痒感。用此託之。有効。

◎一方 治暴痢脫肛。以生鐵二斤。水一斗。煮五升。去鐵將汁洗之。

「審查意見」暴痢脫肛。多因濕熱浸潤。及腸內積滯所壅之故。宜服瀉劑。使

滯去便爽。則肛不脫矣。

◎治大人虛冷脫肛不收 蝸 牛一兩 以豬脂調和。敷之立效。桑樹上

蝸牛更妙。

「審查意見」蝸牛。卽帶壳之大蠅蚰也。其治風熱之脫肛。以及痔瘡之腫痛。

本草早有明文。存之備用。

◎又方 五倍子八兩 白 礬一兩 水煮極爛。盛桶內薰之。待溫。

以手託入必收。或研爲末。置之熱鞋底託之。亦收。再服參芪之劑則痊。

◎治大人小兒脫肛流血 杏 仁妙 搗作膏。敷之。卽効。

◎治小兒脫肛 苦 參 五倍子 東壁土等分

煎湯洗。再用木賊末上之効。

◎又方 五倍子末敷上卽愈。煎湯洗亦可。

◎又方 生薑汁雞毛掃上自收。

◎又方 蜘蛛燒爲末。敷上亦効。

「審查意見」右列數則。簡便可試。原夫脫肛之理。爲門肛括約筋之弛緩。外用薰洗。當可解決。不必小題大做。反招不適。但脫肛之暫時易升。而次回之不脫頗難。欲求根本治愈。內服之藥。不可盡廢。如全身虛弱者。補以升之。腸有停滯者。通以疏之。此治脫肛之大概也。惟生薑汁塗。定有刺激。宜慎用。

脾胃病

飲食失節。未有不傷脾胃者。脾胃一傷。元氣必耗。陰火上沖。氣高而喘。身熱而煩。最忌苦寒。宜用甘溫。勞倦傷脾。宜用補中益氣湯。甘溫之劑以補之。飲食傷脾。宜用枳朮等丸以消導之。

脾虛少食。不可攻伐。惟宜補之。腎虛不能化食。須宜補腎。飲食或傷。元氣未敗。或兼濕熱。宜用枳實黃連瀉之。若病稍久。元氣必虛。陽氣不充。陰寒爲祟。宜服甘溫之劑。飲食勞倦。損傷脾腎。始受熱中。末傳寒中。故始宜清熱。終宜溫補。肝挾相火。有瀉而無補。腎爲眞水。有補而無瀉。水者先天之本。旺則陰精充而奉上。故可永年。則補腎爲急矣。土爲後天之本。土衰則陽精敗而下陷。故當夭折。則補土爲急矣。

薛立齋深明此理。多以六味湯壯水爲奉上之劑。兼以補中益氣湯扶土。爲降下之方。(原文)

「審查意見」古醫所言之脾胃。統包消化器與消化液而言。胃主納穀。脾主消穀。謂胃爲受納之器。脾則指化學的消化。與理學的消化是也。研究古人之立言。當揣其原意。而以時代性之新語詞更正之。是今日研究

中醫應有之法度。專尙攻古。寧不爲過。凡人日常維持我身之生命。撮取外界食品之複雜化合物。經消化後。變爲單純性之簡單物品。以充補體質組織之消耗。供精力發生之運用。若飲食少進。則營養缺乏。體中各臟器。悉受其累。故曰。土爲後天之本也。

陰火上冲。其理二。一因體中之血液減少。全身之血液。皆蝟集折上。集中全力。以保護身體中央機關之腦。心。肺。此卽戴陽是也。一因副腎內分泌液之發生變化。使血上升。上爲充血。而下爲貧血。二者僉因上部之充血。故氣高而喘。此卽陰火上冲之義也。

物理學家。有熱力化能之說。古籍稱消化曰「熟腐水穀」。又曰「補火生土」。熱因火生。土指腸胃。是非熱不能熟腐水穀。卽無熱不能消化水穀也。故曰。忌苦寒。宜甘溫。

因飲食之刺激。腸胃實質。始而發炎。繼而腸胃組織薄弱。蠕動力不振。故曰。始受熱中。末傳寒中。始宜清熱。消胃炎也。終宜溫補。振機能也。腎虛不能化食之說。雖似妄誕。然有應研究之點。(一)古醫所言之腎。有指精囊者。非泌尿器之腎也。(二)精液之生。其根本原料。是否取材於食品。(三)食品之消化。是否有精液之需要。上之三點。皆有相當之關係與理由。良以人之生理。是整個的。是互衛的。非各個的。亦非獨立的。精液固取材於食品。而精液減少。全體衰弱。影響於消化機能之不良。間接的受其牽累。此腎虛不能化食之義也。

脾胃論。獨詳東垣。以升陽立說。專用溫燥升提之品。謂曰升陽益氣法。雖超越前人。不免溫燥劫津。自清葉氏發明養胃陰一法。治斯病者。較有正規。如胃虛不能納者。在始用苦味健胃法。繼用清甘養陰法。如食

後脹悶。噯氣吞酸。消化力弱者。芳香健胃法。即東垣法也。準是以施治。雖不中。不遠矣。

◎人參大健脾丸

調理脾胃之聖藥也

白

朮 三兩二錢
去蘆飯上蒸

人參一兩

白茯苓一兩六錢

陳皮一兩六錢

枳

實 八錢
飯蒸

神

麴 八錢
炒

川

連 八錢
薑汁炒

稻

穀芽 八錢
炒

吳

萸 三錢
湯洗

歸

身 六錢
酒洗

青

皮 四錢
酒炒

木

香 三錢

白

蔻仁 四錢

老粳米 粳荷葉湯丸 桐子大。每服二三錢。

「審查意見」此方消補兼施。溫中健胃。治飲食少納。及消化不良者。有效。又丸劑不如改散為佳。

◎水芝丸

開胃健脾。補虛益損。途中行路。帶之最好。

建蓮肉去心十二三兩。酒浸一宿。用大雄猪肚一具。洗淨。留肚中油勿

去。入蓮肉。以綿縫固。用水并前酒煮極透。取出晒乾為末。蜜丸。桐子大。空心服二三錢溫酒下。

◎一方 將蒸熟猪肚同蓮肉搗爛為丸。

「審查意見」猪肚為猪胃。即近世所倡之臟器療法也。健胃當然有效。

◎資生丸 耑能滋益元氣。保護脾胃。王道之藥也。 人參

炒神麴 炒苡米 炒白朮各三兩 山藥

麥芽 白茯苓 炙草各兩五錢 白朮

川連各三錢半 芡實三兩五錢 橘紅二錢有痰用 藿香五錢

山查一兩 白扁豆一兩 澤瀉三錢半 桔梗五錢不咳不用

蓮肉去心一兩

◎土露霜 治老人脾泄最宜。 炒白朮二兩 陳皮一兩五錢

消化器病

脾胃病

一一二

蓮肉四兩
去心

炒苡仁四兩

糯米一升炒

菘豆一升炒熟
量宜減半

糖霜量加

陳米鍋焦一升
炒

爲末收貯。每用二三錢。滾水調勻

服之。

◎芡實散 久服延年益壽。身輕不老。芡實粉。金銀花（不切）乾藕。各一斤

蒸熟。晒乾。爲末調服。

「審查意見」芡實蓮藕。皆爲食品。磨粉久服。作營養強壯藥。頗佳。若伍銀花。

則偏清涼。非常食所宜。輕身不老之名詞。尤爲玄妄。

◎老人小兒健脾良方 小山查肉去核 大麥粉去皮炒熟 白高粱米炒熟各一斤

和勻一處。每用一兩。入白糖少許。滾水調服。

「審查意見」麥粉與高粱米。爲日用食料之大宗。凡此等方。施之於平素則

可。施於治病。則不足也。

◎保和丸 此藥調脾寬胸消痰進食。大人小兒俱宜常服。

白朮去蘆 蒸一斤

廣皮

厚樸薑炒

炒蒼朮

炒麥芽各八兩

炙草

山查肉各六兩

萊菔四兩

爲末。米湯丸。菉豆大。食遠服一二錢。

◎破鬱丸 治男女噎氣胸悶不通者。醋香附

梔子仁各四兩

枳實

枳殼

莪朮醋炒

醋青皮

瓜蒌仁去油

蘇子炒各一兩

薑連二兩

水丸桐子大。每

服三十丸。

「審查意見」此消導達鬱之方也。或因精神之感動。或因宿食之停滯。致氣機不疏。胸悶噎氣。故用此解鬱之劑。然宜改爲湯服或散料。又梔子性寒無熱者不宜用。

消化器病

脾胃病

一一四

◎治傷米食積。用白麵一兩。白酒麴二兩。炒爲末。每服二匙。白湯送下。

◎如食鴨肉不消。糯米汁頓飲一盞即消。食物過飽。用馬牙硝一兩。吳萸半兩。（此藥不能化食積）煎汁投硝。乘熱食之。良久未轉。再進一服。效。食魚膾及生肉不化。馬鞭草搗汁飲之。（此屬古方不知效否姑存其說）食果腹脹。用肉桂。（不如用砂蔻）飯和爲丸。菘豆大。湯下五七丸。酒積用桃奴不拘多少。酒服三錢。

酒肉過飽。鹽花擦牙。溫水漱即下消。（煎服焦三仙爲宜）

◎補中益氣湯 治形神勞倦。或飲食失節。勞役過度。虛損。身熱而煩。頭痛。或寒濕而渴。自汗。無力。氣吼而喘。 蜜黃芪一錢半 人 參一錢

白 朮一錢

當 歸酒洗

陳 皮

甘 草各一錢

川 柴 胡

綠升麻各五分

酒黃柏三分

川紅花三分

(二味非原方所有)

右挫薑三片棗一枚煎服。加減法。如汗多。去升麻柴胡。加酸棗仁一錢。夜不能睡亦如之。如頭疼加蔓荊子五分川芎一錢如嘔噎者。加白芷川芎。如腦疼頭項痛。加藁本一錢細辛五分如口渴加葛根六分(宜元參花粉)有痰加貝母前胡各一錢如吐瀉加煨白芍(宜易灶心土)澤瀉茯苓各一錢如心胸覺痞悶。去黃芪升麻柴胡加枳實六分(再宜加玉金)薑黃連五分如咳。加桑皮一錢五味子十五粒如額疼。加白芷一錢葛根升麻各五分如心志不寧。加茯神一錢遠志七分炒棗仁一錢菖蒲各一錢分栝子仁一錢如飲食少納。或傷飲食。加神麴麥芽山查枳實各一錢如心脾二經有火。舌乾口燥。加黃連山梔各五分 如胃中濕痰。加半夏一錢如夢遺。加龍骨牡蠣各一錢如虛火上炎。加元參知母黃栢。如下部無力。加牛膝杜仲各一錢如腳軟。加木瓜一錢 防已五分如有痰或兼脾

消化器病 脾胃病

一一六

胃不和。加半夏。麥冬各一錢（不切）。如陰虛內熱。有痰。或上焦有火。加貝母。花粉各一錢。枯芩八分。川連六分。如血熱壅甚。眼赤。加龍胆。草八分。如感風寒。頭痛身熱。加防風。川芎。白芷各一錢。羌活七分。汗多。加黃芩一錢。（宜用浮麥。白芍）眼痛。加菊花。熟地。身熱。加生地。如大病後。元氣未足。而胸滿氣短。加橘皮。枳實。白芍。

「審查意見」補中益氣湯爲興奮健胃劑。因胃腸衰弱。食思不振。致腸胃之消化吸收分解等能力。完全減退。多有泄瀉脫肛諸病。所謂中氣下陷是也。吸收作用。既遜於排泄。則體精必逐漸消耗。影響於心臟。而心臟必勉營其循環之職責。加緊工作。以保原狀。斯時因血流循環之障礙。此倦怠發熱之所由來也。即古醫所謂陽氣陷入陰中之証候。綜是而論。本方之主治。自當以虛弱性之腸胃症爲主體。今查加減法中。似欲

以此方包治萬病。確有未富。

嘔吐

嘔吐有三(一)神經性嘔吐。即因鬱怒。肝氣上逆也。(二)胃熱嘔吐。胃腑發炎也。(三)胃寒嘔吐。胃之理學的消化薄弱。不能送食物於腸也。治法。神經性者。鎮逆法。調氣法。因熱者。消炎法。因寒者。溫疎法。或通便法。俗以嘔吐爲有寒無熱。誤矣。

◎治虛寒嘔吐飲食不下 用細辛去葉五錢 (太多)丁香二錢半爲末。柿蒂湯下一錢。

「審查意見」虛寒嘔吐之診斷。當追其是否慣食生冷與清涼品。並有脈搏緩息。舌苔白而不渴。所吐多係原料。酸味不甚者。

◎治胃熱嘔吐。手足心皆熱者。半夏薑汁浸炒乾。葛青竹茹生草加薑棗

煎服。

「審查意見」熱嘔吐之診斷。除有其他之熱象外。所吐之物。別有特異之酸臭氣。用此方不切。

◎治飽逆不止 荔 枝七個 連皮燒灰存性。爲末。白湯調服。

如病後飽逆不止。刀豆子燒灰存性。白湯調服。

「審查意見」食後飽逆。當分常習性。與一時性。每食必飽逆。爲胃之張縮力不強。氣機不舒。故逆上作聲。若偶爾食後呃逆。是因胃內偶感食物之刺激。引起收縮之現象。此可不治自愈。即常習性者。當服幫助消化藥品而已。二方存之備試。

◎食後吐酸水 乾薑 吳萸各二兩 爲末。酒服方寸匕。

「審查意見」吐酸水。是胃酸過多。即胃中濕熱浸淫。治宜兼以清熱。乾薑莫

若易川連。蓋左金丸。止嘔吐甚効也。原方藥品太熱。

◎治食物作酸 蘿蔔生嚼數片効。

「審查意見」凡食後燒心作酸。以及胸痞悶澁。心下脹滿。消化不良等症。嚼生蘿蔔。其効立見。洵爲簡而可貴之方也。

吞酸

◎黃連湯

茅蒼朮

川黃連

廣陳皮

製半夏

炒神麩

雲茯苓各一錢

砂仁

淡吳萸各錢五分

生甘草三分

水煎服。

「審查意見」此治吞酸之通方也。惟砂仁吳萸分量太重。

◎遇仙丹 專治邪熱上攻。痰涎翻胃。嘔吐吞酸。酒虫氣血積。諸般痞滿食

積。腫滿。二便不利。婦人女子。面色痿黃。產後癥瘕。誤食銅錢銀物等症。

消化器病 吞酸

白丑頭末 四兩 半生半熟

白栳榔一兩 茵陳

白朮

醋炒三稜

猪牙皂角炙去皮尖各五錢

為細末。醋糊

丸。菘豆大。每服三錢。五更時冷茶送下。天明看去后之物。此藥有疾去疾。有虫去虫。不傷元氣。不損臟腑。効驗如神。小兒減半。孕婦忌服。

「審查意見」此為破結逐水之方。白丑逐水。有特長。稜皂破結擅專力。凡因停水宿食而現心腹脹滿。吞酸嘈雜等症。始宜服之。若有虛羸之象者。不宜妄用。

◎治倒飽心胃疼痛痰火症

陳石灰

白麵

等分。蒸熟為丸。大人三錢。小兒減半。涼水下。

「審查意見」倒飽。即後飽。為消化不良之特徵。宜服香砂養胃丸。或單煎焦三仙。石灰能制胃酸過多。及胃之醱酵過甚。但有腐蝕性。雖用陳者。亦

須水澄數次。俾其放散熱霧。始無流弊之虞。

◎清鬱二陳湯 治嘔吐酸水。心胃疼痛。嘈雜等症。 陳皮

黃連 半夏 香附 茯苓

山梔子各一錢 白芍七分 甘草三分 川芎

枳實八分 神麩 (宜加竹茹)薑三片煎服。

心胃疼 針大陵 曲澤 三里 先刺公孫為主

俗謂心胃痛者。即胃脹作疼也。方書咸載有九種。氣血蟲疰寒熱悸飲食痛是也。其實氣滯血瘀。為疼痛病之總原因。寒熱虛實。又為診斷治法上之目標。似不宜別立病名。致多生歧。故診察胃疼者。當審其宿食蟲崇。與瘀飲之分。再觸其痛部之是否拒按。以定虛實。則檢方有準。而治可効也。

◎治九種心痛。並小腸疝氣神効。 廣砂仁 廣陳皮

醋香附

荔枝核炒

小茴香炒各一兩 炒枳實一兩五錢

木香三錢

沉香五錢

右為細末。麵糊為丸。桐子大。每服

一二錢。空心黃酒下。

「審查意見」此治因於食滯之胃痛方也。當有吞酸噯氣之兼証。若在初得。

胃脹發炎之際。宜用瀉心法。本方則嫌溫燥。

◎治諸般虫咬心疼。腹內有虫。

檳榔

百部各一兩
(太重)

水三盅。煎服。其虫或出或化。

「審查意見」胃痛之屬於虫者。其痛必時劇時止。劇則切痛不堪。患者容貌。有恐懼之狀。可先用試法。以川椒一二粒。含口內。如確係虫。則痛立緩。

此方亦可煎服。

◎治胃脘痛

杏仁二兩

紅棗三個去核

胡椒十個

共搗爛。再加五靈脂一錢爲末。黃酒調服卽愈。

「審查意見」此方調氣通瘀。祛寒緩急治。胃痛之間歇性者。或有小効。杏仁不如易香附爲是。

◎治心痛方

(卽胃疼)

廣木香

製沒藥

製乳香

五靈脂

孩兒茶

高良薑各五錢

爲細末。每服三

錢。男人黃酒下。女人燒酒下。(俱應黃酒下。或沸水下。)

「審查意見」此方偏於通瘀。治胃部刺痛者有効。

◎一方

銀 硃

乳 香

沒 藥各二錢

松 香一兩

右爲細末。先用滾水挑半匙。放水內。卽時取出爲丸。

黃豆大。每服二丸。燒酒下。

「審查意見」胃痛果屬瘀滯。乳沒二味。當可臻効。若係虫症。用苦辛法。亦能

建功。銀硃松香。不宜內服。慎之。

◎凡男婦胃脘疼痛。不論老少。一切俱治。高良薑。香附米各等分。同用醋泡七次。爲末。薑汁調。加食鹽少許。服之立効。

「審查意見」薑附散。爲治胃寒疼痛之妙方。若有口渴舌燥之熱症者。忌用。◎一方。治胃氣痛。

延胡索炒研末。用三五分。放手心內。以舌舐。滾水送下即愈。

「審查意見」本草延胡條下。有心痛欲死。急覓延胡之文。因延胡非特通瘀。且能消食。爲治一切疼痛之妙藥。蓋即通則不痛之義。然須舌苔厚膩。舌質紫暗。証明有食滯血瘀者。始能投之不誤。

◎治心疼方

烏

梅

七個
去核

紅

棗

八個
去核

杏

仁

十個
去皮尖

共搗成膏爲丸。如雞頭子大。每服一丸。熱酒下。或鹽湯亦可。

「審查意見」此治神經性胃痛之胃酸缺乏者。故用烏梅以增酸汁。大棗和緩神經之拘急。杏仁宜易木香爲佳。

○一方

胡椒

萹 撥各五錢

共爲末。醋調捏

作餅子。重一錢。每服一餅。含之。白水送下。卽効。

「審查意見」此方與前薑附散同意。治因寒之胃痛而消化障礙者有効。

○一方

治胃腹急疼者

高良薑

川厚樸

五靈脂各等分

爲末。每服一錢。醋調服。

「審查意見」胃腹急痛。恐係該部發炎。靈脂厚樸。有通瘀之効。而良薑爲溫

熱興奮劑。不宜用於炎症。若胃部急痛拒按。以去良薑爲安。

○治心疼欲死

百草霜二錢七分

用熱小便調服卽止。

「審查意見」百草霜卽灶內及煙爐中之墨煙也。古謂其有止血散瘀消積

消化器病 心胃疼

二二六

化滯之功。但於本症。是否必効。尙難確定。惟須用燃草木而成者爲妥。若燃煤炭者。萬不可用。

◎治寒氣心疼青筋等症 古石灰水澄三四次研末

「審查意見」石灰爲制酸藥。消寒之力甚大。必用陳者。水澄數次。不現霧氣。始無腐蝕之性。

◎枳縮二陳湯 治痰涎在胸隔上。攻走腰背。嘔噦大痛。 枳 實

砂 仁 半 夏 陳 皮 香 附各二錢

廣木香另研 草豆叩 乾 薑 薑 朴

茴 香酒炒各八分 甘 草三分 延胡索八分 薑三片。水煎。入

竹瀝木香同服。

「審查意見」此方辛溫疏氣。芳香健胃。治痰似不周到。惟嘔而痛。無熱象者。

可用之。

◎九氣湯 治膈氣。風氣。寒氣。夏氣。驚氣。喜氣。怒氣。山嵐瘴氣。積聚痞氣。心

隔氣痛。不能飲食。時發時止。攻急欲死。

製香附

黃鬱金

粉甘草各二錢

水二盅。薑三片。煎八分服。

「審查意見」通則不痛。古有明文。香附鬱金。能開氣血之凝滯。治一切凝滯之疼痛有效。主治名詞。殊覺欠當。

◎治孕婦心疼方

醋炒胡索二錢

當歸一錢

製乳香

五分
研末

甘草一錢

水煎。調乳香末服。

「審查意見」此為通血之方。治胃痛有效。已受孕者不宜用。

◎沉音至珍丸

治男婦一切受寒心痛。兩脇脹滿。

海沉香

公丁香

廣木香各二錢

醋青皮

廣陳皮

川黃連

蓬莪朮

花檳榔

烏梅肉焙

巴霜去油各五錢。右爲細末。麵糊爲丸。黍米大。每服十丸。薑湯下。

「審查意見」此祛寒疎氣之劑。巴霜不宜太重。以配一錢爲足。

◎桃靈丸

治婦人一切血氣心疼甚効。

五靈脂水淘

川烏醋煮去皮
炙乾二錢

延胡三錢

桃仁泥

軟防風

製乳沒各三錢

醋和丸。桐子大。每服二十五丸。薑湯下。

◎失笑散

治婦人產後心疼。

蒲黃炒

五靈脂

酒研淘去砂石。各等分。爲細末。醋調二錢。熬成膏。入白湯半盞化服。

「審查意見」此古方也。治婦人一切血瘀之痛甚効。尤哲解者頗夥。茲不贅。

◎治脇下刺痛

小茴香一兩

炒只壳五錢
炒

爲末。鹽酒調

服二錢。神効。

脇助痛。用白芥菜子水研敷。附針穴支溝章門外關

「審查意見」脇下刺痛。爲肝胃鬱血之特証。枳壳調氣。固亦可用。而尚香不若易以鬱金。芥子調敷。是吊灸法。須防刺戟過甚之弊。

◎治脇痛

川黃連一錢蓋炒

柴胡一錢半

當歸一錢半

醋青皮

桃仁各一錢去皮尖

枳壳八分

川芎七分

酒芍一錢

紅花五分

甘草三分

水煎食遠服。

「審查意見」此疎肝和胃之藥。治脇助疼痛。當必有効。

◎治急心疼 山羊血一分。燒酒化下。

◎治胃氣冷疼 白沙糖五錢。生薑一片。煎水熱服。

「審查意見」沙糖緩急化痰。生薑溫通祛寒。治胃冷久痛者有効。

◎治胃氣疼秘方 預製施人。最有功效。五靈脂一兩使水飛去沙曬乾米醋調膏曬乾

消化器病 心胃疼

一三〇

沉香末三錢沉水者
佳不見火麝香一分

母丁香三錢
去皮取仁

巴豆三錢去壳去
膜去仁內之

仁再去油如白霜者

端午前各製度好。俟正午時。用米醋打糊爲丸。如蘿蔔子大。每病者付以三丸。先用一丸。含在口內。勿嚥下。如疼止。即不必用。若不止。再用二丸。

◎治婦女腹疼昏暈欲死良方

酒白芍

五靈脂

木通

各等分。每服五錢。醋水各半盞煎服。

「審查意見」俗謂女人以血爲主。其病多瘀。而腹痛昏暈。尤爲瘀熱上攻之証。白芍有沉降性。能鎮神經之拂逆。五靈治瘀。木通通滯。洵簡便之良方也。

◎治九種心疼方

用真祁艾灸大姆指。男左女右。五次。屢効。(備試)

傷食

右寸浮緊爲傷食。古醫之所經驗也。然則傷食之診斷。以右寸浮緊。果能據爲確當而不疑耶。曰否。傷食之致病。其起始。多能自知。詢其既往症。不難鑒定。此其一。所現症候。大概消化器症特多。此其二。或問右寸浮緊。毫無憑乎。是又不然。亦在四診之綜合而已。至若因食中毒。畧隸於中毒項下。傷食類傷寒。不過爲內傷於食。而外傷於寒。絕非僅僅傷食。且未因食中毒。卽起種種外感之症。傷食症之範圍。只以碍及消化器者爲限。

◎行氣香蘇散 治內傷生冷。飲食厚味。堅硬之物。肚腹脹滿。外感風寒溼氣。頭痛身熱。憎寒。遍身骨節麻木而痛。七情煩惱。飲食不下。心腹氣痛。

製香附一錢

川芎片一錢

麻黃一錢

羌活八分

枳殼八分

甘草九分

台烏藥一錢

廣陳皮一錢

消化器病 傷食

二二二

蘇梗二錢 外感風寒。加葱白三錢。內傷飲食。加山查建麩。如溼加蒼朮。

「審查意見」此方之適應症。為外感寒邪。兼有頭痛胸悶。氣滯不舒之現象者。主治項下。云治內傷生冷。飲食厚味。堅硬之物。肚腹脹滿諸証。與方藥絲毫不合。不可妄試。此方宜列入感冒項下。

◎山查丸 能消食健脾胃。小兒尤益。將山查蒸熟去核。搗爛。蜜糖和丸。不拘時。白湯下。

◎保和丸 治食積酒積。 山查肉十兩 薑半夏

橘紅 白茯苓 神麩 麥芽

連翹 萊菔子 川黃連各二兩五錢 為細末。蜜丸桐

子大。每服錢半。白水下。

「審查意見」傷食証。停滯之物。在胃內發酵腐敗。致胃壁亦因以發炎。方用連翹川連以消炎。陳夏苓朮以防腐。且可制止發酵。山查麩麥以助胃消化。配合尙有法度。此唐宋以後之良方也。前方單用山查一味治傷食輕証。亦能見效。惟蜜糖和丸。不如以神麩糊丸爲安。因麩有制止發酵之效耳。

◎治食粽子傷者用 白酒藥一九 加木香少許 共爲末。黃酒調服。

「審查意見」白酒藥。不知是何物。更不知如何能消粽子。按粽子以米裹成。食之太過或不適。停積胃內。妨碍消化。宜從消米麵法。取芽麩之屬。方可。

◎治食索粉涼粉停滯者 杏 仁三十個
去皮尖 搗碎。滾白湯泡飲卽消。

◎治食糯米麵食難化者 神 麩三錢炒 爲末。酒調服。或米飲亦可。

消化器病 傷食 腹痛

一三四

◎治食牛肉傷或脹滿者 乾稻草 水煎濃湯服之。(此方未必有效)

◎治一切肉積脹痛 神麩炒研末。以草麥芽煎茶。送下神效。

◎治酒毒 葛根切片細嚼。或煎湯服。又止渴解熱。

「審查意見」按酒性燥。質酒濕。酒毒病症。血分有熱。酒氣薰蒸也。胃腸有濕。酒質浸潤也。故治酒毒之法。辛涼以清其熱。苦溫以燥其濕。斯爲確當。葛花有解酒毒之效用。方中葛根。諒屬筆誤。又葛根爲表藥。其解熱者。治陽明表症之熱也。勿得概以解熱泛言。特此附記。

◎治食肉不化者。南山查子煎湯服効。入藥內煎亦妙。(不如用查肉麥芽神麩砂仁等)

腹痛

診查腹痛。當分痛部之臍上臍下。病原之有形無形。以及病機寒熱。體質虛

實。臍上痛者。多在肝。胃。十二指腸。臍下痛者。則全係在腸。徐靈胎謂腹痛總不離乎腸胃。誠爲見到之言。其有形之原因。如蓄血。食滯。癥瘕。虻蠅。內疝。並平素嗜好成積之類。無形之原因。如寒凝。火滯。氣阻。營虛。及夏秋濕熱之類。是也。審色脉之衰旺。察病機之寒熱。究其原而治之。雖經數載之腹痛。亦不難迎刃而解。查此門所列各方。僅有氣滯寒凝食積血瘀之方。他未之及。

◎開鬱導氣湯 治一切腹痛。

蒼 朮

香 附童便製

川 芎

白 芷

茯 苓

滑 石

梔 子炒黑

神 麴炒各一錢

陳 皮

炮 薑各五分

甘 草三分

「審查意見」此方泛而不切。非腹痛專方。又方中易去川芎白芷炮薑甘草。加木香砂仁台烏白芍吳萸黃芩玉金等二錢能有效。

◎一方 治串腸風。滿肚內走痛有聲。

車軸眼內泥爲丸。桐子大。紅土爲衣。每歲一丸。滾白水送下。

「審查意見」此方用意。以車軸之環轉流利。取治迴旋不通之病。貌似近理。實無裨益。蓋肚內走痛有聲。是腸鳴症。宜行氣利水。自可治愈。若服此油膩土質。必反增劇。

◎一方 治腹中有增。痛如刀刺。堅硬如石。

商陸根搗爛 蒸熟用布包定。乘熱熨痛處。如冷再蒸熨。以痛止爲度。

「審查意見」痛如刀刺。是血瘀之証。堅硬如石。乃結甚之徵。商陸主用逐水。熱熨亦可消滯。但不如內服桃仁歸尾赤芍桂心等爲佳。

◎治九種心痛。一切肚疼。 黑 丑 白 丑 胡 椒

菘 豆 杏 仁各六十個 麵糊爲丸。黃豆大。男七女。八或

薑湯黃酒下。

◎治絞腸痧 鹽一撮。置菜刀上燒紅。淬入水中。乘熱飲之。卽愈。

「審查意見」心胃痛。與腹痛。症雖不同。而治則有連帶之關係。上方逐水消寒。不論胃痛腹痛。果係寒水爲患。俱可試用。後方止嘔吐有效。此二方不應列於本門。古醫籍中有以病爲名者。有以症爲名者。病症二義。混淆不清。故今日之難以劃分。姑仍其舊。以存原編之陳迹。

蟲症

腸寄生虫之類有二。1. 縲虫類。分有鈎縲虫。無鈎縲虫。廣節裂頭縲虫。三種。2. 圓虫類。亦分三種。蛔虫。蟯虫。十二指腸虫是也。治虫之法。先將腸內容排洩盡淨。卽服殺虫藥以毒之。繼服瀉下藥以逐之。忌甘甜味之飲食。須辛苦酸澁之藥品。其預防方法。不潔之物。未沸之水。切不可少許入口。至其症

候。或腹痛。或胃痛。痛發於突然。時有間歇。診斷之最可靠者。爲檢查大便。有無該虫之卵。若發見虫卵。則以虫治之。查斯編僅有蛔蟲。寸白蟲兩種。乃原編者之未備。姑仍之以存其真。

◎棟陳湯 治小兒蛔蟲。

蛔蟲出口有三般。口鼻中來大不堪。如或白蟲兼黑色。靈丹縱服病難安。

苦棟根皮二錢 廣陳皮一錢 製半夏一錢

茯苓一錢

甘草五分

水二盅。生薑三片。煎入分。空心服。

「審查意見」此方係二陳湯加苦棟根皮。二陳湯爲治痰飲之方。殺蟲之力極微。僅恃棟皮。難期成効。宜加檳榔。使君子。雷丸等藥。

◎治寸白蟲方

錫 灰

檳 榔各二錢

雷 丸一錢

如小兒不能服丸者。將前藥三分。用雞子一個。燒半熟。待溫。入內調勻。

煑熟。令兒食之。大便下有膿血。卽其驗也。忌腥冷等物。

「審查意見」寸白蟲卽蟻蟲也。專下卵於肛門之外。小兒肛門發癢。見有無數白蟲叢集者。卽收也。治法之最簡切者。莫如灌腸。此方湊三味殺蟲藥。須視小兒體質之強弱爲斷。

◎又方 酸石榴根皮 枳 榔打碎各五錢 水三盅煎一盅。一日不可食茶飯。臨睡時服。用此藥在上半月服効。下半月不必服。打下蟲用棍子纏住。勿令斷了。

「審查意見」此方榴根枳榔皆殺蟲蟲之藥。與上不同。

◎一方 木 香 枳 榔 等分爲末。每服三錢。白滾水送下。服藥後飲一碗。溫芝蔴茶。其蟲晝下。要陰根。再照前一服。永不發矣。

「審查意見」此亦殺蟲蟲之藥。但飲溫芝蔴茶。不若服葶蔴油。以排洩其大

消化器病

蟲症

泄瀉

一四〇

便爲切當。

◎治腹內蟲方

烏梅一個 老薑二片

樨子十個

花 椒十四個 黑糖少許煎服。蟲盡出矣。

「審查意見」此爲治蟲症之通方。無論縲蟲蛔蟻蟲俱可試用。

泄瀉

◎治腹瀉初起。用此方神效。

細茶二錢 燒核桃仁五個

生薑三錢 紅砂糖三錢 水煎服。

「審查意見」此方治清晨泄瀉者頗可。以有溫斂之性也。

◎立止水瀉方

車前子一錢 澤瀉一錢 薑厚朴一錢二分

爲末。滾水調服。

「審查意見」厚朴治腹滿。水瀉而有腹滿之証者可用。

◎止久瀉丸 治久瀉諸藥無効。一服自愈。

黃丹一兩水飛

枯礬一兩

黃蜡一兩

將蜡融化小銅杓內。再以丹礬二

味細末投入。乘熱爲丸。如豆大。每服二錢。白湯下。

◎又方 枯礬一錢

公丁香五分

共爲末。黃酒服。

「審查意見」泄瀉之病理。因腸胃失却消化吸收分解之力。故治新瀉。當去所以妨碍腸胃之原素。治久瀉。當促其吸收。增加其分解。幫助其消化之功能。飲食尤宜無刺戟而易消化者。是以久瀉斷無卒愈之理。上方皆止澁之藥。久瀉尙可一試。新瀉萬不可用。

◎治瀉方 夏月吃甜瓜太多。以致泄瀉不休。用棹州好橘餅一個。切片。作二次放茶盅內服。(可酌配益智仁)

◎交感丸

治婦人久瀉

香附子

半斤

水浸一日炒

白茯苓

四兩
去皮木

煉蜜爲

丸。彈子大。空心服一丸。滾白湯下。

「審查意見」按此方治瀉証不切。

◎治飲酒不能食。但飲酒即愈。

嫩鹿茸酥炙透
旋炙旋削

肉蓯蓉酒洗去磷甲
各一兩

麝香五分

爲末。陳倉米和丸。如桐子大。每五十丸立効。

「審查意見」飲酒不能食。是有酒癖。素所習慣使然也。此方是否能去酒癖。

未曾經驗。不敢武斷。但就藥理而言。亦不確合。且不宜列入此門。

◎治飲酒過多泄瀉方。花粉一味搗爛。袋盛。洗去漿晒乾。每用白糖調服

一錢。和白蜜少許服。兼治吐血症。(清濕熱之意)

◎治脾虛泄瀉。老人五更瀉。

黃老米炒三合 淨蓮肉三兩去心

猪苓五錢

炒澤瀉五錢

木香一錢半

土炒白朮五錢

白砂糖一兩

煨薑二錢

爲末。每服三錢。空心白湯下。

「審查意見」此方溫補脾胃。有促進乳糜吸收之功。但無消導藥。恐補而有

滯澁之害。擬佐查麩較妥。

◎治腹脹吐瀉。日夜不止。諸藥不効。此氣脫也。益智仁一兩 煎湯服

之立愈。

「審查意見」此症多係中寒。中氣暴脫。益智溫斂收縮。頗為切合。然須有四

肢逆冷者方妥。

◎治老少脾瀉。久不愈神方。飯鍋粬四兩 蓮 肉去心四兩

糖四兩 研末和勻。每服三五匙。一日二次。食遠下。(穩健可用)

◎脾瀉丸 治久瀉。每早泄瀉一二次。此為脾虛泄瀉。用此補養脾胃。

土炒白朮 白茯苓 炒故紙各二兩 炒小茴

煨肉蔻各一兩 廣木香五錢 生薑煑紅棗肉為丸。桐子大。空心

白湯服二三錢。

「審查意見」每早泄瀉。爲腸胃虛弱。不能統攝之証。方中苓朮以壯腸胃。香薷興奮氣機。小茴溫煖。故紙補攝。如能持久服之。必有相當効驗。

噎

噎膈反胃。每誤認爲一症。不知食物難下。而終能下。爲噎。食物不能入。爲膈。食物已下。良久復出。爲反胃。噎膈由於七情鬱結。素嗜飲酒。痰涎阻塞。食道或賁門。生有癌性之小結節。所謂食道癌賁門癌是也。反胃。係中陽式微。或幽門癌攣之故。經云。三陽結謂之膈。又云。一陽發病。其傳爲膈。仲景云。朝食暮吐。暮食朝吐。宿穀不化。名曰胃反。徐氏云。噎膈之症。必有瘀血。頑痰。逆氣。阻轉胃氣。宜用消癥去痰。降氣之藥。或可望其通利。誠爲見到之言。至胃反之治。應溫中調氣。又治噎。不宜過用香燥。因腸胃已結。津液枯槁。故滋陰液。

亦爲當要。查此門驗方。以開關之方爲多。可暫而不可常。須審慎用之。

◎治噎膈開關方

白礬砂一錢半

青黛一錢

好沉香一錢

爲細末。三味收貯聽用。

白馬尿一斤

白蘿蔔一斤取汁

生薑

薑半斤取汁

共入銅鍋內熬

成膏。每服膏三茶匙。加烈藥末一分酒下。一日三服。可以開關。如反胃。用黑驢尿一斤換白馬尿。

「審查意見」噎膈病原。多因素嗜飲酒。及憂愁抑鬱。致津液不行。食道賁門。漸漸發生小結節。所謂食道癌。賁門癌是也。治法。首宜開關。次宜滋液。或可挽回危殆。礬砂軟堅化結。青黛苦寒泄火。沉香辛溫疏氣。氣不逆。則病可緩。三汁皆通滯化痰之品。尤以馬尿降濁甚妙。用以作噎膈之開關藥可也。（用馬尿太多。須防其中毒。）

◎治噎食膨脹効方

五六月用老薑二三斤或四五斤。盛在竹篾或麻袋內。浸在糞缸內七日。取出淨洗。竹刀刮去皮切片。空中吊着陰乾爲末。每服三錢。火酒調下。不過三服全愈。

◎三神膏 治一切痰膈食膈効方

黑炒糖一斤 連皮老生薑一斤

二味共搗成膏。入磁罐內封固。入乾燥淨黃土地埋七日。取出。每日和滾湯服。

「審查意見」右列二方。一獨用薑。一兼用糖。卽辛開甘潤之義。其在胃寒輕淺之証。不無小効。若病已成。斷難爲力。

◎治噎膈方

蟻螂滾的糞彈一個。又要選糞中有白如子大者。將彈少破一頂。蓋住。

火煨大黃色存性。不要燒焦。入麝一分。兒茶二分。金絲黃礬三分。硃砂春二分。夏四分。秋六分。冬八分。併將彈爲末。空心燒酒調下。如覺飢。用大小米粥漸漸少進。一日二三次。不可多食。一日進一碗足矣。多則病復發不可救。忌生冷厚味。

「審查意見」蟪螂。卽推屎虫。用其所滾之糞。以治食物不下之噎膈。雖屬想像之作用。然一味單方。氣死名醫。每有不足輕重之物。竟能治愈大病。况又合兒茶之善破積血。麝香辛竄開關。竊意頗有一試之價值。不可漠然視之。金絲黃礬。爲黃礬之產於波斯。擊破中有金絲文者。

◎治膈症

製半夏一兩

製 蔓 蕁一兩 糞坑浸七日 礪 砂三錢

五穀虫五錢

製南星一兩半胆 汁浸七次

共爲末。每月空心服三錢。燈心湯

下。

「審查意見」此在初起之際。痰涎壅滯。而無熱者可用。

◎八寶丹 治膨脹噎膈。癱瘓等症。 眞番礪砂 硃砂

雄黃 胆礬 輕粉 礪砂各五錢

硫磺 水 銀各三錢 共爲細末。入陽城罐內。下蓋鐵燈

蓋。用鐵絲縛定。外用鹽坭封固。放炭火內煨五炷香。三文二武。冷定取出。每服三丸。滾水送下。五六服即愈。

「審查意見」按噎膈。即食道癌。賁門癌由漸而進。其所生之結節。不易消散。此方破血化結。軟堅解凝。或可消散癌性之結節。結節除則食下再用。調中滋液。以善其後。在學理上推測。此方應當有效。惜編者尙未曾試用耳。

◎虎肚散 治噎食病神効方 蟾 酥一兩同葱搗爛 薑 朴十五兩

白麵包內火煨熟

紅芽大戟二兩五錢 赤 金二錢 放煎銀罐內。用硫黃末將金化碎。用虎肚一個。其肚內之物。不可倒出。將各藥共爲粗末。入虎肚內。放在鐵鍋內。用大火煨煉成灰。研究細末。年少者。每日清晨用無灰熱酒沖服三分。十日共服三錢。年大者。每日清晨用無灰熱酒沖服五分。十日共服五錢。卽愈。其飲食用京米煮飯熟時。將柿餅切如米粒大。止用半碗。下在飯內。又復蒸爛食之。以大好爲度。忌湯水并氣怒勞碌房事。如渴極時。湯水少用。

「審查意見」虎肚卽虎胃。古稱治反胃吐食。然得甚不易。姑存之以備參攷。

○治翻胃噎食不能嚥。下卽吐者。

鴨子肫內黃皮三個。焙乾爲末。作一服。燒酒調下。三日服一次。

○崑治翻胃

馬蛇兒

卽野地蛇串子

數條。用公鷄一隻。籠著餓一日。只與水吃。淨

消化器病 噎

二五〇

他腸肚將馬蛇兒切爛。或拌米與鷄食之。取糞焙乾為末。每服一錢。燒酒送下。

「審查意見」上方用鴨肫皮與鷄內金功同。雖不能肩予重任。但性平穩。又易取得。頗便平民備用。此方用馬蛇兒經鷄食消化後之渣滓。或可消積降濁。修製不難。存之試用可也。

○黃芩半夏生薑湯 治噎翻胃 黃芩 芍 藥各二錢

薑半夏八錢 生薑四錢 炙草二錢 水三大盅。棗一枚煎服。

「審查意見」此仲景治太少陽合病下利而嘔之方。是症借用。治肝胃氣逆。火邪上衝。嘔吐酸水。難進飲食者。

○一方治 翻胃噎膈。

用初窠石灰入鍋內化開去渣。只取其清水熬乾。刮下炒黃色者最妙。牙色亦可用。淨磁罐收貯。黃蜡封口。勿令洩氣。過一二年者無用。凡人四十歲內外。健壯者用四分。稍弱者用二分。只以好燒酒調服。能飲者三四盅任量飲之。如回食梗咽。年深或吐蟲。或下蟲即愈。不吐不下。遇發再服一次。不發不必服。自然全愈。

「審查意見」石灰即酸化鈣。爲有力之殺蟲藥。及反酸藥。據此理推。富治胃酸過多之嘔逆。類似噎膈者。又或可腐蝕癌症之結節。所云「吐蟲下蟲」是又知因蟲攻擾之難進飲食者。所當辨而明之。

◎治膈氣不下食屬火者。

用蘆葦根五兩。剉碎。水三盞。煎二盞。去渣。溫服。代湯飲。本草云蘆葦開胃降火。治噎膈。其根不用浮露者。

◎神援甘露丹

一富人病噎。募僧與之湯。因而往寺遇僧。果與湯飲。問之。乃乾糖糟頭。用六兩。生薑四兩。搗成餅。或焙或晒。每兩入炙阜二錢。研末。每服二錢。沸湯入鹽少許。不拘時代茶服。至愈時。

「審查意見」僅就此方面論。不過調胃而已。可用。

◎治噎食用 醋蛾晒乾爲末。每服一錢。酒調空心下。(未必有效)

◎八尼金 治噎膈等症 牛 黃 狗 寶各一分 辰 砂

明 雄各二分半 全 蝎一個 巴豆仁一粒 爲末。每服八

厘。好燒酒半盞點着攪勻吹滅服。

◎治噎膈翻胃嘔吐等症。

大塊鮮薑一觔。入糞坑內。泡四十九日。取出洗淨。用柴火燒成炭研末。

每服三錢。白滾水調下。隔三五日再服神効。

◎仙傳膈食力

雄羊胆

雄鵝胆各一具

雄 精二錢

共爲末。入猪胆內。懸陰處廿一日。俟乾。取用。每服四五丸。卽開關通飯。

◎又方 黃馬尿治膈。服下立効。

「審查意見」噎膈。大症也。在將成時。疏導和胃。或可收功。若已成後。任何藥物。亦難爲力。上列數則。皆爲開關之方。病勢既難必愈。則不妨取之小試。

疝氣

中醫所稱之疝氣。卽西醫所謂之赫爾尼亞。(Hernia)之一部。赫爾尼亞者。任何內臟之一部。由其原處之囊壁凸出。皆稱爲赫爾尼亞。故赫爾尼亞。不僅限於腹內各臟。腦肺等臟。亦能有之。而疝字之意。實指一切少腹急痛。及偏

方 驗 集 徵 查 審

墜陰囊腫脹而言。此症多現於腹股溝。卽腹之極下部兩旁。股之上部。及臍等處。所凸出之臟腑。則因其地位而異。然不外網膜。小腸。大腸。闌尾。胃。及膀胱等。雖然。此猶廣義之疝氣也。若今之所謂疝氣者。大半卽指腎囊一部而言。

疝氣之病因。約可分爲二。(一)先天性。(二)後天性。但此二種。皆與睪丸下降時有關。蓋胎見時期。睪丸原生於腹內。至六七月始漸漸下降。大概於胎兒九月時期。乃脫出腹部。而入於陰囊中。當睪丸下降時。有一部份之腹膜。隨之落下。而成囊形。此腹膜開口。在常人於產時。已經封閉。或不久亦可封閉。如尙未封閉以前。或腸或網膜之擠入。卽先天性之疝氣成矣。然先天性之疝氣。其原因雖伏於胎兒時期。但兒生後。不必卽顯病狀。甚有遲至成年者。若該囊雖已封閉。然於封閉之處。欠缺健全之組合。則必成一弱點。不堪

受腹內壓之增高。故於咳嗽震盪。及大小便之失調。與夫過胖等因。皆可使內壓之增高。此增高。即可使腹內臟之由弱點而突出。此後天性之疝氣也。中醫向有七疝之名。準此病理。當亦知所自矣。再究其治法。中醫視爲寒症。多用溫煖流氣。實則興奮該部器官。使之上升耳。其最慣用者。小茴香是也。然小茴香。家種者無毒。野生者有毒。三二錢即可致命。用時務宜詳慎。至極重無可如何之時。以手術療法爲佳。

◎治疝氣神方

山查肉

炒枳實

炒小茴

炒桃仁

柴胡

粉丹皮

八角茴香炒各二兩

爲末。麵丸。桐子大。每服五十丸。空心服。

「審查意見」疝氣治法。除氣虛下陷。應用升提而外。餘則統宜破氣消寒。如橘核青皮。茴香烏藥之類。此方有山梔丹皮之清血藥。桃仁之破血品。

消化器病 疝氣

一五六

應施於腎囊。罌丸紅腫。而有鬱血之象。八角茴香。卽茴香子之自番舶來者。實大如栢實。裂成八瓣。一瓣一核。大如豆。黃褐色。有仁。味甜。小茴香。爲茴香子之小者。又蒔蘿之別名。蒔蘿。爲菜類。功能理氣開胃。治寒疝。斯方既有八角茴香。當用蒔蘿爲是。至茴香蒔蘿之溫藥。與丹梔之清藥。其差量。須以臨床見証爲準。

◎又方 荔枝核一兩炒黃色 小 茴五錢炒 爲末。黃酒調服三錢。空心服。

◎又方 草菓一個。去皮打碎。煮酒中熱服。出汗卽愈。

◎又方 抱出雞蛋壳燒灰 爲末。每服三錢。老酒下。

「審查意見」疝氣有先天性者。本不可治。所可治者。皆後天性者耳。俗以疝氣多係寒症。故草菓小茴。久爲治疝氣之家常便飯。用之亦往往有效。

其抱出鷄子之壳。何以能治疝氣。究否有效。須待試驗。

◎治疝氣腫痛

大 茴

小 茴

川 棟 肉

廣木香各三分

右共打碎。砂鍋內炒香。再入連鬚葱九根。水二盅。用

碗蓋定。滾五七沸。入酒二盞。再滾三沸。去渣。放食鹽二分。熱服出汗愈。

「審查意見」疝氣腫痛。是否紅赤高脹。若果紅赤。應加丹梔胆草之清涼。如不紅赤。而腫脹。應以此方爲準則。

◎治疝氣類腫

荔枝核四十九個

陳 皮 分 分

硫 黃 四 錢

爲末。鹽水打麩糊爲丸。菉豆大。痛時空心酒服九丸。不過三服效。

「審查意見」類疝治法。應兼用升提藥。如補中益氣之類。編者按。硫黃非治疝專藥。宜去之。

◎治疝氣偏墜。痛不可忍。槐子一錢。炒黑色。爲末入鹽少許。黃酒調服。

「審查意見」不如在外包熨爲捷。

○又方 荔枝核炒黃色 爲末。每日三分。黃酒下。一方加小茴五錢。

○又方 絲瓜絡燒灰 每三錢。黃酒下。

「審查意見」二方皆疝氣普通驗方。洵可試用。

○治小腸氣疼欲死者。杏 仁去皮尖 小茴香各一兩 葱 白燒乾五錢

爲末。每服五錢。嚼核桃肉嚥下。

「審查意見」小腸氣疼。所謂小腸赫爾尼亞者。頃刻有致生命之虞。此方是

否能効。須經試驗。

○治腎子陰腫疼痛大如升 馬鞭子搗爛敷之。

「審查意見」馬鞭亦消散之功耳。應配伍蒲公英尤佳。

○治疝氣年久不愈者。 巴 豆十粒去油 杏 仁一百廿個
去皮尖

飛羅麵四錢

白乾麵八兩

搗勻。醋和爲丸。桐子大。每服五七

丸。小茴湯下。

「審查意見」此方性屬溫下。雖服五七粒。巴豆之成分無幾。但虛者亦不宜漫用。編者按此方治大便秘結者。非治疝氣專藥。

◎治疝氣偏墜

大茴香炒

蘿蔔子炒各五錢

共爲末。加硃砂

一錢八分。作丸服。每日鹽湯下一丸。九日愈。

「審查意見」大茴香辛溫太甚。應用小茴較妥。

◎治陰囊腎子腫大方 灶心土三升。放鍋內炒熱。加川椒小茴香末各一

兩拌勻。將腎囊坐在上面。冷則再換。如此三次即愈。

「審查意見」凡魚口便毒。及腎子腫大。初起時。並宜用外製法。但以無紅赤者爲準。

方 驗 集 徵 查 審

◎又方 棉花子仁煎湯洗之自愈。

◎治小腸疝氣陰間濕痒成瘡 吳萸二兩分四份。酒醋鹽童便各浸一份。晒乾。南澤瀉二兩爲細末。酒糊丸。桐子大。每服十丸。鹽湯下。

「審查意見」小腸疝氣陰間濕癢皆濕熱下注所致。吳萸性溫。化濕有效。惟與熱証不宜。如治有熱者。加川栢知母各一兩較爲平安。又瘡面上宜撒以滑石粉。潔淨包裹爲要。

◎治疝氣囊腫 田間青蛙皮貼之愈。(按此方是消炎之法)

「審查意見」疝氣是赫爾尼亞之一部。其腎囊脹大。乃因內臟突出之故。所以腎囊之內。係實的。而非空的。囊腫亦有。但不盡爲囊腫。青蛙皮是否能使內器之上升。尙待實驗。

◎又方 將第二足趾對縛。用箸頭大艾炷。從大指二指頭上合縫處灸之。

立愈。

「審查意見」灸之効用。能興奮該部之神經。使其由傳達的而呈遠作用。溫通血液。使其由局部的。而生遍體的血液暢行。此法諒必有效。

◎又方 用艾灸足大指肉甲相連之處二三壯愈。乃大敦穴也。

◎治小兒木子木疔 在腫處尖上用艾灸一壯即消。

「審查意見」小兒木子木疔。不疼不赤。堅硬而冷。乃受風寒所致。艾灸患處。不如熱熨法較妥。

◎治小兒外腎作腫 石蟹一枚 以醋磨之。頻擦即消。

「審查意見」小兒腎子腫大。但審其是否爲蟲蚊所咬。若非咬則但以寒疝偏墜作治。石蟹鹹寒消炎。患處無紅腫不宜。

全身病 火症

身體之熱量有一定之溫度。太過則熱。不及則寒。造溫機能亢進。散溫機能失職。則內熱充斥而患熱病。散溫機能亢進。造溫機能失職。則官能弛緩而患寒病。然熱度之增減。每與血液爲消長。即充血時。溫度亢進。貧血時。溫度不足。全體之病理如此。局部之病理亦如此。國醫之言肝火。脾火。心火。肺火。腎火者。其理可知矣。火症本無獨立之可能。蓋因自有火熱之原素在。惟以原有斯編。未便直予汰除。故仍其舊。方中有苦寒特甚者。施於體壯實火之病。固有桴鼓相應之効。若虛火體弱者。寒涼敗胃。每致不救。此宜審慎者一。凡治某臟之火。即當在某臟之專効藥上注意。選擇三二味。以簡精中肯爲要。萬勿任投涼藥。隨筆搖來。此宜注意者二。知此二者。尤須在証候上。詳加審核。庶無實實虛虛之弊。

◎上清丸 治上部煩熱生瘡。

南薄荷三兩

烏梅肉二兩

兒茶五錢

礪砂三錢

元明粉五錢

百藥煎五錢

片腦三分

白糖五兩

為末。水利丸。芡實大。口內噙化。

「審查意見」此方治口舌生瘡。噙化尙可。若熱毒面瘡。恐力不足。

◎又方 清頭目三陽之火。治風熱上攻。發渴咽痛。口瘡牙血並効。

黑元參八兩

南薄荷五兩

荊芥穗五兩

苦桔梗八兩

生草八兩

歸尾八兩

熟大黃八兩

陳皮八兩

酒芩八兩

炒枳殼八兩

川芎四兩

水丸桐子大。每服一

二錢。

「審查意見」風熱上攻。頭目昏眩。口舌生瘡。上則煩渴引飲。下則便秘溺赤。

此方既有薄荷芥穗之宣散。復有大黃芩壳之通利。餘則活血調氣。滋

全身病 火症

一六四

液沃火。配合之妙。洵足可取。若欲改服湯劑。各藥以一錢爲極量。

◎神芎丸 治一切上焦火。積熱風痰壅滯。頭目赤腫。咽喉不利。二便閉澀。

亦能磨酒食諸積。

黑 丑 滑 石各四兩 生大黃 生黃芩各二兩 黃 連

川 芎 薄 荷各五錢

水丸。桐子大。每服五十丸。

「審查意見」此古方也。三黃清熱。黑丑化積。治熱症腹滿。便溺不利有效。但

體質弱者慎用。

◎大金花丹 解諸熱臟腑伏火。明目消腫。止頭痛牙疼。口舌生瘡。

黃連 黃芩 黃栢 梔子 山菊花俱妙各等分 水丸。桐子大。每服五

十丸。溫水下。

「審查意見」此方大苦大寒。瀉熱之力甚大。宜施於三焦實火。而有上述諸症。又須有煩渴之熱症者。方可一用。至其明目者。瀉火之功也。勿謂其能明目而概用之。又菊花不宜炒。

◎瀉黃丸 治脾家伏火。唇口乾燥。發熱作渴。

藿香葉七錢

黑山梔一兩

煨石膏五錢

生 草二兩

防 風四兩

用蜜酒炒香。爲細末。水丸。桐子大。每服二錢。

「審查意見」瀉黃之定義。以中央屬脾土。其色黃。瀉黃。卽是瀉脾。此等神玄術語。姑置不論可也。方中宜修正者。石膏不宜煨用。煨則失却清熱之本性。不宜用酒炒。酒炒則嫌過溫。爲末蜜丸。若蜜炒則不合法。

◎瀉白丸 治肺火爲患。喘滿氣促。

桑 皮炒黃

地骨皮各一兩

炙 草五錢

水丸。桐子大。每

全身病 火症

一六六

膠二錢。

「審查意見」瀉白。卽瀉肺耳。吳鞠通云。上焦如羽。非輕不舉。故治上焦之病。

宜取清輕爲是。此方頗得其旨。

◎導赤丸 治心經蘊熱。小便黃赤。或成淋漓。口舌生瘡等症。

生地 木通 生草各等分 水丸桐子大。每服三錢。

「審查意見」所列主治。與方確合。但宜改爲湯。不宜利丸。

◎瀉青丸 治肝經實熱。脇乳作痛。惡寒發熱。大便秘結。煩渴飲冷。

當歸 川芎 胆草 山梔仁炒黑 煨大黃 羌活 防風各三錢半

水丸。桐子大。量服。

「審查意見」脇乳作痛。寒熱往來。又現大便秘結。煩渴飲冷。顯係肝火之症。方用胆草梔子。專瀉肝火。復合和血。通利。宣風等藥。對症施之。必收良

効。

◎預防熱瘡方 夏月常煎金銀花代茶飲。免生瘡毒。且清內熱之症。作丸更妙。

「審查意見」金銀花。固爲解熱敗毒。性質和平之良藥。但亦不宜固定常服。尚須診察証候。酌量需要與否爲是。

◎治發熱口乾 鷄子清三個 白 蜜一匙 和勻服之。

◎治心經留熱煩躁 梨汁一碗。頓服卽愈。

「審查意見」鷄清和白蜜。對於慢性陰虛津虧之發熱口乾。頗爲有效。若陽明病之發熱口乾。自有適應之專方。似無服此之必要。且鷄清和白蜜。粘膩殊甚。頗不適口。又梨汁治煩躁。亦與上同。若痧穢初鬱。口味不開。脉象澀滯。當透達痧穢。不宜頓服梨汁。

流火

流火者。火在外膜。無其歸也。在內則有五行。心肝脾肺腎之府。行於膜外者。遊注無其止。故爲流而不住。到處則爲害矣。在皮內則滯。滯則同血而滯。則成瘡瘍之患。在皮膚者。則爲赤爲熱爲癢落。有關節處則腫而痛。治法宜散火清涼之劑。自能化膿成變矣。(原文)

「審查意見」流火者。血行速率不勻。而生不定性之局部充血或鬱血症也。故在內則爲諸臟器之腫大。或生內癰。在外則爲赤腫瘡瘍。關節腫痛。總爲充血或鬱血之象。治宜整調血行。疎通經絡。原文詞意不明。大有莫知所言之概。

◎治流火方

當歸 川芎 生地 防風 防己 芍藥 杜仲

續斷 蒼朮 白朮 木瓜 牛膝 獨活 烏藥 沒藥 海桐皮

威靈仙 川草薺各一錢 甘草五分 水煎空心服。

「審查意見」流火之症。原不一致。而且部位有別。輕重各異。臨床時。當就清熱活血。疏滯中。酌處方劑。豈能雜湊衆藥。固定為法乎。此方雜亂無章。不可輕服。

◎治流火兼風症

酒當歸

茅蒼朮各錢半

防風 防己

續斷

川牛膝

獨活

杜仲

炒去絲
各錢二分

烏藥

藥

海桐皮

海風藤

草薺

各錢

地榆

錢二分

甘草

虛加人參腰疼加知母黃

栝水煎服。

「審查意見」流火兼風。大概為炎性痛風病。此方活血利濕。祛風調氣。治關節或腰腿疼痛有效。但少清熱之藥。應加丹皮。木通。銀花。蒲公英等為是。

◎治婦人流火 當歸 陳皮 半夏 地骨皮 川黃柏 川黃芩

苦桔梗

台烏藥

粉甘草各錢

地榆錢二分

薑棗煎服。

「審查意見」古代醫者謂男子以氣為主。女人以血為主。故治婦人諸病。動謂與男子有別。然據現今實質之考察。男女之在生理上。除生殖器局部不同而外。餘皆相等。在病理上。除月經胎產之特有療治外。餘亦與男子相同。此舊日之成見。所宜打破者也。此方調氣活血化痰。治流注結核頗可。無論男女。皆可服之。何必專指為婦人乎。

◎治流火諸般腫痛 韭菜地內蚯蚓糞。伏天收者佳。為末。高醋調塗患處。「審查意見」蚯蚓消腫。古法也。可備試用。

◎又方 用赤小豆為末。鷄子清調塗患處。次用清茶調服二錢。

「審查意見」赤豆利水消腫。鷄清清熱定痛。治炎症頗驗。

◎又方 葱白一把。鹽一撮。搗爛塗患處。

「審查意見」葱白之消腫。辛溫通滯之功也。患部不變皮色。而發癢者爲宜。若紅赤腫疼。則不必用。

虛勞

虛勞與癆瘵。原不相侔。然確有連帶之關係。蓋虛者多病癆。癆者無不虛也。古醫雖有傳尸癆之分。而與虛勞。往往混淆不清。所富略爲剖析。以別界限。虛勞之症候。雖極複雜。然其病理。實基於體質之慢性衰弱。因而發現種種之症象。不比癆瘵之有結核菌也。古人論虛勞。有上損下損之分。根據五臟。專尙補益。惟日日服藥。而病日增。蓋不知原理之過也。本病症候雖繁。陰虛陽虛。可以盡之。陰虛者。周身細胞之實質。及細胞中之水分不足也。陽虛者。細胞分裂動作之功用不足也。脉細。皮寒。食少。泄利前後。水漿不入。五虛迭

現。非溫補無由。脉數。骨蒸。頭眩。顴紅。遺精盜汗。水分不足也。非滋補難愈。然此約物療法。不過幫助生理上自然療法之能力。使其漸復健康。主要者爲調飲食。慎起居。若專恃藥物。恐胃臟虛弱。化源將絕。故治虛勞。切勿急急服藥。茲編所列方劑。頗有足供採用者。各就方下附明。茲不贅。

◎加味坎離丸 治飲食少進。頭目昏花。耳作鐘聲。脚力軟酸。肌膚黃瘦。身體疼痛。吐痰咳嗽。胃脘停積。夢遺盜汗。泄瀉。手足厥冷等症。此方下滋腎水。上降心火。中補脾胃。添精補髓。強陰壯陽。殺九虫。通九竅。補五臟。益精氣。止夢遺。身體輕健。甚有效驗。

人 參 二冬 兔絲餅 牛膝 肉蓯蓉 山萸 杜仲 巴戟
小茴香 當歸 白茯苓 黃耆 五味子 川椒 木香 黃柏
爲細末。黃酒煉蜜爲丸。桐子大。每五十丸。鹽湯下。

「審查意見」此方重用黃栢。滋陰清熱。苦味健味。又集芩芪二冬之補益。強壯。巴戟川椒之興奮氣機。治血液不足。神經衰弱。爲病後體虛。及慢性衰弱培補之劑。惟主治中有吐痰咳嗽。胃脘停積。手足厥冷等症。殊屬欠妥。

「訂正主治」治氣虛自汗。神經衰弱。頭昏目眩。（屬腦貧血）耳鳴重聽。腰腿痠軟。夢遺腹脹。以及心悸怔忡等。又按。九虫卽虻虫。白虫。肉虫。肺虫。伏虫。胃虫。弱虫。赤虫。蠅虫也。本方用黃栢。川椒。有殺虫之效。餘皆闕如。然二味合於群藥。其功已別有建樹。難期殺虫之功。

◎治吐血咳嗽虛勞等症 上好小紅棗二斤 黑糖斤 芝蔴油四兩
三味合一處揉勻。不見星油。作一料。磁盒盛。早晚一二兩開水下。

「審查意見」三味皆滋潤和緩藥。惟紅棗久服。易生齒痛。及消化障礙之証。

◎治男婦五勞七傷。諸虛百損。癱瘓等症。

肥母鷄一隻。不要出血。用繩縊死。去淨毛。用竹刀剖開。取出腸肝連屎。不可入水。急用陰陽瓦焙乾。煙盡爲度。可重六七錢研末。分爲三服。黃酒調下。至大重病。不過二三隻卽愈。如兼咳嗽氣喘者。用麥冬一斤。去心。水煮成膏。陸續服之。更妙。治癱瘓。將雞倒放砂鍋內。坐一酒盃。重湯煮熟。盃內有自然汁。不拘多少。兌無灰酒服之。卽愈。

◎又方 雞雌雄兩隻。繩縊死。滾水去毛。竹刀剖開。剔去五臟不用。將雞骨打碎。放在磁盆內蒸。不須出氣。蒸六個時辰爲度。取汁服之。神効。

「審查意見」用雞以治虛羸。不過藉雞肉之補益耳。其不用刀以繩縊死者。意謂使血液充分浸漑。多攝其營養成分故也。兼咳嗽。加麥冬以潤肺。配合尙有法度。主謂可治癱瘓証。不解其意。總之。病至虛羸。絕非無情。

草木所可治愈。食品營養動物。滋補爲治虛勞最要之法也。但其功甚緩。不可急求速效。

◎坎離丸 專治男婦虛勞等症。

黑 豆炒研

紅 棗

煮熟
去核

共搗泥爲丸。桐子大。每服三錢。鹽湯或

酒湯下。

「審查意見」科學說明日用新本草。內載其友人某君。瘦削至極。難以望生。後有某僧。令其日嚼黑大豆五粒。常嚼不輟。竟能至老不倦。盛稱黑大豆之功效云。按黑大豆。含植物性蛋白質極多。爲補益之上品。古人謂其色黑屬水。大可補腎者此也。合紅棗之甘補。足可增價體中營養成分之缺乏。如脉泛大。自汗盜汗者。鹽湯下。脉沉弱。心臟衰弱者。黃酒下。

◎治男婦咳嗽成勞。此藥當茶湯服。其效如神。

全身病 虛勞

一七六

黑芝麻 藕粉 山藥 粘黃米麵 白砂糖 建蓮肉

共爲細末。每日早晚不拘多少。水沖服。

◎專治虛勞一切等症 白花藕粉 白茯苓 白扁豆 川貝母 蓮肉

白蜜等分

人乳另入

共爲細末。每用一兩。滾水沖服。

「審查意見」吾人日常必須之主要營養素。蛋白。脂肪。含水炭素。實佔重要位置。蓋藉食物以攝取此等營養料。爲培償體中之消耗。並資發生精力之用。苟體中是等成分缺乏。則身體逐漸羸。是即虛勞致死之原理也。上二方爲通常膳食之品。富有蛋白。含水炭素。脂肪等。軋末內服。足可滋補體質。而增營養。故曰。可補虛損。但此類物品。與飲食同。務須在日常飲食上注意。嘗見人有節食而多服藥者。殊甚謬誤。

◎治氣虛血弱飲食減少 蓮籽不拘多少。去皮酒浸一宿。入猪肚中水煎

爛。搗成膏。炙乾爲末。酒和爲丸。桐子大。每服五七十丸。食前溫酒下。或不丸。日常煮爛食之。

「審查意見」蓮子之主要成分。爲蔗糖。澱粉。脂肪油。蛋白等。蔗糖。澱粉。脂肪。油。爲供給人身精力。發生體溫之原料。蛋白質。爲修補體素之必須品。故爲補益之上品。中國舊說。謂有燥脾止瀉補虛損之功。對於飲食減少。陷於虛象。及病後體元未復者。久食可建奇功。生破去心。任意嚼食。不必如是修製。

◎又方 乾薄荷 天花粉各等分

共研爲末。人乳爲丸。桐子大。每服二十丸。不拘時米飲下。日服三次。三日見効。

「審查意見」此方主治功用。未經註明。就余之見。治發熱口渴。其熱型爲日

中至夜半不熱。自夜半子時後。則漸漸熱潮。以至黎明。或辰巳時。則熱漸下。至日中則不熱。逐日如此。循環不亡。此爲炭氣鬱遏。無力放散。必待日中陽最盛時。方能透發。熱度乃減。即古所謂陽爲陰蔽是也。劉潛江稱溽溽發汗而無傷津之害。作升發鬱陽。放散炭濁之用。特於上述熱型。尤爲必須之品。曾試有效。附記以供研究。合花粉更能清熱止渴。入乳養陰退熱。準上王治。用之可也。

「增訂主治」治由夜半子時後漸漸熱潮。至巳時漸退。日中則不熱。逐日如是循環不已。口渴舌燥。有斷非普通清涼滋陰所能愈者。

◎治五勞七傷。骨蒸勞熱。久而不痊。三服神效。

柴胡 前胡 烏梅 胡黃連各等分 每服八錢。童便二盅。猪胆一

個。猪脊一條。韭菜白搗爛取汁鐘半。同煎去渣服。

「審查意見」骨蒸勞熱。主由結核菌之毒素。治宜首宜殺菌以祛毒素。次宜養陰。以償虧損。胡連烏梅。酸而苦寒。以滅菌退熱。柴胡前胡。調肝肺之滯。散毒邪之結。豬胆豬脊之養陰清熱。童便之鹹寒降火。既具滅菌之性。復有退熱之力。服之當然有效。惟二胡用量宜較少爲是。

◎仙傳草還丹 治虛弱勞心之人。能添精補髓。消痰化痰。當服神清氣爽。瘟疫不侵。視聽倍常。步履輕健。鬚髮加添。返老還童。益壽延年。此方乃翊聖眞君降援雷操宮張眞人傳教。

烏梅肉四兩

薄荷葉二兩
研末

白糖八錢

片腦二兩

四味先將烏梅搗爛。後加荷葉冰片合爲丸。含之。

「審查意見」此方功用。在辛涼解表。酸甘生津。遇輕淺之冒風。可以宣散。熱邪之口渴。可以潤燥。夏令行路。備用口含。可免燥渴之苦。原註服法爲

全身病 消渴

二八〇

含。實爲正法所云主治。皆屬浮妄。切勿迷信。反致僨事。

「訂正主治」治輕微之冒風。鼻流清嚏。微咳微熱。以及口燥無津。含噙可潤口舌。

消渴

消渴一証。西人名爲糖尿病。二者僉以外候定名。中醫名爲消渴者。以其口渴善飲也。西人稱曰糖尿者。因其溺中含糖也。聖濟總錄論消渴。謂渴而飲水多。小便中有脂。似麩而甘。是尿甜之說。古人早知。足証古醫學之精粹。本病之實質的原因。因腺臟萎縮。內分泌停止所致。蓋腺有兩種分泌。一曰消化液。輸入十二指腸。爲消化食物之要素。一曰內分泌。功能減少血中糖分。若腺臟有病。致內分泌減少。則血中糖分。必逾常量。其勢不得不由腎臟濾出。此尿液所以味甜也。尿量既增。糖質益稠。乃取諸外界之水。以稀釋之。此

審 查 徵 集 驗 方

患者之所以苦渴而善飲也。其所以致此臟病者。古人謂肺胃腎之熱。又有腎陽不充。膀胱不能提攝。尿量特多。水分消失。使無漏卮。則病自愈。再究其治法。概以清熱救焚。滋液潤燥爲主。其腎陽不充者。必有腸鳴足冷。脉細之症狀。宜用八味丸。或改湯劑內服。又治本病。用臟器療法。甚爲適應。古方有用猪胰子者。或單服。或配入藥劑。均可。本門共列三方。皆可治渴飲之証。但各不相侔。須細辨之。

◎黃連地黃湯 凡消渴之証。多屬血虛。不生津液。故日宜服此方神効。

黃連 生地 天花粉 當歸 五味子 人參 甘草 白茯苓

乾葛 麥門冬去心各錢 薑三片 棗三枚 竹葉十片 水三盅 煎溫服。

如上焦渴者。加山梔 桔梗。中焦渴者。加黃芩。頭眩渴不止者。加石膏。下焦渴者。加黃柏 知母。若欲作丸。加薄荷 蜜丸 彈子大。每一丸。嚙化咽下。

全身病 消渴

一六二

「審查意見」本方用生脉散。加當歸生地。補血活血。黃連花粉。清熱止渴。苓
甘和胃。乾葛升津。此為滋補清火法。治虛弱而消渴者有效。但所分三
焦藥品。皆苦寒折火之性。可用於暫而不可常。恐敗胃也。

「訂正主治」病後貪飲多食。肌膚不因飲食而盛。日漸尪羸。脉搏細數。唇白
少華澤。

◎治消胸中煩熱 滑石三兩 研末。水二盃。煎去渣。下粳米二

合。煮熟食之。立効。

「審查意見」胸中煩熱而消渴。原因非一。今據藥理所治。為夏令虛人中暑
之方。滑石有清暑熱滌鬱痰之効用。粳米和胃生津。服此暑去而熱自
止。渴自己。若朦朧施於火盛水虧者。滑石利便。必反增劑。

◎竹龍散

耑治諸病作渴。飲水不止。五靈脂研

生黑豆去皮各等分

爲末。每服二錢。不拘時。冬瓜皮煎湯調下。如無瓜皮。瓜子仁均可。

「審查意見」渴爲諸熱病中之附証。不得混言消渴。惟無他病而現多食不充肌。多飲不解渴者。方爲消渴。本方用黑大豆滋腎解毒。冬瓜清涼止渴。五靈脂消瘀去滯。治熱灼血凝。脈搏弦強硬大者。並可酌加桃仁紅花等之通血藥。臨時制宜爲要。

自汗盜汗

古謂自汗屬陽虛。盜汗屬陰虛。總爲身體虛弱之証。每附見於諸虛勞病中。但傷寒陽明症之自汗。溫熱症三陽合病。目合則汗等候。切勿誤認爲虛。逕投滋補。本門所列方劑。須與症候詳細校勘。庶無誤用之弊。

◎治自汗 何首烏研末。用唾津調貼臍滿。則汗止。

◎又方 舊蒲蓆燒灰。黃泥調服三錢愈。

「審查意見」自汗之屬於陽虛者。必有惡寒喜熱之証。且每多爲諸虛病中之一症。治宜顧其全體症狀。使全體轉弱爲強。則汗自止。毋經經於止汗之爲得也。上列二方。揣其方意。皆取收澁以止汗。然首烏溫澁。配於滋陰益陽劑中。內服可以止汗。若用唾津調貼臍中。而曰臍滿則汗止。恐難有效。第二方用舊蒲蓆燒灰。黃酒調服。其方意未能明瞭。始付存疑。再爲研究。

◎當歸六黃湯 治盜汗

當歸 黃芪各錢 生熟地 黃連 黃柏 黃芩各七分 水二盅 煎一盅 溫服。

「審查意見」盜汗者。寐而汗出也。多因陰虛火擾。蒸發而出。當歸六黃。取二地歸芪之補血。三黃之清熱。俾液不虧。則熱可減。內無熱邪之蒸發。肌

腠免受薰炙。汗腺乃固。相傳用爲盜汗主方。尙屬有效。

「增訂主治」治陰虛盜汗。其陰虛之特徵。身常發熱。夜間尤甚。口燥渴。脉細數有力。

◎治氣血兩虛盜汗 當歸 生熟地 白芍 白朮 茯苓

黃芩各錢 人參五錢 黃柏 知母 陳皮各八分

甘草三分 浮小麥二錢 水二盅。棗二枚。煎八分。溫服。

「審查意見」汗之屬於氣血兩虛者。自汗盜汗。多兩兼之。並有怔忡不眠煩躁等症。本方用八珍雙補氣血。又加黃柏知母滋陰清熱。陳皮甘草和胃調中。爲氣血兩虛之通劑。

「增訂主治」氣血兩虛。自汗盜汗。發熱不去衣被。心悸少眠。頭眩短氣。四肢無力。以及種種虛羸之象。

全身病

自汗盜汗

一八六

◎治自汗盜汗 五倍子末以唾調填滿臍中。以帛紮定。一宿即止。又白芷亦可。

「審查意見」五倍子含多量之酸性成分。故其功專在收澁。或作湯內服。或爲粉外撲。皆可期止汗之効。至以唾津調填臍中。此門數見不鮮。其理存疑待考。又白芷性溫氣香。善透風邪。調敷臍上。或以治傷於衛之自汗。俾風邪透而汗自止。方能有效。若專用此方。爲治自汗盜汗之通劑。恐難有效。暫作存疑。

◎三仙酒 黃芪蜜炙 白芍酒炒各五錢 桂枝三錢水煎服。

「審查意見」按黃芪能增長皮下脂。卽以堅固汗腺之衰弱。桂枝白芍可調和營衛。所以調節血液之循環。衛陽不與營陰和諧之自汗。此則營衛和而汗自止。但方名三仙酒。而未用酒。雖屬簡脫。實則酒能擴張

血管於汗症殊覺不合。方名用酒字亦欠妥也。

「增訂主治」治營衛不和之單純性自汗。微寒微熱。略呈虛象者。

◎椒目散 治盜汗日久不收。

花椒目 麻黃根爲末各等分 每服一錢。無灰酒調。食後服。

「審查意見」此治下焦虛冷。膀胱蓄水。腎臟不能充分排泄。以致皮膚起代償性之汗症也。麻黃根止汗。載之古籍。人所共知。椒目性熱。善能祛寒利水。一治其本。一兼顧標。方簡意純。對症施之有效。

「增訂主治」治腎臟失職。皮膚起代償性之汗症。溺洩不利。下焦蓄水。腹中漉漉者。

◎治夜多盜汗。四肢作痛。飲食少進。面黃肌瘦。

白朮一斤 浮小麥四兩 水二斤 共煮水乾。去浮麥不用。將白

全身病 自汗盜汗

一八八

朮焙乾爲末。每服二錢。另煎浮麥湯調下。

「審查意見」白朮止汗。載之本經。其所以然之理有二。一因白朮爲強壯藥。能促進腸胃之消化吸收。增進組織之營養。一因白朮爲利水藥。能促進腎臟排泄之機能。使水分從腎臟濾出。故可治肌腠虛鬆汗腺不固之汗症。與腎臟排泄機能障礙。致皮膚起代償性之汗症。浮麥清心養營。潛斂浮火。用治汗症。每建奇功。二味共煮。氣味相投。另以浮麥煎湯調服。所以求其力之全。方藥雖簡。意頗深切。用之當然有效。此方自汗盜汗皆宜。非僅盜汗也。惟內熱重者。宜加清熱藥。方安。

◎又方 五倍子用人乳調蒸熟。丸如龍眼大。每用一丸。人臍。核桃壳蓋之。以帛圍定。一宿卽止。

「審查意見」五倍收斂。人乳滋補。作丸內服。於理尙通。填入臍內。恐效力較

減。

◎又方 用枯礬三錢爲末。唾津調塞臍內。以膏封之卽止。

「審查意見」汗症在雜症中爲身體衰弱之特証。但自汗除由陽氣驟脫。淋漓不止之危症外。其餘自汗。必有引動原故。汗始流出。例如稍微動作。或於飲食時。略感溫熱。卽行汗流。與平人迥異。其理如此。絕非無故而汗頻出。是以治汗症。當以全體病症爲主。斷難以數味止澁藥。調填臍中。卽可解決。在陽脫危症時。須用牡蠣撲粉止汗。內服大劑獨參湯以救急。殊非此方所能治。枯礬收澁。固矣。爲粉撲之。理尙可通。唾調填臍。未必有效。

◎治盜汗 母雞一隻。不用鐵器。以磁碗片殺之。取淨內物。入浮小麥灌滿。三柱香爲度。不用鹽連湯食完卽効。

全身病 自汗盜汗

一九〇

「審查意見」鷄肉溫補。浮麥斂汗。二味皆習見食品。有無效果。頗難確定。惟於腸胃健壯。消化無障礙者。不妨一試。母鷄無須忌鐵。

◎白龍湯 治男子遺精。女人夢交。自汗等症。

桂枝

白芍酒炒

龍骨煨

牡蠣煨

炙草二錢

水二盅。

棗二枚。煎八分溫服。

「審查意見」此古方之桂枝去牛薑加龍骨牡蠣湯也。桂枝龍骨牡蠣湯。在金匱列入虛勞篇。治男子失精。女子夢交等症。但必曰陰頭寒。脉得諸芤動微緊。蓋因此二証候。方知內體之虛寒。故用此溫澁之劑。若概用不辨。殊失其旨。本方治失精夢交。可以上述為準。至治自汗。白芍宜改牛用。桂枝之取舍。臨時尚須斟酌。因桂枝辛溫。原能解肌發汗。蓋有擴張血管之力也。龍骨牡蠣。以浮火上升。頭眩耳鳴者。宜生用。反之。專取

止澁。則煨用之可也。

臑脹

臑脹者。肚腹脹大。其形如鼓也。世稱風勞臑膈爲四大症。蓋其成於漸。發於微。一旦病象顯著。則已難爲力矣。攷其原因。有氣。血。水。虫。食積之不同。腸胃失職。循環障礙。氣血橫溢。不能直達。此臑之所來也。治法以原因療法爲主。佐以理標之法。如放水。破血。攻利。皆宜酌量採用。蠱係一種惡毒。較臑爲甚。中毒之後。症各不同。千金方曰。蠱毒千品。理裡不同。或下鮮血。或臥暗室。不欲光明。或心性反常。乍嗔乍喜。或四肢沉重。百節痠痛。又曰。凡中蠱毒。令人心腹絞痛。如有物咬。或吐下血。皆如爛肉。若不治。蝕人五臟則死。此爲蠱毒之症候。查是門臑蠱不分。實屬混淆。故特辨正於此。

全身病 賊服

一九二

◎七轉丹 專治水蠱膨脹。五隔噎食。心腹滿脹。五積聚等症。

廣木香

枳 榔

大 黃

使君子

錫 灰

白豆蔻

雷

丸各等分水二盅。連鬚葱五根。煎八分。春夏秋天露一

宿。次日五更重湯煑熟溫服。蠱症下水甚物頭積。就用此物作引子。

詞句不清

「審查意見」水鼓卽腹水也。本方彙集行氣逐水化積通滯諸品。於初起實證者可用。

◎治水蠱氣蠱。忌鹽醬。一服立消。

活魚一條。重七八兩。去鱗。將甲肚剖開。去腸淨。入好黑礬五分。松蘿茶三錢。男子用蒜八瓣。女子用蒜七瓣。共入魚腹。放在磁器中蒸熟。令病人吃魚。連茶蒜皆吃更妙。

此藥從頭吃。就從頭上消起。從尾吃。就從脚下消起。立効之仙方也。

「審查意見」千金鯉魚湯。治妊娠子腫。良以鯉魚具逐水之能。黑礬蕩滌汚濁。蒜可化滯殺菌。以理推之。當收佳果。至從頭吃頭先消等語。恐未必爾。又未註明何種魚。當用鯉魚爲是。

◎治蟲脹 雄豬肚子一個。洗潔淨。用大蝦蟆三個。裝入肚子內。東酒三斤。對水半斤。煮爛。再洗淨。多用紫皮蒜同肚子食之。須忌鹽醬百日。

「審查意見」此治虫臑之方也。蝦蟆大蒜。解毒殺虫。豬肚補胃。東酒溫通。然必確係是虫。始無誤用蝦蟆之害。

◎專治水臑腫。丹方奇術。不必服藥。自然去也。

輕粉二錢 巴豆四錢去油 生硫磺一錢

右研成餅。先以新棉一片鋪臍上。次以藥餅當臍按之。外用帛縛。如人

行五六里。自瀉下。候三五度。除去藥餅。以溫粥補之。久患者。隔日方取去藥餅。一餅可救念人。其効如神。愈後忌飲涼水。

「審查意見」輕粉即體質疏鬆之甘汞。其功用亦與甘汞相同。本方取其瀉下之力。巴豆尤爲熱下之猛藥。生硫黃純陽大熱。能解寒凝之結。縛於臍中。俾藥力由臍眼竄透腹內。而臻瀉下之功。然必膨脹而滿。按之堅硬。便溺不通。脉沉而強者。用之方妥。

◎治氣脹 大蝦一螯個。破開用砂仁填滿。黃泥封固。炭火煨紅。取出候冷。研末。陳皮煎湯調服。放屁即愈。

「審查意見」葉氏寬膨散。即將蝦蟆破開。砂仁五靈脂各半。填入腹內。蝦研。此不用五靈脂。當治中空如鼓。純爲氣脹者。服後氣由屁泄。脹必可減。

◎千金方 治心腹脹滿氣短。

草豆蔻一兩 研細末。以木瓜生薑煎湯下。每服五分。

「審查意見」草蔻辛溫氣香。善能却寒疏氣。治恣啖生冷。寒傷脾胃。肚腹脹滿。溏清不渴者有效。

◎治水腫水脹 黑牽牛頭末 檳榔各等分二味研細末。每服三錢。空心

黃酒送下。

取蠱用沙糖水下。利三五次。効。當忌葷腥鹽醬百日。

「審查意見」牽牛逐水。檳榔下滯。壯實之新病。不妨一用。至用沙糖水取蠱。乃屬蠱毒。與水腫不同。（蠱毒症東醫寶鑑最詳）

◎治水腫無論年深日久。雖肚有青筋亦治之。

大戟 當歸 陳皮各一兩

水二碗。煎七分溫服。利下水多者更好。如病重者再服。切忌鹽醬。

全身病 臃脹

一九六

「審查意見」按鼓脹而至肚有青筋。爲腹靜脈鬱血之太甚。病勢將達極端。頗難爲力。本方於活血調氣中。加大戟以逐水。法固可取。用量則嫌過重。隨症制宜可也。

◎治諸蠱脹

用獨頭蒜。一歲一個。去皮。入真窩兒白酒六七分。對水白酒三二成。量酒蓋過蒜爲度。蒸熟。如夏月露一宿。又溫熱用。冬月乘熱連酒服完。從大便出虛氣。卽下穢物。其腫自消。一服除根。不忌鹽醬。眞仙方也。

「審者意見」大蒜含有揮發性之含硫油。及大蒜油。其性辛熱。若用以治寒性粘液質人之虛冷症。有利尿發汗之功。治黏液水腫。可逐停水。泄留飲。與酒混合。更能促進速其作用。然誤用於熱證。則害立見。

「增訂主治」治寒性水鼓。脉遲苔白。小便不利。色青肢厥。食慾缺乏者。

◎治蠱症

苦丁香（卽甜瓜蒂）爲末。棗肉爲丸。如桐子大。每服三十丸。空心棗湯送下。

「審查意見」此治蠱毒及鼓脹之宜於涌吐者。凡胸脘滿悶。痰滯氣逆者。可用以涌吐。但與棗肉和丸。則其力緩。如遇可吐之証候。以用湯或散爲佳。

◎治鼓脹虛損將危之証（應改爲氣虛作喘危急之候）

人參 蛤粉等分 爲細末。黃蜡爲丸。如桐子大。每服三錢。或二錢。

滾水下。

「審查意見」鼓脹而至虛損危急。上爲喘逆。下爲泄瀉。下竭上絕。斷無再生之理。本方用人參補氣。蛤粉斂陰。法雖近理。効驗實難也。

全身病 鼓脹

一九八

◎治下虛脹。手足厥冷。或脹苦寒之劑過多。未食先嘔。不思飲食。

山藥不拘多少。半炒半生。研爲細末。米飲調服二錢。一日兩次。大有功效。切忌鐵器生冷。（宜加消導止嘔之品）

「審查意見」心下虛脹。是胃擴張症。有高突之膨脹。無拒按之痛苦。惟覺痞而不通。乃虛痞。非臌脹也。山藥甘平。善能培補。若痛而拒按。宜消食下氣。慎勿誤用。

◎崑治蠱 屢驗救活人多矣

西瓜一個。切去頂。如滿瓢挖去蠱三成。入蒜瓣以滿爲度。將原頂蓋之。放在新砂鍋內。又著新鍋合上。用火蒸熟。瓜蒜湯盡食之。三日之內。盡消。不必忌鹽。

「審查意見」西瓜清涼。能利因熱而秘之小便。治水鼓之熱結便澀者有效。

◎治水鼓

乾絲瓜一個。去皮煎碎。入巴豆十四粒同炒。以巴豆黃色爲度。用絲瓜炒陳倉米。如絲瓜成米黃色。去絲瓜研米爲末。和清水爲丸。桐子大。每服百丸。滾水下。

「審查意見」絲瓜之用。普通作行經活絡藥。蓋取其筋膜貫串。如人體之經脈也。合巴豆炒。去巴豆不用。是欲微利。不欲峻下也。又炒陳倉米。和胃調中。遞相介達。巴豆雖猛。亦不爲害。所謂寓瀉於補之中。足值一試。

◎治氣鼓方

蘿蔔子搗研。以水濾汁。浸縮砂一兩。一夜。炒乾。又浸又晒。凡七次。爲末。每用米湯調服一錢。神効。

「審查意見」蘿蔔子縮砂仁。皆爲消食疎氣之妙藥。凡脹滿胸悶。噯氣不舒。

全身病 鼓脹

二〇〇

屬於氣機之拂逆者。本方在所必需。

◎治蠱

端午日取蝦蟆一個。用硃砂七錢。入于腹內。懸至次日。以黃泥包之。火煨存性。每早服五丸。白水下。

「審查意見」蝦蟆須用癩蝦蟆。其特効為解毒殺虫。硃砂更能殺虫安神。凡中蠱毒而至恍惚不寧。或神昏不悟者。可服此藥。

◎治五蠱神方

萊菔子

四兩用巴豆十粒同炒

牙 皂

一兩五錢煨去弦

沉

香五錢

枳 壳

四兩火酒煮切片

大 黃

四兩酒焙

琥

珀一兩

共為細末。每服一錢。隨病輕重加減。鷄鳴時熱酒送下。薑皮湯亦可。後服金匱腎氣丸調理收功。

「審查意見」五蠱者蛇。蜥蜴。蝦蟆。蜈蚣。金蠶是也。治法。不外殺虫解毒。消積化滯。此方宜施於中毒後。心腹絞痛。肚腹脹滿之際。愈後如有短氣乏力等症。以金匱腎氣丸。調理善後可也。

◎金匱腎氣丸 治水腫。服行氣藥不效。病反增劇。及四肢逆冷。脾胃虛也。急服此藥。能治脾胃虛。腰重脚腫。小便不利。肚腹滿脹。四肢面目浮喘急。

白茯苓二兩 牛膝 肉桂 澤瀉 車前子 山萸肉 丹皮各一兩

熟附子五錢 山藥一兩 炒 熟地四兩 酒 泡 搗 膏

共爲細末。用地黃膏蜜丸。桐子大。每服二三錢。

「審查意見」此治腎臟性水腫之方也。其腫先從頭上起。初則眼窠下如臥蠶。繼則通身腫脹。小便不利。腰痠脚弱。脉微無力。若浮火上升。口舌生

瘡等症。本方功能補陰攝陽。可期良効。但非攻利無効者。不可驟用。

◎草靈丹 治膨脹

四五月黃牛糞陰乾。微炒黃香爲末。每服一兩。煎半時。清水服之。不過三服即愈。

◎治水腫腫在腹上者。曰膨脹。腫在四肢頭目曰水腫。分別治之。

皂礬末八錢

紅棗半斤
去皮核

搗爛小麥一斤
炒

水漬和藥丸豆大。每服三錢。薑皮湯下。（每服三錢嫌其太多。宜減至一錢爲是。）

「審查意見」黃牛糞在鄉間。不難修合。可取試用。因其無足輕重。故不多論。此方皂礬溫燥水分。升清降濁。兼有棗麥之補益。服後大便色黑。爲藥力行到之証。二方皆簡便易修。可備民間自療之用。

◎ 蠱症奇方

用烏魚二斤一尾者。去腸淨。入皂礬二兩。外用粗紙打濕包好。粗糠火內煨。午時起。至子時止。取出紙灰骨。只用淨魚皂礬研末。收貯。每服三錢。老米湯下。此藥行而不泄。

「審查意見」烏魚。疑卽黑魚。屬有尾兩棲類中之鱗鰻族。長約五六寸。體作紅褐色。頭圓。自頭至尾。有黃色或紅色之條紋。因之成褐色之斑。腹部肥大。灰褐色。有白斑。四肢短縮。有黑色似鈎之爪。多產於山間溪流。水質清白。日光不到之處。功能消積化滯。此方合皂礬。下方合皮硝。皆取通泄之用。存之備試。

◎ 治單腹脹

黑魚一尾。從尾上抽去腸。用皮硝裝入魚腹內。炭火煨乾。爲末。每日用

全身病 鼓脹 痼冷

二〇四

滾水調服二三錢。

痼冷

沉寒痼冷。為久寒固結之冷。每致腸胃發生變化。故凡腹滿而痛。結聚癥瘕。飲食少進。面色青黃。大都屬寒凝牢結。治宜溫通疎導。經云。血氣者。喜溫而惡寒。寒則泣不能流。溫則消而去之。此治痼冷之法也。查本門所列之方。未嘗非是。但主治症候。則係中寒。須與痼冷辨別。

◎附子理中湯 陰寒身戰而重。語言聲輕。氣短目昏。口鼻氣冷。水漿不下。

淡附子 麵包煨 去皮臍 人參 白朮 乾薑 肉桂 陳皮 茯苓各等分

甘草炙減半

水二盅。生薑一片。棗二枚。煎服。

「審查意見」此桂附理中湯。加陳皮茯苓也。治腸胃中寒。中氣暴脫之吐瀉。

如嘔吐而利。手足厥冷。脉微欲絕。冷汗外出。故用桂附乾薑之大熱。以興奮回陽。參朮甘之補益。以堅固中氣。陳苓和胃止嘔。所以調其氣機。但此症此方。絕非家庭自療所宜漫試。須請醫師診斷。方不致誤。

◎葱灸法 葱一斤。用麻繩在中間縛住。三指長一節。用刀切去兩頭。放在臍上。上用熨斗熨之。冷汗出即愈。

「審查意見」此喻氏治猝中陰寒之外治法也。不詳主治。實屬欠妥。茲增訂之。以備救急取用。待厥回脉復。色紅氣熱。仍須請醫師調理為佳。

「訂正主治」猝中陰寒。四肢厥逆。嘔吐下利。色青氣冷。脉微欲絕。無汗者。◎治陰寒。身重。口禁。氣短。目睜。口鼻氣冷。腹痛面青者。

鴿子糞一茶盅。研末。滾黃酒一觔。沖入。待澄清。去渣。遂將酒飲之。汗出即愈。

「審查意見」按猝中陰寒。必有下嘔吐利。始爲特徵。若無吐利。僅憑肢逆無汗。不足爲陽脫陰盛之的候。須與傷寒溫痧之閉症鑒別。鵝粉性溫。原能祛寒導濁。黃酒溫熱。可活血液。強心臟。但誤施於溫痧。則欲益反損。茲據所註証候。宜延醫師診斷。不可輕用爲安。

◎治陰寒時疫瘟症出汗用

一錢白礬八分丹 二分胡椒細細研 火硝一分共四味 嚴醋調
合手中攤 男左女右按陰戶 一身冷汗透衣衫 此方用者知神
効 無義之人不可傳

「審查意見」凡由一切時邪之感冒。衛陽鬱遏。而現惡寒無汗。有待於疏肌腠。使汗液排泄者。其法甚多。如辛溫發汗。辛涼發汗。滋陰發汗。助陽發汗等法。然此爲醫者之事。在家庭自行治療。以葱豉湯最爲平穩。此訣

自神其說。近於誣言。在今日改進醫學時期。此類當盡爲剷除也。

◎增訂外感出汗方 「方名」 葱豉湯 葱白三錢 豆豉五錢

「主治」感冒時邪。惡寒無汗。頭痛身痛。鼻流清涕。脉緊嘔逆等症。

神經系病 眩暈

眩暈多附見於他病。間有單純性者。頭昏目眩。天搖地轉。張目站立。大有傾倒之勢。其外因。有風寒暑熱。內因。有蓄痰停飲。証及神經衰弱。証。診之屬於風寒者。疎散之。暑熱者。清蕩之。停痰蓄飲。則化痰飲。神經衰弱。則重補益。其有多年不愈者。尤宜攻補兼施。靜養腦力。整調二便。食戒肥膩。則庶乎近之。

◎清暈化痰湯 治頭目眩暈。

南 星 薑製 六分 薑 半 夏 錢 五 分 茯 苓 錢 五 分 甘 草 三 分
枳 實 六 分 白 芷 七 分 防 風 六 分 細 辛 六 分

神經系病 眩暈

二〇八

黃 芩 川 芎各八分 橘 紅錢半 羌 活七分

水二盅。薑三片。煎八分。溫服。以此作丸亦可。如氣虛。加人參白朮各七分。血虛。加川芎當歸各八分。有熱。加黃連六分。

「審查意見」此治痰飲內伏。風邪外襲之眩暈也。二陳星枳以祛痰。芷防辛羌以散風。黃芩清內熱。川芎補腦血。辨明原因。施之必取良効。

「增訂主治」治眩暈之屬於痰飲風邪者。外有寒熱噴嚏之象。內有痰嗽脛滿之據。以及肥盛之體格。飲酒之素因。

◎芎藭丸 治風頭眩。眼目昏痛。眩暈倦怠。心悸。

芎藭 前胡 人參 炒白殭蠶各一兩 防風 天麻酒浸焙

蔓荊子各五錢 爲細末。每服五錢。食後酒調溫下。

「審查意見」此治神經衰弱。頭部貧血之眩暈也。人參川芎。補腦血。壯神經。

前胡防風。疎風邪。化濕濁。所以治其本也。天麻僵蠶蔓荊。雖曰風藥。實爲藉其上達之力。以助參芎之用。同時和緩神經。調達腦血。而眩暈自止。此爲久患眩暈之主方。（如邪少虛多之証。風藥尙嫌其太多。宜減去防風僵蠶。加當歸白芍熟地陳皮法夏磁石等較妥。）

◎菊花散 治一切頭目昏眩。面浮腫。

菊花 羌活 獨活 牛蒡子各一錢 炙草五分 旋覆花一錢
水二盅。煎服。加薑三片。

「審查意見」此爲治眩暈之屬於風寒氣逆者。羌活獨活之溫散。菊花牛蒡子之清宣。覆花降逆。炙草和中。凡由風火之眩暈。顏面浮腫。微寒微咳者。用之有效。（方中嫌少活血行血之品。）

健忘

此症大抵因過勞神思而起。腦神經衰弱。則記憶減少。悟力遲鈍。不能勞精。聾神。其頭之前後。時發暈痛。心志常沉於悒鬱狀態。亦有語無倫次。而現發揚狀態者。治宜使患者絕對安靜。毋思索。毋過勞。內服補血強壯藥。俾腦受血液之養。則神經強健。而病自愈矣。

◎歸脾湯 治脾經失血。少寐。發熱盜汗。或思慮傷脾。不能攝血。或健忘怔忡。驚悸不寐。或心脾傷痛。嗜臥少食。或憂思傷脾。血虛發熱。或肢體作痛。大便不爽。或經候不準。晡熱內熱。或瘰癧流注。不能消散潰歟。

人 參 白 茯苓 白 朮 黃 芪 當 歸 遠 志 酸 棗 仁

龍 眼 肉 各 一 錢 木 香 炙 草 各 五 分 牛 薑 三 片 棗 三 枚 本 方 加

柴 胡 山 梔 名 加 味 歸 脾 湯。

「審查意見」近來巴克露德。發見脾臟之一重要機能。即脾臟營張縮作用。

收縮時。將其內存之血液。輸於體循環。當身體需要血液時。收縮作用。即行開始。如無需要。則伸張其體。將多量之血液。尤其是紅血素。貯於脾內。然則古之所謂脾統血者。証之近理。信無疑義。歸脾湯。古籍謂治思慮傷脾。脾不攝血。以致血液妄行。或健忘怔忡。驚悸盜汗。發熱倦怠。嗜臥少食等症。茲就健忘而論。健忘。腦神經衰弱也。然腦神經之所司職。亦不能脫離血液之營養。觀巴氏之說。反究古醫學說。足徵脾臟腦髓及血液。互有特別之關係。學者根據主治症狀。參合形色脉象。確爲虛証。投之定獲佳果。

◎狀元丸 耑補心生血。寧神定志。清火化痰。并健忘怔忡不寐等。

人參

栢子仁 去油
各二錢

當歸酒洗

酸棗仁

麥冬

龍眼肉

酒生地

遠志

玄參

硃砂

神經系病 健忘

石菖蒲去毛各二錢

茯 神三錢

爲細末。獐猪心血爲丸。棗豆大。金箔爲衣。每服二三十丸。米飲下。

「審查意見」健忘驚悸之証。除急性病中火邪薰蒸。痰涎梗阻之原因外。餘皆因過勞神思所致。腦神經衰弱。基於心血之不足。故治此症。須養心血。以助腦髓。降浮火。以鎮神經。狀元丸。補心丹。其適應証皆如此。人參。栢仁爲強壯劑。硃砂。金箔。爲鎮靜劑。地冬。歸神之養血。酸棗。龍眼之安神。凡心血不足。神經衰弱之驚悸怔忡。健忘失眠。皆可以此爲治。又方下所註。爲本方之功用。非本方之主治。

「增訂主治」治過勞神思。以致心血不足。頭目暈眩。驚悸不寐。健忘怔忡。脉搏虛弱。恍惚不安等症。

◎孔聖枕中散

龜板 生龍骨 製遠志 石菖蒲

各等分。爲細末。酒調服二錢。日三服。令人聰明。

「審查意見」健忘屬腦病。凡患此病者。多有頭目眩暈。耳鳴重聽等候。卽古醫所謂腎水不足。肝陽上亢是也。龜板。龍骨。有沉降性。能滋陰潛陽。卽以和緩神經之燔灸。遠志。菖蒲。可疎心腦靈機道路之梗塞。此本方治健忘之理也。但藥性和平。久服方効。

◎養血清火湯 治心煩神亂。煩躁不寧。

當歸 川芎各七錢 酒白芍 酒生地 酒黃連各一錢

製遠志一錢 片芩 梔子各八分 甘草三分 酸棗仁炒

麥門冬各一錢 辰砂五分 另研調服。

薑三片。水一盅。煎八分。溫服。

「審查意見」凡血虛有熱者。波及心臟。必有心煩不寧之見症。因心煩不寧。神機乃亂。故現種種心腦症狀。本方用四物湯以補血。所以治其本也。三黃甘草以清熱。所以理其煩也。棗仁麥冬。滋液歛津。遠志辰砂。安撫神經。此為治驚忘之屬於血虛有熱者。

◎溫膽湯 溫膽虛怯。觸事易驚。或夢寐不祥。遂主心驚胆懾。氣鬱生涎。涎與氣搏。變生諸証。或短氣心悸。或復自汗。

半 夏湯洗

枳 實

竹茹各一兩

炙 草四錢

橘

紅 一兩
五錢

白茯苓七錢

每服四錢。水二盅。薑七片。棗一枚。煎八分。食前熱服。

「審查意見」此治痰飲之驚悸也。凡身體肥胖。不甚運動之人。患心悸胆怯。無其他虛象者。多係此類。妙在一派化痰藥中。加枳實以泄之。俾痰飲

去而病自己。此方取舍。以上述形狀為準。

◎平鎮補心丹 治心血不足。時或怔忡。夜多黑夢。如墜崖谷。常服安心營

衛。

酸棗仁

炒 二錢五分

車前子

白茯苓

茯 神

麥門冬

五味子

肉 桂

去皮各一兩 二錢五分

熟地黃酒浸蒸 薑 汁

天門冬

遠 志

人 參

龍 齒

山藥各一兩

為細末。蜜丸。桐子大。硃砂五錢為衣。每三十丸。空心米湯或酒下。

「審查意見」此與前狀元丸大致相同。惟前方獨重滋陰。此方又兼培陽。故

加肉桂。以自汗出。微發熱。而不欲去衣被。身體虛弱。神志恍惚。乃陰陽

兩虛之症。本方始為適宜。

◎陳皮湯 治動氣在下部。不可發汗。發之反無汗。心中大煩。骨節疼痛。日

神經系病 健忘

二一六

眩。惡寒惡食。反嘔逆。

陳皮一兩五錢 炙草 竹茹各五錢 人參二錢五分

每服九錢。水一盞半。薑三片。棗一枚。煎七分。食前服。

「審查意見」按動氣卽腸蠕動不穩症。自覺跳躍不安。如有異物之旋動。原因於腸中蓄水留氣。相凝激轉。治宜利水調氣。使水由小便而出。使氣由矢氣而泄。若用發汗。是強致水氣排洩以逆路。傷及血液。諸症蜂起。本方以調氣和緩爲主。加人參以補其逆治之虧損。當以脉搏虛弱。面色皸白爲準。

◎淡竹葉湯 治心虛煩悶。頭痛氣短。內熱不解。心中悶亂。及婦人產後心虛驚悸。煩悶欲絕。

麥冬 小麥各二兩半 人參 白茯苓各一兩

炙草一兩半 夏湯洗七次

每服四錢。水二盅。薑七片。棗三枚。淡竹葉五分。煎七分。食前服。

「審查意見」心煩之症。急性者概係痧症。在雜症及慢性經久之心煩。多爲血分虛熱。卽凡心臟瓣膜障礙。而起之心室肥大等變象。皆可引起心煩。良以血分虛熱。乃根本之原因。故養血清熱。必收良効。冬麥清熱。苓夏和中。參甘補益。竹葉止煩。爲治慢性虛煩之良方。又按本方加白薇亦可。

◎濟生小草湯 治虛勞憂思過度。遺精白濁。虛煩不安。

遠志 黃芩 麥冬 當歸 石斛 人參 酸棗仁各一兩

甘草五錢 每服三錢。水一盞半。生薑五片。煎七分。不拘時服。

◎竹皮大丸 生竹茹 生石膏各五錢 桂枝 白薇各二錢五分

神經系病 健忘

二二八

甘草一兩七錢五分

栝實二錢五分

爲細末。棗泥和爲丸。彈子大。滾水

服一丸。日夜服三五丸。欲多更好。

「審查意見」上列二方。一爲治虛弱之心煩。一爲治實熱之心煩。虛弱實熱。以其形色脉証。不難判別。如病久虛羸。心煩失眠。面色晄白。舌質嫩紅。口乾咽燥。自覺忐忑不安。脉搏細數而弱。爲虛性虛煩。首方用參芪補虛。冬斛滋液。酸棗仁以斂心神。爲治虛煩失眠之大法。若面赤。心煩口渴引飲。心中灼熱。煩擾嘔逆。外現發揚症狀。揚手躑足。脉搏數實。宜用本方。因石膏白薇等。專清熱邪。使血壓低降。則心煩自止。方中桂枝。伍於諸清熱藥中。頗有意義。蓋心煩之實者。心臟房室。及其隣近之部。必有充血或鬱血現象。桂枝善通鬱血。在諸清熱藥中。並不爲害。與上方相較。虛實自可見也。

失眠

不寐之原因非一。有血熱燻擾者。有痰飲停聚者。有思慮過多而致神經衰弱者。有大驚大恐。神經因之不安者。要在辨明症候之原因。體質之虛實。而與以適應之方法而已。中醫之催眠劑。重在原因的療法。與西醫之專恃麻醉者不同。爰說明其大意於此。

◎安枕無憂散 治心胆虛怯。晝夜不眠。

廣陳皮

製半夏

白茯苓

炒枳實

嫩竹茹

大麥冬

生石膏

圓眼肉各錢半

人參五錢

生甘草一錢

水二盅。煎八分。溫服。

「審查意見」失眠症。與驚悸。怔忡。眩暈。健忘。每多相偕而發。其病理。診斷。治法。處方。概爲一系。此與前清暈化痰湯。溫胆湯同意。人參龍眼。以脉虛

神經系病

失眠 癲狂

二二〇

體虛爲斷。否則必須加減方安。又人參分量以一錢爲足。

◎又方

酸棗仁炒熟

白茯苓

共研末。每服三錢。蜜水調下。

◎又方

酸棗仁五錢

炒熟研末。用東酒三合浸。用糯米三合煮粥。臨熟

下棗仁。再煮三五沸。空心食之。

「審查意見」右列二方。皆用酸棗仁爲主。上方伍茯苓。不如易茯苓。此方用酒浸。不若童便浸。何則。棗仁之治失眠。爲虛煩腦弱。勞思神亂之失眠。其有火熱熏蒸。及痰飲爲祟者。不宜。因其所主治之原因不同。故配合亦當有別。酒性興奮。反致難於安眠。童便鹹寒。沉降潛熱。是宜以此易彼。

癲狂

癲狂。卽精神病也。原因於情志之不遂。遭遇之感觸。使大腦皮質之精神界。

發生反常之病証。癲之形狀。發揚則歌笑暢叙。沈靜則如醉如癡。時而譏古評今。毫無倫次。有時卒仆無知。口吐白沫。而無痙攣之象。俗以文瘋名之。狂之形狀。靜則默然如癡。發揚則怒髮衝冠。罵詈不避觀疎。癲狂篇曰。狂始生。先自悲也。喜忘苦怒善恐。蓋斯時已伏狂病之兆。迨大病告成。則陡變成爲凶獸之態。終歸自殺。其狀極爲慘忍。俗謂武瘋。治法當以矯正七情爲主。藥餌難期必効。俗云。心病還須心藥醫。誠爲不易之言。癲狂多痰。以涵法或導法去之。其精神血氣。常浮逆上激。以鎮墜安撫之。此不過就其實質上之病變。使之暫開耳。若不能矯其情之偏。俾彼精神愉快。則斷難根本治愈。近代俗尙繁華。人心之慾望愈奢。謀慮費腦之事。愈甚。挫折怏鬱。在所難免。罹斯病者。將日見增多。甚望吾人慾望稍平。毋競競苟得。毋戚戚其境。使心常保泰然。庶可奉爲精神失常証候。根本治療之方法也。

神經系病 癲狂

三三三

◎五邪湯 治中風神思昏憤。五邪所侵。或笑或哭。或喜或怒。發作無時。

口防風 上桂心 白芍藥 製遠志 川獨活 炒白朮

西秦艸 禹餘糧(醋淬) 人參 生石膏 煨牡蠣

炙甘草各二兩 飛雄黃 木防己 雲茯神 石菖蒲

蛇 蛻各一兩炒

每服四錢。水二盅。煎一盅。去渣。溫服。不拘時。日進二服。

「審查意見」中風神思昏憤。殆即溫病神昏譫語之類。其成因係熱邪熏腦。燔炙神經之故。治宜清熱安神。使腦不受熏灼。則神自復。此方疎風清熱補氣。鹹斂。幾無一不備。其重要之清熱。反為最少。誠屬不切。(此方可治感風頭痛怯寒神困等証。但與癲狂証。仍然不合。)

◎瀉心湯 治心積熱。譫語發狂。跳牆上屋。

大黃 黃連 黃芩各錢三分 水一盅半煎七分服。

「審查意見」此治溫病實熱之類狂。故用清熱通便之法。（古稱釜底抽薪）而非能治漸來之眞性狂証。方以三黃苦寒瀉熱。俾熱不熏灼。血壓底降。則譫語發狂自止。

◎天冬膏 治風癲。

天門冬一斤
水泡透

生地三斤
水泡透

二味在木臼內搗一二千下。取其

汁。再入溫湯更搗。又取其汁。不論幾次。直待二味無味爲止。以文武火熬成膏子。盛磁器內。每服一匙。溫酒下。不拘時。日三服。

「審查意見」風癲是陰虛火旺。熱極生風。自宜冬地滋陰。陰液充足。神經得養。自可逐漸平靜。但以夾有痰涎不清者。二味滯膩。殊屬欠妥。宜加萸皮浙貝竹瀝之類。

神經系病 癲狂

一三四

◎洗心湯 風壅痰盛。心經積熱。口苦唇燥。眼澁多淚。大便秘結。小便赤澁。

白 朮一兩五錢 連節麻黃 當歸 芥穗 芍藥 甘草

大 蓄 麵裹煨熟去麵
焙乾各六兩

每服三錢。水一盞半。生薑三片。薄荷葉七片。煎七分溫服。或為末。清茶調亦可。

「審查意見」此方散風。通便。活血。於癲狂証。毫無干涉。不應列入此門。

◎當歸承氣湯 逐痰之劑。

當 歸 大 黃各五錢 甘 草二錢半 芒 硝三錢半

水二盅。棗五枝。薑三片。煎一盅。通口服。

「審查意見」方係古法。調胃承氣加當歸。有通大便潤腸清熱效用。但非逐痰之劑。治癲狂亦不切。

癩症

癩爲一種發作性卒仆之癱攣症。巢氏云。癩者。小兒病也。十歲以上爲癩。十歲以下爲癩。然內經奇病論云。人有生而爲癩者。得之在母腹時。母有所大驚。氣上而不下。精氣并居。故令子發爲癩疾也。小兒有癩。大人豈無癩乎。現今西籍亦以癩癩視爲一症。皆由未詳攷耳。癩症之成。或因先天的。或由後天的。其發作時。與癩之特異點有二。(一)猝仆時。必有叫喊聲。人以其類似之聲。分爲五音。配屬五臟。實不可信。蓋人之聲音不同。病之淺深各異。安得以爲確據。而癩之卒仆不必有聲。(二)仆後。癩症有強直性癱攣。繼之以間代性癱攣。癩則闕如。其原因大都與癩狂近似。皆神經官能之病。治法亦以矯正七情爲要。藥物療法以劫痰鎮逆爲首。如日久體虛。稍佐補益。若云專以清熱散風。恐非善法。

神經系病 痢症

二二六

◎犀角丸 治風癩發作有時。揚手擲足。口吐涎。不省人事。暗倒傷神。

犀角末五錢

赤石脂三錢

白僵蠶一兩

薄荷葉一兩

朴 硝二兩

共爲末。麩糊爲丸。桐子大。每服二三十丸。不拘時。溫水下。忌油膩。

「審查意見」風癩。卽俗所謂羊癩風也。其治法亦以却痰爲入手。此方清熱散風。未必有效。

◎五生丸 治風癩。

川烏頭

生附子 去皮臍

生南星

生半夏

生乾薑各五錢

共爲末。醋煮大豆作糊爲丸。桐子大。每服五丸。冷酒下。不拘時。

「審查意見」此古法也。却老痰頗猛。爲癩疾入手之治可也。但不宜多服。南星半夏附子。有毒之品。不宜生用。以製熟爲是。又此方嫌太熱。少清熱。

安腦寧神導濁之品。

◎治癩疾

川芎片二兩

口防風

猪牙皂

川鬱金

明礬各一兩

蜈

蚣 黃脚黑脚
各一條

共研細末。蒸餅爲丸。桐子大。空心清茶下十五丸。

「審查意見」此方辛開苦降。治癩當必有効。但宜少用。又宜在發作前服數丸。平素以不服較妥。又川芎防風之分量。不宜太多。

◎治風癩不識人。卒然口禁。手足強直。

伏龍肝

三錢
研末

以新水調服。(方係千金翼古方。其治癩之理不詳。)

◎治狂邪發作無時。披髮大叫。欲殺人不避水火。苦參爲末蜜丸。桐子大。每服二十丸。薄荷湯下。

神經系病 痲症

二二八

「審查意見」苦參極苦大寒。能瀉諸熱。利小便。治狂証恐嫌其力緩。

◎瓜蒌枳實湯 治痰發。

瓜蒌仁

炒枳實

川貝母

桔梗

片苓

去心麥冬

廣陳皮

炒山梔

全當歸

雲苓

蘇子各一錢

人參

五分

甘草

三分

右剉一劑。薑一片。入竹瀝薑汁少許。水煎溫服。

「審查意見」瘧有剛瘧。有柔瘧。有燥瘧。有熱瘧。傷寒無汗為剛瘧。中風有汗為柔瘧。血燥筋急。肝陽上亢。為燥瘧。血熱內壅。腦受熏灸。為熱瘧。剛柔熱瘧。病屬新得。較為易治。燥瘧則津液消耗。血不榮筋。神經陡起劇烈之變化。頗難治愈。其狀項背強直。或角弓反張。兩日上吊。手足搐搦。此際不免痰涎壅塞。阻礙心肺腦交通之道路。故有去痰一法。其純因痰

而發癰者。實不多見。

◎青金錠 治男婦風痰痰蹶。牙關緊閉。不能開口。難以服藥。並乳蛾不能言者。小兒驚風痰迷。將此藥一錠。取井水磨開。將藥滴入鼻孔。即進喉內。痰即吐出。立刻得生。

玄胡索二錢

青

黛六分

牙

皂

十四粒
火煨

右爲細末。入麝香一分。再研。清水調成錠。每錠五分。陰乾用。

「審查意見」此方重在開通湧塞。玄胡疎滯。青黛清熱。皂莢一味。能湧閉塞之痰涎。作錠磨服。尤屬妥善。惟以舌苔厚膩。胸悶脘滿者爲斷。方可伍此攻痰化滯之法。

◎活神散 治痰迷心竅。癲狂昏迷。驚澗等症。

甜瓜蒂 爲末。每服五分。重者服一錢。溫水送下。即吐。如不吐。再服。倘

吐不止。用開水解。或葱湯更好。加麝香研少許妙。若有虫吐出者。加雄黃末服之。

「審查意見」此方本於仲景之瓜蒂散。爲湧吐之重劑。但須有苔膩脈滑。胸中噁噁欲吐。氣促不舒之見症。始可以施涌法。

◎一方 耑治痰火。

貝母不拘多少。以童便浸。秋冬三日。春夏一日夜。撈起水淋洗淨。晒乾研末。糖霜和成。不拘時滾白水下。（平穩可用）

◎化痰丸 絲瓜燒灰存性爲細末。棗肉丸彈子大。酒化一丸。服之立効。「審查意見」絲瓜治痰。效驗已著。但宜搗汁飲。燒灰存性。未必如願。

◎一方 治風疾甚危。

紅消梨啖之。或絞汁飲之。旬日可愈。

「審查意見」梨爲清熱滋液之妙品。治燥熱不利之痰。啖此則痰可利。而易吐易下。非真能劫痰也。

◎一方 治風癲狂。譫語如癡。皆痰所致也。

以鹽水一大碗灌下。吐痰卽痊。

「審查意見」風癲狂癩。皆有痰涎爲祟。則可。若謂皆痰所致也。則不切。蓋有所以致痰之故。鹽水探吐。以吐食滯爲佳。若涌痰法。仍以瓜蒂爲妙。

◎一方 急救痰火壅塞。用

鷄蛋清香油兌勻灌之。痰卽自吐。

「審查意見」鷄清兌香油。不特黏膩。且不適口。灌之易發嘔吐。仍爲誘起涌吐之法。不如直用涌吐藥爲佳。

◎回生丹 治痰蹶氣絕。心頭溫者。取右搭廟陳石灰一合。水一盞。煎滾去

神經系病 痲症

二二二

水。再用清水一盞。煎滾澄清。開口灌之。痰下自醒。如無搭廟陳灰。古牆陳灰亦可。

「審查意見」此制酸汁過多之方。即燥濕之謂。右搭廟不詳。

◎痰火方 梨汁 藕汁 蘿蔔汁 絲瓜藤汁 石膏 葶薺汁各四兩

共煎成膏。每服半盞。白湯下。神効。

「審查意見」此方名五汁飲。加石膏以清熱。但不若去石膏。較爲穩健也。又熬膏不如重湯溫服。

◎一方 救痰火壅塞。

硃砂一錢。飛過薑汁調勻。灌下二三服。痰自化。

「審查意見」取硃砂之鎮墜。藉薑汁之辛通。固爲理想之妙法。但硃砂不宜多用。

◎一方 治痰火暫得。忽而有痰在喉中。響若雷鳴。

香油一盞

白礬一錢

研細末。入香油內。調勻灌下。

「審查意見」白礬酸苦涌泄。故能吐痰。以香油之滑澤。或爲緩礬之澁性歟。按自瓜瓞只實湯下。原篇名爲痰火門。但痰火不能立一門。且其主治。多係混合癩癩者。故併入此門。以下尙有數方。其註之主治。爲半身不遂等証。擬選歸中風篇。以痰火証。易影響及於神經。最多神經病症。特是頭緒紛歧。毫無倫次。令人頗難分析。姑就大體上略與更變。其一切概未變易。以存原編者之眞本云。

中風

卒仆神昏。口眼歪斜。半身不遂等症。向以中風名之。近代科學昌明。解剖術精。始知爲腦中充血。甚則出血。故稱之曰腦出血。千百年來之糾紛。是可恍

審 查 徵 集 驗 方

然知所返矣。古醫名爲中風。而知其必不爲風。乃力闢外風之誤。而倡內風之論。又有東垣主氣。丹溪主痰。河間主火。各鳴己得。莫衷一是。細究之。腦爲受病之處。而非致病之因。其因爲何。內經調經論云。血之與氣。并走於上。則爲大厥。厥則暴死。氣反則生。不反則死。生氣通天論曰。陽氣者。大怒則形氣絕。而血死於上。使人薄厥。以經言觀之。厥則暴死。厥則爲腦出血之卒仆神昏。何以致腦出血。因血之與氣。并走於上。何以血氣并上。因大怒而氣上激也。氣反則生。不反則死。言氣血下降。腦脫壓迫。則神可復。不然。卽無復甦之望。然患斯病者。不盡由於怒。而無不由於鬱。兼之以適合卒中之體質。相當之年齡。時或以外感爲誘因者。亦數見不鮮。治法。神昏時。須通竅開關。神甦後。遺留各症。再用調和氣血。疏通經絡。緩緩爲之。雖有小效。但難除根。

◎通關散 治中風不語。不醒人事。牙關緊閉。湯水不入者。以此吹之。

生南星

生半夏

猪牙皂各等分

右爲極細末。以少許吹鼻內。有嚏可治。無嚏不可治。

又用針刺十個指頭。離爪甲一韭菜葉許。出血爲妙。

○又方 治中風痰厥。昏迷不醒。人事欲絕者。巴豆去壳紙包槌油。去豆不用。用紙燃作條。送入鼻內。或加牙皂末尤良。或用前紙條燒煙。薰入鼻內亦可。

「審查意見」此卒中之生死關頭。有嚏則生。無嚏則死。有嚏則嗅神經尙有反射之能。未至塊然無知。無嚏則已失反射之能。其他功能。當然亦難恢復。上二方。皆係古法。宜於平素修備。以便救急之用。

○大秦芎湯 治中風痰厥。半身不遂。肢體麻木。語言微澁等症。

秦 芎

生石膏各一錢 川 芎

全當歸 白茯苓

神經系病

中風

二二六

大生地

九熟地

炒白芍

川羌活

川獨活

白朮各六分

防風

黃芩

各七分

香白芷

北細辛各五分

甘草三分

水二盅。煎一盅。溫服。如遇天陰。加生薑七片。心下痞滿。加枳實錢。此係秋冬之藥。如春夏再加知母一錢煎服。

「審查意見」猝中之後。半身不遂。語言微澁。肢體麻木。亦有虛實之分。虛者宜資壽解語湯。補精液以求灌注。實者豁痰流絡。開發壅塞。即為本方之適應。方以四物補血液。羌獨秦防。開發壅滯。膏芩清熱。辛芷疏絡。治半身不遂。肢體麻木之實者。選藥已得其要。惟語言艱澁。多係痰阻舌本。此方尚少劫痰之品。宜加竹瀝薑汁遠志等藥。又按凡痛風及半身不遂。麻木等症。用羌防辛芷一派風藥之類。與平

時感冒作驅風外出之理不同。蓋風藥俱有揮發性。能興奮周身之細胞。開發壅塞之氣血。故佐於活血補血藥中。効力甚大。而治偏風及本症。舍此亦別無良法之可言。服數帖後。木而朽者。轉而爲麻。麻而癢者。反而爲痛。是氣血活動之兆。若無轉機現狀。爲氣血已死。神經已朽。體工無恢復之能力。斯病亦無治愈之希望。

◎口眼歪斜方 蓖麻子研爛。左歪塗右邊。右歪塗左邊。一經復正卽洗去。〔審查意見〕蓖麻子吸引力最大。古載塗頂心以治產兒。賜出不收。塗足心以引胞衣不下。皆取其吸引之力。惜尙未曾試驗。不敢武斷其是非。

◎治中風癱瘓方 油核桃搗如泥 黃蜡各三錢 右二味滾黃酒冲服。出微汗。停三日。又進一次。各用四錢。照前冲服。又停三日。再服一次。三次服完卽愈。

神經系病

中風

二三八

「審查意見」猝中癱瘓。爲運動神經之麻痺。核桃溫補最力。或可強壯神經。黃酒興奮。促進血液。多用數次。或可有効。至用黃蜡之理不明。

◎清痰順氣湯 薑製南星 川貝母 廣陳皮 茅蒼朮 官 桂

防 風 荆 芥 酒炒黃芩 薑半夏 甘 草

瓜 蒞仁各等分 薑三片。水煎服。臨服加沉香木香末內各五分。

「審查意見」猝中之病。多發於體肥氣盛之人。營養佳良。脂肪充足。津液壅滯。凝而爲痰。阻塞經絡。障礙循環。故豁痰亦爲最要。然再有血熱有壅之素因。用藥不宜過燥。是方偏治濕痰。宜加竹瀝較佳。

◎一方 治中風有痰。忽不能言者。

香 油二兩 雞 蛋一個 二味調勻。灌下卽愈。

「審查意見」香油合雞子。蓋是誘起嘔吐。使痰涌泄之意。若云灌下卽愈。正

恐未必。

◎又方 用地內掘出鉄上有銹土者。煎水長服。遍身瘡痰自化。

「審查意見」鉄質補血。已無疑義。出土鉄。其質疏松。煎之易得其質。以理推之。是方通血活血。當有功效。但恐在土中多年。如含有雜質。須防其有毒。

◎又方 治中風痰多壅塞者。

苦丁香末一錢 溫水調服。令吐出積痰即愈。(苦丁香即甜瓜蒂。爲涌吐之特效藥。)

◎又方 治口眼歪斜。

鱧魚血塗抹。右歪塗左。左歪塗右。如正即洗去。

「審查意見」鱧。一作鱖。俗稱黃鱧。似鰻細長。體赤褐。腹黃。頭部有鰓孔二。內

神經系病 中風

二四〇

有鰓腹中有肺。或謂之氣囊。此物是否能治口眼歪斜。未曾經驗。又俗傳蛇魚割頭。即託歪處。可以立時復正。雖未試用。恐亦不能若是之神也。

◎侯氏黑散 治中風四肢煩重。心中惡寒不足者。此治中風之第一方也。

杭菊花四兩

白朮一兩炒

北細辛二錢

白茯苓三錢

煨牡蠣三錢

生黃芩三錢

防風一兩

人參

礬石各三錢

桔梗三錢

全當歸

乾薑

川芎

桂枝各三錢

右十四味爲末。酒服方寸匕。七日三服。初服二十日。用酒調服。禁一切肥肉大蒜。常宜冷食。六十日止藥。即積在腹中不下。熟食即下矣。

「審查意見」侯氏黑散。其始見於金匱。以是法。用是藥。謂之填竅熄風法。後

代醫家奉爲天經地義。鉄案不移。故爲之牽強曲解。盲然稱贊。竊有疑焉。六十日之久。使食冷飯。意者用冷飯則不大便。不大便則藥不下而積於腹中乎。然用冷飯能否塞大便。尙待研究。但恐不惟不能塞大便。反有便瀉之虞。信如所言。大便與否。在所不計。而惟冷食。藥即可積在腹中。若然。六十日之藥量。充滿腸胃。其肚腹之不脹者。未之有也。腹脹便瀉。安能生存。是方毫無意識。雖載於金匱。但唐宋以後醫家從未一試。可知其方意配合。不適於腦出血之法度也。

◎牛黃清心丸 耑治中風痰厥。昏不醒。口噤痰喘。及小兒驚風發搐。五癩等症。

胆南星一兩
薑汁炒

白附子一兩
煨

川鬱金五錢

川烏一兩
麩包煨

半

夏一兩皮硝湯泡五次皂角湯泡五次礬湯泡一次乾爲末

右三味。共爲細末。用臘月黃牛胆三

神經系病 中風

二四二

個。取汁和藥。仍入胆內。札口。掛風簷下。至次年取胆內藥一兩四錢。加度過芒硝水飛過辰砂礬砂各一錢。冰片麝香各一分。研極細。和在一處。稀糊爲丸。芡實大。金箔爲衣。薑湯化服。

「審查意見」此係古方。有祛痰。鎮瘕。疏風。開竅之功。故治上述諸症。確有卓效。

◎追風祛痰丸 治諸般風癩顛風。世人患此病者甚多。用此藥甚効。

白附子 麪包煨 防風 明天麻 殭蠶 猪牙皂 各一兩 俱炒燥

全蝎 廣木香 各五錢 枯 礬 川黃連 南 星 三兩白礬牙皂 煎湯浸一宿

人參 白 朮 炒各一兩 半 夏 六兩 (牙皂生薑各二兩搗碎湯

浸三日)

共研細末。薑汁和飴糖爲丸。桐子大。每服七八丸。薑湯下。

「審查意見」白附子辛甘大熱。能衝動周身細胞之興奮。開發壅塞。振起萎靡。爲白附子之特長。合疎風。鎮痙。祛痰。調氣諸藥。治中風癱瘓。頗稱合拍。顛癇似嫌太熱。

◎治口眼歪斜方 菴葶葶草不拘多少。煎湯露過。入芽糖三兩。空心頓服即愈。

「審查意見」菴葶葶苦辛而氣臭。故須經蒸數次。功能祛風濕。但服下即愈。實屬自神其說。芽糖不詳。

◎治血厥 無疾忽死。目閉口噤。眩暈。移時方醒。亦名鬱冒。出汗過多。女人尤多用。

東白薇 當歸各一兩 人參五錢 甘草錢半
每服五錢水煎服。

「審查意見」是症每因一時心理之觸感。頭目暈眩。口噤失神。移時即醒。蓋因腦筋血液循環。一時流行反常之故。一般名爲血厥。白薇苦寒。滋陰清熱。當歸補血。人參強心。分之各有專長。合之能整調循環。審查者曾經試用有效。

◎治鶴膝風 (不應列入此門。可見選方時之隨筆記載。此類頗多。姑仍之。)

番木鱉四兩

(酒泡蒸去皮研用麻油五兩熬枯浮起爲度再用陳壁土炒乾研細)

大西附子二兩

(童便煮過去皮臍切片焙乾研細壹兩)

大楓子肉二兩

(燈草水煮研細只用壹兩)

川山甲

(洗淨土炒研細)

一兩)

以上四味。共五兩。和勻收貯。患者每服七分。空心酒下。極醉出汗。七服除根。

「審查意見」藥性猛烈。非至背城借一時。不可輕用。

◎治中風惡疾。雙目昏暗。鼻梁倒塌。

皂莢刺三斤。炭火蒸一日。晒乾爲末。濃煎生大黃湯。下二錢。

「審查意見」雙目昏暗。鼻梁倒塌。其爲梅毒無疑。此方意在追風。不切殊甚。

◎治鵝掌風。活蟹煮湯洗。數次即愈。

◎治卒中風効方。藿香正氣散加桂枝三錢。羌活二錢半。防風一錢。水煎服。

「審查意見」此爲治感冒之方。卒中証豈宜專恃發汗。

◎治中風。中痰。中暑。中氣。乾霍亂。生薑自然汁一盞。童便一盞。灌下。

「審查意見」薑汁性溫味辣。取其刺戟之性。以救一切危症可也。但係中暑証及霍亂証。生薑切宜慎用。

◎治癱瘓秘方 熟牛骨髓一碗。熟白蜜斤半。濾過。加炒白麵一斤。炒黑乾末三兩。四味和勻。如彈子大。每服三四丸。細嚼黃酒下。

「審查意見」癱瘓是運動神經麻痺。此方填補精髓。興奮神經。頗得其旨。但其功效太緩。

◎治中風中痰急救方

藜蘆末 淡薑湯送下。如不愈。再加甘草湯送。吐出即止。（仍是涌痰法）

◎治男女失心瘋 白礬三錢 川鬱金七錢 共爲末。桐子大。每服二三錢。白滾湯下。

「審查意見」失心瘋。是失却心之所欲。不得如志。憂鬱而致之瘋也。古云。心病還須心藥醫。藥物雖期有效。此化痰活血之方。治痰凝血滯頻驗。

◎治大麻風（此病向在瘍科何得選入中風）

明淨松香不拘多少。化開去渣。取河水用淨砂鍋將松香煮化。不住手攪。視水色如米泔。嘗味極苦者。即浸入冷水內。將松香乘熱扯拔。冷定堅硬。另換清水。再煮再拔。如前法製。不論數十次。只以松香體鬆潔白如玉。所煮之水。不苦爲度。陰乾爲末。羅細聽用。每料二斤。每日將白粥量投藥末。和勻食之。不可多嚼。只進數次。不可更吃乾飯。忌一切油膩醬鹽醋。量腥酒果糖麵等類。概行禁忌。只飲白水。每日約服數錢。以漸而進。不可太驟。服後大便下毒物。服盡一料。自愈。用蜜丸亦可。

「審查意見」大麻風。爲一種頑固慢性之皮膚病。世稱大楓子。爲治本病之

特效藥。此方是否有效。頗難逆料。攷其病史最古。耶穌聖經。已有癱病之記載。近今歐洲各國。絕少發現。惟我國南方一帶。仍有患者。殊可憐憫。

◎桂枝湯 治風從外來。入客於絡。留而不去。此方為中風症羣力之祖。

桂 枝 酒白芍 甘 草 生 薑各三錢 大 棗五枚

水煎服。須臾再飲熱稀粥。以助藥力。

「審查意見」此仲景傷寒開宗之第一方。用桂枝湯。在仲景亦有一定之定率。不得任意亂用。

◎仙傳黑虎丹 此藥專治男婦氣血衰敗。筋骨寒冷。外感風濕。傳於經絡。手足麻木。筋骨疼痛。久則成左癱右瘓。口眼歪斜。不能步履。

茅蒼朮切片

草

烏 切片

生

薑洗各四兩

生

葱 連鬚切

二兩

右四味。和一處拌勻。醃之。春五夏三秋七冬十日。每日拌一次。候數足晒乾。入後藥。

五靈脂 錢二分半

乳

香 錢二分半

沒

藥 錢二分半

炒山甲 五分

自然銅

火煨淬七次
二錢半

同前藥爲末。好醋糊爲丸。桐子大。每服三十丸。空心溫酒送下。婦人血海虛冷。肚腹疼痛。臨臥醋湯下。止服三十丸。不可多服。服後不可飲冷水。孕婦忌服。

「審查意見」自然銅能消瘀化結。又伍許多活血藥品。溫通血脉。確有功效。但不可多服。

◎治婦人鷄爪風。十指搐搦。服黑虎丹立愈。

●又方 左右膝骨兩傍各有兩窩共四穴。灸三壯。即愈。

「審查意見」婦人拘麻。十指搐搦。多是血虛有風。並寒冷所傷。活血定風。原是正治。但根治甚難。上二法。皆可備試。

●治羊癲風神方 人參三錢 白朮一兩 茯苓神五錢

山藥三錢 半夏三錢 製附子錢 肉桂一錢

水煎。臨發時服。

「審查意見」此方治癲而體素虛寒者。如面白脫色。少氣不足以息。大便瀉。身出冷汗等証。尚可用酌用。否則不可輕試。

◎治中風不省人事。得病之日。進此藥。免成廢人。栢葉葱白一握。連根細搗如泥。無灰酒一大盅。煎一二十沸。去渣溫服。如不飲酒。分作四五次服。
(未必有效)

◎治羊癲風 用皂莢去黑皮取仁。焙乾研末。每服五分。空心白湯下。不可

間斷。

「審查意見」此是去痰藥。並無其他神妙。但恐作嘔。有痰壅塞不利者。方可用此吐之。

◎治氣心瘋方 藜 蘆 甘 草各四分爲末 用溫水調服。服藥後必

吐。吐見紅絲。飲凉水一碗卽止。

「審查意見」心氣瘋。意謂由氣而不得之瘋症。藜蘆甘草。本爲涌痰。何以須吐出紅血絲。再飲凉水爲止。措詞太爲荒誕。此方祇可施於有痰宜吐之証。如屬精神不愉快之病証。不因痰之爲主者。決不可用。

◎仙傳神効方 治大人氣性瘋。羊羔風。中風中痰。小兒驚風等症。

生石膏十兩 辰 砂五錢 爲細末。大人三錢。小兒一錢。一歲至

七歲錢半。八歲上二錢半。

「審查意見」此清腦安神之法。治急性腦充血証爲宜。以研末煎湯。去渣爲安。藥末不可多服。恐其寒胃。在小兒。尤不宜多服藥末。

麻木

經云。營氣虛則不仁。衛氣虛則不用。營衛俱虛。則不仁不用。是麻木不仁之病理。爲營衛之虛。以今日之理衡之。卽血行遲澁。與運動神經麻痺所致。蓋神經血液。本有相衛之關係。神經固能主持血行。而血液又須灌注神經。相互爲生。相互爲病。故麻木不仁。其主因卽爲血行障礙。血行何以致障礙。前賢謂麻木不仁。係濕痰死血。流滯經絡之故。治法。首宜去其滯物。如祛痰破血是也。次宜強心活血。如溫通血液是也。三宜培氣益血。如地芍參耆之類。三法或並用或單行。大要爲久而虛者則並用。新而實者則單用。尤忌一切飲食肥甘。性慾衝動等。犯則難期治愈。慎之慎之。

◎醉仙散 治癘風。遍身麻木。

胡麻子 枸杞子 牛蒡子 蔓荊子 白蒺藜
炒各一錢

瓜蒌根 苦參 防風 各五錢

右爲細末。每一兩。錢。入輕粉一錢。拌勻。每服一錢。清茶調。晨午各一服。至五七日。於牙縫中出臭液。令人如醉。或下膿血。病根乃去。當量人病之輕重虛實用。如病重者。須先以再造散下之。候元氣將復。方用此藥。止可食淡粥蔬菜。餘物均忌。

「審查意見」所謂癘風麻木者。乃一時感受暴癘之氣。與平時感輕微之風不同。生理上被此暴風之刺戟。因而血行發生障礙。治宜疎風活血。方尙近理。惟胡麻係油潤品。雖能止癢。乃止津液乾癢之燥。新病外感重者。尙嫌不甚恰合。又加入輕粉。意在排泄滯物。然亦不須此法。服至五

神經系病

麻木

二五四

六日。牙縫中出臭液。是已中輕粉之毒。謹防牙疳腐爛。何得由此而除根哉。無理極矣。萬不可信。

◎通天再造散 治大麻風惡疾。

鬱 金五錢

大 黃煨

皂角刺墨者 各一兩

白牽牛六錢半
生半炒

爲末。每服五錢。日未出時。面東以無灰酒調下。

「審查意見」麻木門又夾入大麻風。乃原編者之龐雜。但此方有活血逐滯之功。應加入全當歸。僵蠶。川芎。桃仁。紅花等藥。

●人參益氣湯 治五六月間。兩手麻木。四肢困倦。怠惰嗜臥。乃濕熱傷元氣也。

口黃芪八錢

人 參

生甘草各五錢

炙 草二錢

升 麻二錢

柴 胡二錢半

芍 藥三錢

五味子一百廿粒

每服三錢。水二盅。煎一盅。去渣。空心服。服後臥一二小時。於麻痺處。按摩屈伸少時。午飯前又服一服。日二服。

「審查意見」兩手拘麻。不僅夏令。在婦女最多習見。凡青年婦女。一有本病之發現。則根治甚為不易。一面令患者。絕對禁食生冷。禁入涼水。再以活血舒筋諸品調理之。可期緩緩治愈。此方一派呆補升提。治本症不切。

●防風湯 治血痺皮膚不仁。

口防風二錢 桂 心 左秦艽 炒赤芍 杏 仁

黃 芩 炙甘草 赤 苓 川獨活各一錢全 歸錢半

生薑引煎服。一方有葛根麻黃。無獨活赤芍。

「審查意見」麻木者。非痛非癢。皮內如千萬虫之亂行為麻。毫無觸覺。不知

神經系病 麻木 頭痛

二五六

痛癢者爲木。治宜排除其障礙。衝動其血行。是方頗得其旨。或加僵蠶。以治其神經疾患。尤覺相宜。

●蔓荊實丸 治皮痺不仁。

蔓荊實 未浮皮 七錢半

炒枳壳

蒺藜子炒去刺

白附子炮

苦桔梗

川羌活

口防風各五分

共爲末。備用。再以

牙皂角八兩打碎。水煮數沸去渣。少加白麵熬成。合上末爲丸。梧桐子大。每服二十丸。食後滾水送下。

「審查意見」此亦衝動之品。治偏於木者尙可。又牙皂之用。以形肥體白多。痰者爲準。否則不宜加入。

頭痛

頭痛之原因頗多。約計之。可分爲二。卽（一）「症侯性頭痛」。凡由時令病。傳

染病。以及胃腸病而來之頭痛。悉屬之。此類頭痛。不必治頭。他病愈而頭痛自止。(二)「習慣性頭痛」由神經過勞。或腦充血。或腦貧血。或濫用煙酒。或神經衰弱。其痛如戴箍。或則如裂。或如針刺。有間歇者。有連續者。此類頭痛。須注意日常衛生。俾恃藥餌。難收全功。又有所謂勤學性頭痛者。雖屬神經衰弱誘發而來。而實原於苦學。或悲痛。或手淫。等等之事故。其狀態之前後。自覺的非常沉重。理解力。記憶力。大爲減退。且神經每較銳敏。消化不良。大便不整。此類頭痛。尤宜在其原因上。立即矯正。並靜養其精神。藥物不過屬於輔助而已。至偏頭痛。頭之一側。常苦頭痛。而尤以左側爲多。因神經過勞所致。其暴發偏頭痛者。因於感冒。亦間有之。以上乃言頭痛之梗概。至本門列方。非特不敷應用。而且効驗不確。欲得其詳。當廣求各家書籍。關於驗方之紀載者。

神經系病 麻木

二五八

◎治偏腦痛。將新瓦片打作圓塊。要如茶盅口大小。在炭火內燒紅。淬在陳醋內一二次。用絹包裹熨太陽穴。冷即再熨。第二塊。五六片熨完。用帕紮住。避風二三日。永不再發。

「審查意見」醋淬新瓦。熱熨太陽穴。對於神經。腦血方面之鬱滯疲勞。富然能使一度之興奮與流通。暫時見效。理所必然。若謂可以根治。永不再發。是又言之太過矣。

●治頭風鼻流涕方 甘草 人參 明天麻 白芍藥

荊芥 薄荷葉 製乳香 製沒藥 白芷 甘松

甘菊 藁本 白茯苓 口防風 北細辛 以上各三錢。

共為細末。貯瓶內。用少嗅之。

「審查意見」此方彙集散風活血。普通醫治頭風之藥。嗅其辛香之氣。使之

由鼻竅而達於腦。必能感此傳達之影響。此補內服石療之不足。惟証勢之輕淺者有效。如重者須佐以內服之劑方安。

腰腿痛

腰痛有三。(一)「腰神經痛。」爲間歇性。稍勞則痛。休息則輕。卽古所謂腎虛腰痛是也。治宜滋補腎精。(二)「寒濕腰痛。」腰重如帶五千錢。沉壓澁痛。轉身不利。治宜溫寒利濕。(三)「血滯腰痛。」腰部刺痛。如以花針急刺治。宜行血活絡。腿痛有二。在關節者卽急慢性關節風痺。在滿腿疼者。多爲肌肉風痺。其原因。不外風寒侵襲。碍及血液之灌溉。故宜溫散活血。所謂通則不痛。此治腰腿疼大概也。

◎治腰疼丸 治火鬱結。氣不舒暢。邪入外腎。腰疼之証。

川杜仲

破故紙

二味俱青鹽水炒
各八兩

童便製香附

夏枯草各四兩

神經系病 腰腿痛

二六〇

核桃肉一斤如泥。共爲細末。煉蜜丸。如桐子大。空心鹽湯或黃酒下二錢。

「審查意見」此爲治慢性虛弱之腎虛腰痛方也。其中所恃以爲力者。杜故核桃耳。餘則疏利和肝。兼有肝鬱者。本方良効。

◎青蛾丸 專治腎虛腰疼。或外邪所侵。腰腿筋骨作痛。

川草薺 四兩分四份鹽水酒童便米泔各浸一份

破故紙

川黃栢

白知母 三味鹽水炒各四兩

川杜仲 四兩薑汁炒

川牛膝 四兩酒炒

核桃肉 半斤去皮

爲細末。夏月用粥。秋冬用蜜。其粥用糯米一碗煮之。將胡桃肉杵爛如膏。和勻。石臼內杵干下。丸如桐子大。每服七八十丸。空心鹽湯或酒下。「審查意見」此方少利氣活絡之藥。治腎虛及濕熱者宜之。若被風寒外邪。

勿誤用。

◎元武豆方 補腎壯元陽。治腰痛。

羊腰子五十個

枸杞子三斤

故紙一斤鹽水炒

大茴六兩鹽水炒

青

鹽半斤洗去泥

肉蓯蓉十二兩酒洗去鱗甲

陽虛加製附子一兩

用大黑豆三升

(不要扁破的)淘洗濾乾候用

右用甜水二十碗。以鍋煮煎藥。至半乾。去藥渣。入黑豆拌勻。煮乾為度。

取出曬乾。磨為細麵。酒打蒸餅為丸。桐子大。空心白水下五錢。

「審查意見」腎陽衰弱。腰痠無力。身常怯寒。治宜溫補兼施。羊腰子以腰治

腰。為近今盛倡之臟器療法。附子刺戟副腎。使產生相當之內分泌。治

慢性虛疼。當必有效。惟少疏利之藥。恐補而有膩滯之害。應加茯苓絲

瓜絡較妥。

◎又方 故紙十兩。洗淨炒香。研末。核桃仁三十兩。泡去皮。搗如泥。入故紙

末搗勻。另用好蜜調勻如飴糖。貯器中。每日清晨。以煖酒調藥一匙。服之効。

「審查意見」用故紙核桃以治腰痛。惟於虛寒者宜之。陰虛火動者勿用。

◎養血湯 治腰疼筋骨疼痛。

當歸 生地 秦艽 川牛膝酒洗 肉桂

川杜仲鹽炒防風各一錢 白茯苓錢半 川芎五分 甘草三分

水二盅。煎七分。黃酒三分。熱服。

「審查意見」疼痛病証。始由風寒之外襲。繼以血行之遲緩。治當促進血行之速率。疎利關節之澁滯。此方於活血補血中。加秦艽防風之風藥。蓋風藥具有興奮性。能鼓動機關之麻痺。用治疼痛。尤稱合拍。如有熱者。去肉桂加龜板爲是。

◎治筋骨疼痛不拘何處。

五加皮

為末
三錢

胡

椒 打碎
七粒

鼠

糞 頭尖者三粒
頭圓者四粒

生

薑三片

好燒酒一斤。共裝瓶內。煮三炷香。食飽少時。盡量取飲。出汗。輕者一次。重者三次。以愈為度。

「審查意見」筋骨疼痛。果屬寒濕浸淫。神經鬱滯過久。方可以椒薑酒等之興奮祛寒。鼠糞又名兩頭尖。或有謂兩頭尖非鼠糞。乃別為一種藤類之植物。二者孰切。尙待細究。然鼠糞供藥。似亦少碍衛生矣。

◎治肩背筋骨疼方。治腰疼腿疼。神効。蓋被出汗。不可透風。慎之慎之。

槐 子

桃核仁

細茶葉

脂

麻

(各一兩水三大碗煎

一大碗亦可)

裝磁瓶內。水二碗。熬一半。熱服神効。

「審查意見」此緩和神經之劑。津液虛少者頗宜。

◎如神湯 治男婦腰痛。閃肭血滯。腹中疼痛。產後服之更妙。

元胡索微炒

全當歸

上桂心各等分

爲末。每服二錢。溫酒調服。如作煎劑。加杜仲桃仁牛膝續斷各等分。

「審查意見」此方溫運血脉。解散瘀結。凡疼痛之屬於瘀滯者。必現刺痛。是

方有效。但以屬寒者爲宜。

「訂正主治」治男婦閃肭血滯。腰腹刺痛。並產後惡露不盡者。

◎治腰疼妙方 雄豬肚子兩對。竹刀剖開。去筋絲。每個內用 杜仲

破故紙

牛膝

製香附各三錢

青

鹽五分

入內。用溫草

紙包。灰火煨熟。去藥。酒下。一醉卽好。

「審查意見」豬肚恐是豬腰子。以腰治腰。卽今之所謂臟器療法是也。又配

補血調氣祛寒諸藥。治腰腿沉痛者有效。

◎治腰疼流淚腎虛

川杜仲

肉蓯蓉去鱗甲

巴戟天

小茴香

破故紙

青

鹽各等分
爲末

用猪羊腰子三對竹刀剖開。每個

內入前藥五錢。濕草紙包固。灰火煨熟。去藥酒送下。

◎又方 破故紙研細末。每服三錢。溫黃酒調服。

「審查意見」上列二方。皆爲治久痛而虛者。新患腰痛。因於風濕及血凝者。不可漫服。慎之。按以上二方。皆嫌太熱。非因於寒濕者不可服。

◎過街笑 治閃腰疼。

廣木香錢

麝

香三厘

爲末。如左鼻疼。吹右邊孔。如右鼻疼。吹

左鼻孔。令病人手上下和之。

「審查意見」此亦通氣之法。二香又能取嚏。但不如內服活血疎氣爲適當。

◎又方 大核桃兩個。燒焦去壳。細嚼燒酒送下。腰疼立止。

「審查意見」核桃恐不能治腰痛。

◎治筋骨疼 川山甲三錢 蜈蚣一條 全蝎 芒硝

生大黃 赤芍 麻黃 僵蠶 全當歸

酒二碗。煎一碗。早晚服。忌椒酒房事。

「審查意見」此治感冒性。與尿酸性痛之方也。外有麻薑之發散。內有硝黃之通下。故必須見惡寒之表証。便秘之裡症。用之方不致誤。然此方功效頗猛。在家庭自療。不宜率爾漫試。按蜈蚣全蠶。皆弛緩神經拘急而設。非有神經性之病狀。則蜈蚣全蠶。必須慎用。

◎治腿疼難忍 核桃肉四個 酸葡萄七個 斑貓一個

鐵線透骨草三錢 水二盅。煎一盅。空心熱服。出汗。不論風溫俱効。

「審查意見」斑蝥性毒。不宜內服。應易威靈仙較佳。

◎治腿疼膏 芥菜子一兩 松香末一兩 共搗如泥成膏。布攤貼患處。出汗患愈。

「審查意見」芥子刺戟頗猛。應減五錢安。此係吊灸之劑。攤貼時間過長。恐紅腫作痛。攤貼時間宜一二小時爲安。

◎治痛風 歷節風四肢疼痛。即用醋磨硫黃敷之。

「審查意見」痛處不紅不腫。而無炎性者。可用。否則不宜。

◎葱灸法 治虛怯人患腫塊。或疼或不疼。或襲於經絡。肢體疼痛。或四肢筋攣骨疼。又治流注。跌撲損傷。腫痛。棒打刺痛。婦人吹乳。陰症腹痛。手足厥冷。葱杵爛頭炒熱敷患處。冷則易之。再熨。腫疼立止。

「審查意見」此乃溫行宣通法。尤爲外治之良法。

神經系病 腰腿痛

二六八

◎治風癱 四肢不順。筋骨拘攣洗浴方。

椿槐桃李并茄柯

桑柘葶蔴共一鍋

不論遠年同近日

一洗風疾盡消磨

「審查意見」葶蔴宜少用。又洗浴後慎受風寒。

◎武當山祖師石碑上方

時來風痒遍體時

無方調理最心疑

服此神清精氣爽

神光如閃目如漆

武當石刻碑尚在

祖師親口洩天機

若是此方無靈驗

永作人間萬世駢

胡麻子 威靈仙

何首烏 苦 參

甘 草 石菖蒲各三錢

爲細末。服三錢。黃酒送下。

「審查意見」方歌鄙俗陋腐。殊屬可笑。遍體發痒。多係風濕。方固有效。但不宜用此詞套。假以眩世。

失血病 咳吐血

咳血。卽肺出血。應歸呼吸器。吐血。爲胃出血。應列消化器。然中醫書籍。向無系統的劃分。其於病名。有以病爲名者。亦有以因爲名者。在此整理初創之際。釐定統系。有不少研究之處。又因此篇混咳吐血。唾血在內。故於分屬系統。尤感不便。特顏曰失血病。是否適宜。敬俟 博雅指正。

古人謂吐血屬胃。咳血屬肺。唾血屬腎。証之近理。頗多吻合。吐血原因。係素有積熱。血液沸騰。偶遇鬱怒氣逆。血卽隨之外出。甚則盈盆盈碗。色多暗紫。亦有鮮紅者。過後飲食如常。精神稍疲。而無發熱咳嗽等症。此胃出血也。勞力負重。胸部隱隱刺痛。久咳久嗽。肺傷而致咳血。發熱倦怠。脉搏頻數。此乃肺病重篤之証候。肺癆將成之介紹者。至若房勞精傷。精液虧損。全體中之器質。逐漸衰弱。血管衰弱。血液滲流於外。隨唾液分泌而出。貌似輕症。實爲

至重。餘如嘔血咯血衄血。皆隨血管破裂之處而異。故輕重有別。治略不同。又有陽虛陰寒之失血。面色皸白。脈遲舌淡。外感之失血。惡寒發熱。頭痛嘔逆。一般治法。降氣毋使上逆。清涼以減血熱。增加血液膠質。以助血液之凝固性。其陽虛陰寒者。甘溫收攝之外。感六淫者。發表疏散之。而消瘀一法。尤爲當要。查本門所列之方。不詳症候。殊屬籠統。今就各方下。附列意見。俾檢用不至歧誤。特說明原理於此。

◎補榮湯 治吐血衄血咯血唾血。用此調理。

當歸 芍藥 生熟地 梔子 茯苓

麥冬 陳皮 烏梅 人參 甘草

水二盅。棗三枚。煎一盅。溫服。

「審查意見」二地歸芍補血涼血。梔子麥冬。養陰清熱。爲治失血証之套法。

方中宜修正者。人參不可漫用。恐留瘀遺患也。卽有心悸怔忡。脉虛自汗等虛象。用量以數分爲度。陳皮性燥。終嫌欠妥。若有咳嗽多。胸悶腕滿之証。宜於清涼劑中。少佐三五分。並加入玉金一錢。餘如丹皮茜草三七阿膠等。尤爲行瘀止血之妙藥。酌量加入。則奏效必捷。

◎滋陰降火湯 治陰虛火動。發熱咳嗽。吐痰喘急。盜汗口乾。此方與六味丸相間服之。大補虛癆神効。

百 部 三 錢

生 熟 地

天 麥 冬

知 貝 母

白 朮

白 芍

白 茯 苓

黃 芪

地 骨 皮 各 錢 半

骨蒸夜熱。加鱉甲三錢。痰中帶血。加真阿膠三錢。

「審查意見」本方主治「咳嗽吐痰」吐痰。當是咳血之誤。蓋二冬貝母地骨。皆與肺臟有特別之關係。可清補肺臟之組織。整調肺呼吸之工作。百

部性溫。能殺各種寄生虫。其成分爲賀德林。乃鎮咳祛痰之妙藥。二地白芍。填充血管中之膠質。以增加血液之凝固力。知母地骨。養陰退熱。茯苓黃芪。調中和胃。此治咳嗽咯血。血虛內熱之方。然百部性溫。肺臟燥火盛者。以減輕用量爲妥。

痰中帶血。加阿膠二錢。倍加熟地。盜汗不止。加炒棗仁二錢。倍黃芩。咽喉癢成癢。加桔梗桑皮。倍貝母。咳嗽痰多喘急。加人參沙參各二錢。遺精。加山藥芡實各五錢。牛膝二錢。小便淋閉。加車前子萆薢各二錢。大便不實。加炒山藥扁豆各五錢。

痰中帶血。宜加玉金。降香。茅梗等。阿膠亦可。熟地非有心虛志忡。腰痠口渴。脈數無力等虛症。切勿倍加。至盜汗不止。宜加生龜板。生牡蠣等。沉降潛熱。不可倍加黃芩。蓋寒涼敗胃。必遺後患。咳嗽痰多喘急。加

人參。不甚合宜。去人參黃芪。加甜杏仁法。半夏萹皮沉香。小便淋閉。宜去萹薺。加木通滑石。

◎治舉重傷肺吐血。萬 白芨爲末。米湯調服。

「審查意見」按白芨。其性稠粘。有補破損之用。相傳用雞清白芨。研末調和。能補破損之器具。可以証矣。近代醫家。研究白芨之効用。殆與西藥白阿膠相同。因其能增加體液之濃厚。而防止滲漏。故可減少咳嗽。能使血液之凝固。故能治咳血。徵之事實。歷驗不爽。此爲止血之特效藥。但血止後。尙待善爲調理。患者檢方。不可恃此爲已足。

「訂正服法」白芨爲末。每飯後調服一錢。限於腸胃健壯而無消化不良者。◎治咳血不止出於肺者 松花 桑皮 生地 貝母 冬花

一二冬 生草

「審查意見」治血症不難於止血。而難於止血之後。無留瘀之變症。蓋稍有留瘀。逆症蜂起。癆瘵之基。於焉以生。故治血症。清熱通瘀。尤爲當要。此方缺行瘀之品。宜加丹皮。玉金。當歸尾。桃仁等味方妥。

◎治咯血 止出於腎者。咯出血屑。

松花 生熟地 天麥冬 阿膠 紫苑 知母 黃柏 水煎服。

「審查意見」咯血多由上部鄰近血管。及肺臟血管而出。或因血管菲薄之滲漏。或由血管破裂之沖流。所言出於腎者。實難解索。本方用二地阿膠。以凝固血液。二冬知栢。以清熱養陰。紫苑潤肺。專理咳逆。並有止血之効。方中宜加茜草。丹皮。澤蘭。牛膝等。始覺完善。

「增訂主治」治咳血咯血之脉數身熱。口渴唇焦。心煩頭眩。小便短赤者。◎治唾血不止。出于胃者。鮮血隨唾而出。

松花 茜根 白茯苓 川貝母 二冬 杜仲 生地
柿餅各二錢 甘草七分 薑炭八分 以上各方。松花俱調入藥內服。

「審查意見」唾血出于胃。其理殊不切。蓋唾血是由唾腺分泌唾液混來之血液。與唾血因咳嗽及由痰涎中帶來之血不同。又與吐血逆上滿口反出者不同。唾血之原理。大抵由鄰唾腺之血管菲薄。血液滲漏於外。而隨唾腺遊出。故治唾血之法。要在培補血液。使血液濃厚。不越於外。則愈矣。此方治唾血不切。治咳血頗可。

◎治吐血方 用雞蛋一個打開。和三七末一錢。藕汁一小盅。再入酒半盅。隔湯燉熟食之。不過兩三枚自愈。

「審查意見」鷄蛋蓮藕。爲通常服食之品。有清虛熱和血補血之效。三七爲

通瘀止血之特效藥。方雖平淡。效驗頗確。惟於重症。不免力薄。若輕淺出血。及施於善後調養。定有卓效。黃酒性熱。反能動血。以不用黃酒爲妥。

◎治唾血方 用猪心一個。不要割破。將粘黃土麻刀和勻。裹上一指厚。用房上陰陽瓦二個。合成一處。將猪心放在內。燒成灰。取出。磨成末。溫酒空心服。

「審查意見」猪心一物。雖鄉間亦簡便易得。姑存備試。但此方非止血專品。恐無確效。

◎治吐血數次 當歸 白芍 桔梗 丹皮 地骨皮 桑皮 知母

天麥冬 梔子 藕節 甘草 側柏 水前服

◎治吐血二次驗 茯苓 知母 桔梗 半夏麩 麥冬 骨皮 杏仁

冬花 百合 白芍 陳皮 水煎服

◎治吐血三次驗 茯苓 知母 貝母 陳皮 山萸肉 地骨皮

丹皮 百合 冬花 白朮 麥冬 白芍 桔梗 全歸 梨
一片煨薑一片水煎服

◎治吐血四次驗 陳皮 神麩 白朮 香附 前胡 桔梗 白茯苓

麥冬 砂仁 黃芪 蘇子 炙艸 黨參 煨薑三片水煎服

「審查意見」右列四方皆云治吐血幾次。所云之次。不知是吐血之數。抑是治愈之數。未經標明。語近含混。究之無論如何。治病當以現症爲衡。決不可拘泥死板。第一方爲治咳吐血。體溫稍高。脈數口渴者。第二方。治咳吐血而兼痰涎者。若無痰。去夏麩爲妥。第三方。爲治胃呆少食。經過頗久之失血。至第西方。純爲健胃。疏氣。鎮血。祛痰等藥。用之治血。

大相逕庭。若施於失血後。胃虛少納。咳血痰涎。則可反之。吐血正盛之際。浪用必致僨事。他如當歸不宜酒洗。白芍尤宜生用。總以症候爲準。不能預爲固定。檢方者。萬勿盲從。

◎經驗吐血良方 用碗盛清水。吐血在內。浮爲肺血。沉爲肝血。半浮半沉。心血。隨所見各以羊肺肝心煑熟。蘸白及末。日日食之自愈。

「審查意見」此本草摘元試血法也。白芨之止血。其理可解。肺血肝血心血之說。不合學理。不可信。按白芨爲止血之特效藥。前已述之矣。然以腸胃健壯。能進飲食者爲限。否則有碍消化。

便血

便血症。其大要。須辨血在糞之前後。糞前下血。爲近血。是大腸濕熱。糞後下血。爲遠血。乃小腸寒濕。餘有臟毒下血。腸風下血。痔瘡下血。便燥下血。卽其

名以索其義。不難分別施治。再論其症象。臟毒下血。色晦暗。腸風下血。色鮮紅。痔瘡下血。出血如放線狀。便燥下血。大便極乾燥而困難。至其治法。糞前下血。宜清濕熱。糞後下血。官兼培補。臟毒下血。須苦寒解毒。腸風下血。應止血去風。痔瘡下血。痔去而血自愈。便燥下血。潤腸即是止血。若謂治便血之法。只有槐花地榆。黃芩黃連。然則金匱黃土湯之治便血。殆亦無可用耶。

◎治臟毒下血

川黃連

川黃芩

川黃栢

生梔子

淨連翹

槐

花分錢半

北細辛

甘草各四分

水煎。空心服。

「審查意見」臟毒下血。色紫晦暗。治當行瘀解毒。如有鬱熱者。本方可加歸尾。桃仁之類。否則三黃大寒。在所不宜。按此專治腸熱下血。但如細辛終嫌不切。宜去之。又本方藥味太峻。須經醫家診斷明確。方可用之。家庭治療。慎勿輕用。

夾血病

暖吐血

二八〇

◎治喘風下血

代赭石

不拘多少燒紅投醋內淬七次

爲細末。每服一錢。滾水調服。再

以九蒸槐角作茶飲之。忌椒辛及房勞。

「審查意見」赭石能止血。其理不知。姑存俟攷。赭石宜生用不宜醋淬。治嘔

吐噫氣有效。治便血恐不甚確實。

◎治腸風若瀉血 椿根白皮末。每服二錢。酒調服。一方加人參。

◎一方 柿 霜四兩 扁栢葉二兩 爲末。藕節湯調服。

◎一方 白鷄冠花根煨熟服。數次卽好。

◎一方 椿根皮 蜜炙二兩 五錄 祁 艾炒二錢 黃 芩炒二錢

爲末。每服三錢。黃酒下。

「審查意見」上列數則。皆止澁清熱之品。可備採用。

◎一方 椿白皮 蜂 蜜各四兩 廣陳皮 甘 草 芒大麥

黑豆各二錢 水煎晚服。

「審查意見」便血如因大便乾燥。腸中血管努裂者。治當滑腸潤便。則不治血而血自止。此方頗爲近似。但椿白皮與蜂蜜並用。不合法度。又蜜宜沖服。不可同藥共煎。

◎百一選方 治遠年下血。

卷栢 黑地榆各五錢 水煎。通口服。

「審查意見」遠年下血。如糞前近血。當宗金匱赤小豆散。糞後遠血。則用黃土湯。卷栢地榆。卽涼血止血之義。恐遠年下血。難達所望。但性平和。縱無益亦少流弊。存之備試。

◎一方 乾柿餅燒灰。每服二錢。米湯下。

「審查意見」此方雖平簡。但甚便平民之用。

泌尿生殖器病 小便不通

二八二

◎治大便下血不止 全當歸 炒川芎 炒白芍 生地黃

川黃連各一錢 川黃栢 川黃芩 槐花 梔子各五分

水煎。空心服。

「審查意見」此方用四物加三黃。補血清熱。宜於質壯火盛者。炒黑存性。苟體衰胃弱者。不宜輕用。

◎治大便下血 用核桃一個。刮去皮瓤。將五倍子一個搗碎。填入核桃內。將核桃合在一處。用黃泥裹之。中插一孔。以出烟氣。放在炭火內。煨令煙盡爲度。取出研末。空心滾水調服。七次愈。

「審查意見」此方溫補收斂止澁。治遠年下血。確有功效。

◎又方 用樗根白皮炒黃。研末。三錢米湯下。(止澁之義)
泌尿生殖器病 小便不通

小便不通。點滴不能下。其原因。有膀胱積熱。有下焦虛寒。有肺氣鬱滯。不能通調水道。有胃腸衰弱。失却轉輸之力。渴而便不通。熱在上焦氣分。宜清肺。不渴而不通。熱在下焦血分。宜涼腎。清涼通便無効。於利尿劑中。少佐肉桂。以興奮膀胱動作之機能。古醫所謂蒸氣化水是也。如滋腎丸之類。一般治法俱無効。則用吐法以開其滯。有如竹筒吸水。閉其上口。水則不下。開其上口。而水自下。此雖物理之常。亦可啓人治病之機。在昔名醫。每多稱善。母謂小便不通。僅有車前木通。澤瀉茯苓。醫之所患。患道少。方法既多。庶可應機却病。不至爲病所困矣。

◎治小便不通 用小麥稽一掬。煎湯飲之。

◎又方 水煎葱湯。飲之亦効。

◎又方 白鳳仙花連根帶葉。熬水。乘熱洗腎囊陽具及兩胯內即通。

泌尿生殖器病 小便不通

二八四

「審查意見」小麥糶能利小便。且消水腫。葱湯能通陽鬱。但須無熱者方可。
白鳳仙花未詳。

◎治大小便不通 用生大黃六錢 荊芥 皮 硝各三錢

共為末。冷水調下。如小便不通。改荊芥六錢 大黃三錢

「審查意見」荊芥利小便。確有功效。但此方分量過重。以減去三分之一為妥。

◎木通湯 專治小便不通。小腸疼痛不可忍者。

廣木通 飛滑石各五錢 牽牛頭末二錢半 燈心廿寸。葱白三根水

煎服。

「審查意見」此利水通套藥。無他深意。可存以備用。但分量太重。宜減半為妥。

○白花散 治膀胱有熱。小便不通。

樸

不拘多少
研末

每服二錢。小茴香湯調服。

「審查意見」樸硝清涼疎滯。茴香溫辛流通。方義頗佳。足資備用。

○治小便不通 皮硝不拘多少
炒熱

用布託臍上。將皮硝在布上敷之。再以熱

水滴三五滴即通。

「審查意見」此為外治之良法。但宜熱熨或敷臍上滴水。用布託之無効。

○又方 淡竹葉 牛舌頭葉各二錢 通 草錢 連服五次愈

○又方 甘遂三錢。用水調敷臍內。以甘草節煎湯飲之即通。

「審查意見」前方宜於氣分熱結。口渴唇焦者。後方瀉水之力太強。不宜輕用。

○又方 大蘿蔔葉搗爛絞汁半盅。入滾黃酒半盅。再入蜂蜜一匙服。

「審查意見」此方不宜用黃酒。若取溫通。加烏藥二三錢。

◎又方 安鹽於臍內。灸之即通。(外治頗佳)

◎又方 老葱心一根。蘸蜜入馬口內。片時。援葱心即通。(法不適當)

◎又方 升 麻三分 車前子三分 黃酒二盅。煎熱服。

「審查意見」此方宜用水煎。少加葱白。黃酒性熱。不可不慎。

◎又方 生鷄子九三枚先吃 麝香一分 研細。碗盛。用滾水沖入麝香碗內

令滿。待溫。將病人陽物泡入水碗。連腎囊泡之。小水即通。

「審查意見」先喫生鷄子。意欲取其清火。繼用麝香浸法。頗有效驗。但麝香價昂。在貧者無力購買。而富者可延醫以通尿管直放之。不必如是煩瑣也。

◎玉龍散

玉簪花

蛇蛻各二錢

丁香

共爲末。每服一錢。

黃酒冲服即通。

「審查意見」此方宜於腸胃虛寒。所謂中寒停水者。丁香始爲適應。否則不宜。

◎一方 治女人不得小便。

紫苑研末。用井花水調服三撮即通。如小便下血。服五撮止。

「審查意見」紫苑治血漏與尿血。曾試有效。其能否通利小便。尙待經驗。
◎顛倒散 治大小便不通。此前後熱結也。必用此散以治之。

川大黃 滑石粉各六錢 皂 角三錢 爲末。黃酒冲服。

如大便不通。大黃六錢。滑石三錢。如小便不通。大黃三錢。滑石六錢。

皂角三錢。大小便俱用。

「審查意見」因熱結而致二便不通。此方已得其要。但皂角究爲欠妥。宜去。

泌尿生殖器病

小便不通

淋病

二八八

之。否則必致嘔吐。

◎又方 六七月間尋牛糞中大蜣螂。用棉穿起陰乾。取全者放磚上焙之。以刀從腰切斷。如大便秘。用上半截。如小便秘。用下半截。研爲末。新汲水調服。如二便閉。全用神効。（蜣螂能通滯。不知能否利二便。）

◎治大小便不通用藥無効。

玄明粉輕者五分。重者一錢。水送下卽通。

「審查意見」此清熱瀉下之義。無他特別。但恐量小力弱。不足達所望之目的。以二錢至三錢方可。

淋病

淋者。小便澁痛。不能通利之証。瀝者。小便灼熱。淋瀝點滴而下。不能暢通之証。古醫分淋有五。氣血膏砂熱是也。論其原因。多以濕熱咳之。瀝則明係膀胱

膀胱之火。清火利便。則尿自通。以近日實質之攷察。據西歷一千八百七十九年奈蘇兒氏。始發見爲一種球菌。稱曰淋毒球菌。其傳染。概由交媾而直接感受。間亦有因接觸附有病毒之服物器皿等。而間接染及者。特甚罕耳。故其治法。宜採用洗尿道法。以直接滅其病原菌。內服適應湯藥。以直搗其巢穴。如熱淋則清熱。血淋則和血。砂淋膏濕。則化濕濁。茲查所列驗方。對於症候上。毫無規格。混淆殊甚。用者務細辨之。又小便淋瀝。非小便頻數。瀝爲熱數爲寒。一爲不能利。一爲通利太過。切勿誤施。

◎治男子血淋不止

陳枳壳

海金砂各七錢

川黃連一兩

生甘草五錢

瞿麥一兩

飛滑石七錢

冬青子一兩

王不留行一兩 右分作七劑。燈心引煎服。

「審訂意見」治血淋。宜去枳壳。生草用稍。加牛膝乳沒木通歸尾赤芍等之

泌尿生殖器病

淋病

二九〇

行血藥。

◎又方 馬鞭草不拘多少。以水洗淨。入石臼內搗爛。取自然汁半盞。和生酒一杯。燉溫服。三服即愈。

「審查意見」馬鞭草治血淋。僅一通耳。恐未必能收全効。又生酒非血淋証所宜。當去之。

◎又方 浮小麥加童便炒爲末。沙糖調服。一服即愈。

「審查意見」浮麥合童便。能清營熱而靜心神。治血淋頗有深意。然無專使。似嫌力薄。宜加生草稍丹皮丹參木通乳沒等較佳。

◎又方 男子頭髮。燒灰存性調服。

◎又方 川牛膝一兩。水煎早晚服。

「審查意見」髮灰消瘀通滯。牛膝行血最妙。簡便可試。

◎治小便下血立効方 旱蓮草 車前子各等分 杵自然汁每日空心

服一盞。

「審查意見」煎車前子。相沿以布包煎。殊失其濃度之成分。不免力薄。茲可不必布包。添較多之水。防其焦壺。澄渣濾清。頓服。定收良効。

◎治小便出血疼不可忍者 淡豆豉一撮。煎湯服。

「審查意見」豆豉治本症。其理不明。有効與否。尙待試驗。

◎治小便下血淋症 益母草搗汁服。一升即愈。

「審查意見」小便下血點滴疼痛。治當分別虛實。虛者。不甚疼痛。不覺難下。實者。點滴不通。刺痛難忍。虛則補斂血液。實則行瘀疏滯。益母善通血液。以治血淋之實者。必獲佳果。

◎又方 用苧麻根煎湯飲之。

泌尿生殖器病 淋病

二九二

「審查意見」苧蔴根解熱潤燥。的是効方。

◎琥珀散 治小便下膿血。

琥珀 海金砂 沒藥 蒲黃各等分 爲末。每服三分。食前通草湯下。

「審查意見」小便下膿血。非膀胱炎即尿道炎。可用觸診法。觸其小腹。以兩手指。搯其腎莖。痛在何部。即可知其炎症之所在。琥珀散係古方。乃通瘀消炎之良劑。

◎治小便下血 新地骨皮洗淨搗汁 如無汁。以水煎取汁。每服一盞。加酒少許。

食前服。

「審查意見」小便下血與血淋。二症迥不相同。一無便澁之痛。一則有之。便血多屬虛。治宜溫補收斂。山萸阿膠之類。血血多有滯。行瘀活血。在所必須。骨皮僅可清熱和血。難期必効。

◎蒜連丸 治大小便下血。

獨蒜頭 不拘多少搗如泥。以黃連末爲丸。如桐子大。每用四五十丸。空心陳倉米湯下。

「審查意見」二便下血。是由器官中之血管破裂。蒜本溫熱。雖有殺菌之功。但治二便下血不切。

◎又方 陳敗棕炭存性研末。每服二錢。空心酒下。

「審查意見」棕炭治便血或小便血。可備用。因有止血之功。若血淋則非棕炭所可治。

◎小便淋瀝 車前子四錢 竹葉五錢 水煎入紅糖三錢。露一宿。攪勻。次早溫服。

「審查意見」此方只宜小便淋瀝。不甚通利。而色黃赤。尿道中有灼熱之感。

泌尿生殖器病 淋病

二九四

者。方可用此。為清熱利水之藥。

◎治熱淋澀痛 蕭蓄二錢 煎湯頓服即愈。

◎又方 地膚草 不拘多少。搗爛取汁飲之。

「審查意見」果為熱淋澀痛。蕭蓄自屬正藥。地膚清熱利濕。二方俱可備用。

◎治小便淋瀝疼痛 血淋 山梔子炒黑研末 每服一錢。滾水下。

「審查意見」山梔能淨血。炒黑尤能止血。尤為有效單方。

◎治熱淋 車前草洗淨連根搗爛 以井花水調勻。濾取清汁。空心服之。

◎萆薢分清飲 治真元不固。不時白濁。或小便頻數。凝如膏糊等症。

益智仁 川萆薢 石菖蒲 甘草 白茯苓 烏藥各一錢 水煎入

鹽一撮溫服。

「審查意見」本方治濕濁凝滯。清濁不分之便濁症。下元虛寒。堤防不固之

尿頻數症。若灼熱疼痛之急性淋症。大非所宜。又甘草須用稍。治慢性淋有効。

◎五淋散 治肺氣不足。膀胱有熱。水道不通。淋瀝不出。或尿如豆汁。或如砂石。或冷淋如膏。或熱淋尿血並治。

赤茯苓六錢

生地黃

建澤瀉

川黃芩各三錢

生甘草

全當歸

廣木通各五錢

炒赤芍

車前子

滑石粉

山梔子各一兩

右作五劑。水二盅。煎九分。空心服。

「審查意見」此治淋症習見之方也。熱淋固無不適。虛寒及慢性者。斷不適。用。生草宜用稍。方可通過溺道。

「訂正主治」治膀胱有熱。水道不通。淋症不出。……或如沙石。尿道灼熱澀痛。証明其爲尿道。或膀胱。攝護腺等之發炎者。

◎三仙散 治下寒流白。

輕粉錢

乳香二錢

地膚子二兩

研細末。每服二錢。熱黃酒調服。

「審查意見」此方恐中輕粉毒。須慎用。

◎又方

紫花地丁錢二

研末白酒調服。

「審查意見」紫花地丁治淋症。仍治熱淋症痛者。虛寒不宜。

◎又方 小如意草不拘多少。煎湯溫服。又熬水薰洗腎莖亦好。

「審查意見」如意草即牛蒡。蓋取滑竅通經之義。

◎一方 治婦人白淋白帶。

石蓮子

白茯苓各等分

爲末。每服三分。空心黃酒調服。

「審查意見」石蓮健胃。茯苓滲濕。淋帶治法。其大旨不過如此。但兼用洗滌

尿道。則效尤捷。

遺精

遺精一症。古人以有夢爲心病。無夢爲腎病。濕熱爲小腸病。其治法。大抵以填補心腎爲主。有濕熱者。則利溼清熱。火浮動者。則滋陰潛陽。此症之成因。或以病後衰弱。精囊不固。或爲情竇初開。妄爲手淫。或因勞傷神經之衰弱。或因縱慾房事之過傷。皆足以成本症。藥物療法。其效甚尠。要在去其原因。而善養之。古人云。千滴之血。乃能成一滴之精。可知精液之最爲可貴。頻頻遺洩。殊爲剝削身體之加大利器。近今有爲青年。幾無不苦於此者。凡欲預防。並望根治者。必須（一）慎起居。節飲食。免致全體生理起變化。（二）節思慮。謹勞腦。免致神經被困而衰弱。（三）情竇初開。要明白手淫的危險。極力壓制慾火。（四）房事不可多。以免精囊不固。少談戀愛。實爲減却預防本症之惟一方法。

◎白龍湯 治男子失精。女子夢交。盜汗等症。

酒白芍

煨龍骨

煨牡蠣

桂枝各三錢

炙草三錢

水二盅。煎八分。棗二枚。溫服。

「審查意見」此仲景經方。治上流諸症。因寒者有效。

◎治五淋遺精。馬眼疼痛。

明礬一兩

炒山中一兩

黃蜡一兩錢五

「審查意見」五淋遺精。馬眼疼痛。是當以淋為重矣。蜡礬丸止痛有效。炒山

甲易車前子較佳。按急性淋証。用黃蜡白礬。功效恐不其確實。姑闕疑

以待。

◎治失精暫睡即泄。

白龍骨四分

萘菜子二兩炒

為末。每服二錢。空心黃酒調下。

「審查意見」遺精而至一睡即泄。虛勞末期。往往見之。此乃體質大衰之証。

雖施培補。亦難復元。龍骨。韭子。溫遊精囊。備此一格可耳。

◎如聖丹 治腎臟虛憊。夢遺鬼交。

嫩白松香不拘多少 用水煎拔四五次。為細末。以滾水泡蒸餅為丸。如桐子大。每服五十丸。滾白水送下。

「審查意見」松香恒用為外科藥。雖有內服者。亦以內瘍為目的。治遺精之効不確。

◎固精丸 專治夢遺白濁神效。

煨龍骨

石蓮子

去心 各二兩

廣木通

五味子各三錢

石榴皮 一兩五錢 炒

蒺藜

韭菜子

口防風各五錢

枯礬

蓮鬚各一兩

共為末。米飯為丸。早晚服。每服二錢。白湯下。臨睡時。細帶繫緊大腿上。

早起解去。臨睡又繫。

「審查意見」蒺藜應為沙苑蒺藜。除去枯礬防風。方覺純而少雜。功專收瀆。乃治遺精之一法耳。

○又方

炒車前子

陳樹棕

燒灰存性

扁蓄各三錢

為末。作一服。用白酒半斤。或一斤。鍋內煮九炷香。濾去渣服。

「審查意見」通利之藥。不能止遺精。煎用白酒。亦屬不切。

○治夢遺

核桃仁

四兩搗爛

黃蠟

二兩

化開為丸。桐子大。每服三錢。滾水下。

「審查意見」核桃仁配黃蠟。其効不確。

○又方

五倍子兩

白茯苓二兩

為末。麵糊為丸。桐子大。每服三錢。白

水下。

「審查意見」五倍收斂。茯苓利濕。治夢遺尙是一法。少清熱之藥。

◎又方

知母二兩薑汁煮
蜜蒸糊為膏

車前子一兩
焙

川杜仲鹽水炒

黃栢鹽水炒各二兩

為末。米麵糊為丸。每服二錢。滾水下。

「審查意見」遺精頻頻。屬於相火（即副腎髓質起變化）之妄動者。必有耳鳴。牙疼。目赤。唇如塗硃之見症。知栢清熱。杜仲填補。應有效驗。

陽痿

古稱男子以八為數。八入則陽盡而無子。其逾八入而能生育者。乃稟賦之強厚。若少壯及中年患陽痿者。多由縱慾過度。傷及肝腎。或由曲連神思。神經衰弱。大怒大恐。神經震亂。皆足以致陽痿。治法於培補之中。佐以興奮之品。其大怒大恐者。則安撫神經。用鎮靜之法。而於慾念。須絕對禁忌。俗以陽痿為陽氣大衰之証。純用辛熱溫燥之藥。劫燥津液。終至全體被傷。反致無益有害。可不慎哉。

泌尿生殖器病 遺精 陽痿

三〇二

◎延齡丹 一名烏龍丸。此方係八十二歲林老翁傳。

烏龍 即丈夫骨也玉腦骨至尾一條全用好醋浸一宿煮醋乾再用酥炙聽用

鹿茸 酥炙八錢

巴戟 酒浸一兩

沉香一兩 石蓮子 去壳心一兩

遠志肉炒五錢

大茴香五錢

石燕子 雄雌各三對燒紅投薑汁內淬七次

破故紙 炒五錢以上為末聽用

何首烏 黑豆蒸九次四兩

熟地 酒洗一兩

床子 炒二兩

芡實肉二兩 當歸身 酒洗一兩

川芎一兩

酒白芍

酒生地 天門冬

麥門冬

馬蘭花

冬青子 楮實子 酒洗各一兩

母丁香廿個

枸杞子四兩

金櫻子 一斤去核

以上各味。用水一斗。煎至一升。去渣取起。涼冷聽用。和入藥內。又用黃雀四十九個。酒煮爛搗勻。用藥末烏龍骨為丸。桐子大。每服三錢。

「審查意見」陽痿之屬於先天者。無治愈之可能。其年老不舉。爲生理的衰弱。亦無治愈之希望。惟在青年而陽痿者。或因神經之衰弱。或因房事之過傷。必須寡慾清心。靜養年餘。內服滋補及興奮藥。或可恢復原狀。若專恃藥餌。未必有效。本方除去冬青。金櫻。馬蘭。加核桃仁。清晨淡鹽湯下。似較確實。

◎太乙種子方 專治陽痿不起。精少無子者。

魚

鱧四兩炒珠

眞桑螵蛸四兩

韭子二兩

蓮鬚二兩

九熟地二兩

川杜仲二兩

川牛膝酒浸

枸杞子焙

沙蒺藜炒

肉蓯蓉酒洗去麟甲

兔絲子酒洗

天門冬

炙龜板

炙鹿茸

破故紙酒浸炒

白茯神

遠志肉

去骨甘草水泡

酒當歸

人參各二兩

青鹽五錢一包

泌尿生殖器病 陽痿

三〇四

蜜丸。桐子大。空心服二三錢。如覺胸膈痞塞。服枳壳湯以疏之。

「審查意見」一派滋膩補腎之藥。腸胃不壯者。服之必膩膈減食。總之。陽痿

治法。須在日常營養品上注意。並靜心寡慾。藥物療法。雖不可棄。但非

專以藥物可根治者。又此方宜加山查陳皮枳壳。以防膩滯之弊。

◎治脾腎兩虛。陽痿。精髓不固。 兔絲子四兩酒煮 北五味 沙苑蒺藜

覆盆子 蓮鬚 山萸肉 巴戟甘 枸杞子各二兩

共為末。蜜丸。每服三錢。

「審查意見」精髓不固。則其遺精或交媾早泄可知。本方有收斂止瀉之效。

但本証與陽痿各別。陽姿之証。必陽物不能勃脹。亦有因局部神經萎

弱。而無關全身衰弱者。但其症甚少。其全身不衰者。當用外治方法。以

興奮該部之沉滯。本方一味呆補。治陽痿不甚合法。

◎治陽痿方 猪子腸新瓦上焙乾爲末。每服一錢。燒酒一盅調服。一次能

管一月。

「審查意見」猪腸治陽痿。是否有效。尙待試驗。

◎治男子陽痿囊濕女子陰癢 蛇牀子煎湯。洗之卽愈。

「審查意見」囊濕陰癢。本方洗之可愈。加地骨皮花椒等尤效。但與陽痿無關。雖用未必能効。

◎治囊濕搔癢方 蘆甘石 蛤粉 爲末撒之。

「審查意見」囊濕搔癢。列入陽痿篇。不切殊甚。二味性能吸濕。治上症當然有効。但煨用較妥。

◎又方 白梁米粉 石菖蒲爲末撲之。

「審查意見」燥濕吸水。必獲佳果。

泌尿生殖器病 陽痿

三〇六

◎養元湯 壯元固精。益氣補虛。精液不洩。種子神方。

全當歸

川芎片

炒白芍

生甘草

酒熟地

炒杜仲

淫羊藿各一錢

炒杏仁

白茯苓

金櫻子

去刺各半錢

甘枸杞

川牛膝各錢八分

石 斛錢四分

水煎服。連服十劑方好。壯

陽固精之藥。若陽痿。加山萸肉。菟蓉各一錢。

「編者意見」此等藥若製為丸或散劑。則有妨胃之害。反不若湯劑為優。但此等藥功效甚緩。多服湯劑。似覺非宜。煎膏亦可。生草宜易炙草。

◎九仙靈應散

治男子陰濕陽痿不舉。

黑附子

蛇床子

遠志

海螵蛸

九節菖蒲

紫梢花

木鱉子

丁香各三錢

潮腦錢半

為末。每服錢半。

水煎一碗溫服。

「審查意見」此方不宜內服。煎湯熏洗。則可興奮局部之不振。

◎一方 床子 防風 蒼朮各三錢 透骨草五錢

火 硝兩 水煎燻洗。

「審查意見」此與前義同。水煎熏洗。亦有興奮功效。

◎腎囊腫 蟬蛻五錢 煎湯熏洗。

「審查意見」腎囊腫。除水腫而至囊腫不易施治外。餘則多係濕濁。蟬蛻能散濕濁。煎湯熏洗。必收良効。惟此症不宜列此。

◎暖臍膏 韭子 蛇床子 附子 肉桂各一兩

獨頭蒜一斤 川椒三兩 六味用真香油二斤浸十日。加丹熬

膏。 硫黃 母丁香各六錢 麝香三錢 爲末。蒜搗爲丸。如豆

大。安臍內。用紅緞攤前膏貼之。

泌尿生殖器病

陽痿

三〇八

「審查意見」溫熱辛香之藥。安於臍眼神闕穴。其性必能直射腹中。下元寒者可用。

◎洞府保養靈龜神方

炙甘草

天麥冬

製遠志

川牛膝酒浸

酒生地

蛇床子酒洗

兔絲子酒蒸

肉蓯蓉

虎腿骨醋炙

鹿茸酒洗

川續斷酒洗

紫梢花

木鱉肉

穀精草酒洗

杏仁

官桂

大附子童便製油炙

以上十八味各三錢。或各一

兩。用油二斤四兩。熬枯濾渣。熬至滴水成珠。下。

松香四兩

黃丹八兩

雄黃二錢

硫黃三錢

龍骨三錢

蛤蚧一對

赤石脂

製乳沒

沉香

母丁香

木香

麝香

蟾酥

鴉片

眞陽起石各三錢。爲細末。諸藥下

完。不住手攪。入磁罐。下井中。浸三五日。出火氣。方可用。每張用三錢。攤貼兩腎俞穴。及丹田。又臍外用汗巾縛住。勿令走動。六十日一換。

此膏能固玉池眞精不洩。靈龜不死。通十二經脉。固本全形。如海常盈。百戰百勝。強陽健腎。返老還童。烏鬚髮。補精髓。助元陽。治五勞七傷。半身不遂。下元虛損。疝氣。手足頑麻。陽痿不舉。白濁下淋。婦人帶下血淋。并皆治之。如常貼諸疾不生。延年延壽。體健身輕。如撲打損傷諸瘡。貼之亦効。如交媾不洩。揭去卽洩。而成胎。如不信。將衰老人試之。可驗。功效無比。修製時須擇日齊戒。勿令婦人雞犬見之。每張六七錢至八錢止。

「審查意見」凡人體工新陳代謝之機能。極度沈衰時。則體溫發生減少。故

泌尿生殖器病 陽痿

三一〇

有惡寒蜷臥糞便溏。小水清。陽痿不舉。精寒自流等症。進而致心臟衰弱。脉搏微細。口唇與四肢之末端。鬱血厥冷。且四肢之運動神經。因營養不足。而起不全麻痺或全麻痺。知覺神經。因停滯老廢物之刺戟。而起異常感覺或疼痛。以至筋肉亦為營養失調而弛緩。此等全體之弱症。統因新陳代謝之機能沉衰而致體溫不足所致。此際用大溫大熱之品。或內服。或外貼。則能振起復興。是等之機能。此方之功用。大要如此。

◎壯陽膏 甘遂二錢

大附子 三錢燒酒
泡透曬乾 阿芙蓉 乳汁
泡開

母丁香

蟾 酥各三錢

麝 香三分

為末。多年薑葱汁二碗。煎成膏。

將藥入膏內攪勻。裝瓷罐。攤貼臍上。

「審查意見」此膏宜治水腫。及少腹宿水。宜去甘草。便覺無害。但用治陽痿

不切。

◎封臍固陽膏 頂大附子薑汁製陰乾 蟾 酥四錢 麝 香五錢

升 硫一錢六分

爲末。用淫羊藿二兩。白酒二碗。入羊藿熬煎好時。去藿不用。將酒熬成膏。和藥末爲廿四丸。磁罐盛。如用時。取一丸。放臍中。不拘甚膏藥貼之。其陽自然起也。

「審查意見」此與前洞府方之目的相同。但不如該方之周全。

◎製硫黃法 用硫黃半斤。牛糞一斤。共搗入陽城罐內。半肚火升。濕青布蓋口。升起。布上硫可用。糞內硫不可用。

「審查意見」壯陽功甲。不如用天生硫黃。

◎崑治陽痿 大附子燒酒泡軟 用銀簪鑽七孔。每孔入紅娘子一個。外用

綿紙包裹。水濕煨熟。取出紅娘子不用。切片晒乾爲末。又用公鷄肝花一個。雀腦三個。團魚胆三個。三味研入附子爲末。丸桐子大。每服一丸。黃酒送下。解此藥用皮硝二錢。煑紅棗十個。每用一個。

「審查意見」此方壯陽之力太猛。切勿多服。若服之過多。恐引起咽喉腫痛。因其性太熱故也。但用治陽痿仍然不切。因治陽痿証。另有專藥也。
淫羊藿一個 酒一斗 浸經三日。飲之妙。

「審查意見」羊藿止催淫耳。無他主藥。不宜久用。

◎治陽痿不起 草蓯蓉二斤 以好酒一斗浸之。經宿。隨意早晚飲之。

「審查意見」蓯蓉溫補。其性和平。但非治痿專藥。

◎一方 降房燒灰存性。爲末。每服一錢五分。涼水送下。

「審查意見」降房恐是蜂房之誤。蜂房雖能治陽痿。但有毒。不宜內服。中其

毒者。無法解救。慎之慎之。

◎治陽衰陰痿不舉 天 雄

兔絲子各等分 爲末。用雀卵清爲丸。桐

子大。每服十丸。空心黃酒下。

「審查意見」此亦興奮之品。能增加體溫。縮小便。但不能治陽痿。

◎補腎壯陽丹 此藥最能添精補髓。保固真精不洩。善助元陽。滋潤皮膚。

壯筋骨。理腰膝。其效如神。

蒺 藜 一斤酒洗
炒黃

蓮 鬚 八兩
炒

山 萸 肉 酒浸一夜
蒸焙乾

川 續 斷 酒洗
蒸

覆盆子 去蒂
酒蒸

枸 杞 子 酒蒸

金 櫻 子 膏 各四兩

兔 絲 餅

芡 實 未 炒 各八兩

五 花 龍 骨 醋煨三五
次一兩

爲末。金櫻子膏量加白蜜爲丸。

桐 子 大。每服三錢。空心滾水下。

「審訂意見」此方於滋補之中。加入收澁之品。治遺精或可有效。治陽痿則

未必能驗。但多服恐有妨胃之害。

小兒科 吐瀉

◎燒針丸 治小兒吐瀉如神。

黃丹水浸 枯礬 硃砂各等分 用小棗肉牛搗爲丸。

如櫻桃大。每服一丸。戮於針尖。放燈上燒燃。研爛。冷米泔水送下。吐瀉食後服。泄瀉食前服。一歲至三歲一丸。三歲至五歲二丸。

「審查意見」泄瀉爲胃粘膜炎分泌多量液體之故。本品有抑止收澁之效。故能治上列所主治之症候。以治水瀉尤佳。

◎治小兒吐瀉不止。

乾團粉三錢 用雞蛋清攤調紙上。貼額門。瀉止去藥。如嘔吐不止。用

此藥貼足心。其吐立止。

◎大人小兒惡心嘔吐不止 蘿蔔葉搗爛取汁飲即止。

「審查意見」惡心嘔吐不止。胃氣之上逆。蘿蔔葉有刺戟胃部疎通氣滯之效。故服後必作噫氣。能使胸膈飽悶者頓舒。惟此方非治吐專品。如氣弱者。用此無效。反恐傷胃。

◎治小兒吐乳不止。蚯蚓糞爲末。每服五分。空心米飲下。

「審查意見」小兒嘔吐。不外停食。受風。或鬱熱氣逆所致。此宜治內有鬱者。

◎治小兒吐瀉。慢脾驚風。一二歲可服。

硃砂五厘二歲以上一分 全蝎一個去脚毒 爲末。白湯調服。
三歲四分 一歲一個三歲兩個

「審查意見」此爲治驚風流行之單方。吐瀉無效。

◎小兒嘔吐不止 硃砂一分團 粉三分黃 土五分 以涼水調下即止。

「審查意見」此方有鎮逆並保護胃內粘膜之功。持續或發作性之吐者可用。驟然嘔吐者不宜。

◎封臍丸 治小兒吐瀉。

肉

薏麵裹煨
熱錢半

雄黃末一錢

為末。醋糊為丸。黃豆大。晒乾。每用一

丸。醋泡少時。放臍內。以膏貼之。

◎狗皮膏 貼小兒瀉痢。兼可作封肚暖臍膏。

木鱉子十個
打碎

杏 仁四十九個

桃柳枝各四十九寸 用脂麻油七

兩。將藥入內。炸黑枯色。去渣淨。入飛過黃丹三兩。用槐柳攪令煙盡。滴

水成珠。待溫。再入乳香 沒 藥各五錢 麝 香一錢 研末。攪勻。

入水中。退火氣。貼皮上。貼腹臍神效。

「審查意見」上一方治寒積痞塊。及虛寒泄瀉。糞色青白者有效。

外科 陰蝕瘡

婦人之性多偏而多鬱。若有不遂。則心肝腎三經之火。勃然而起。遂致陰中生瘡。其類不一。或生陰蝕瘡。或生陰茄。或生陰覃。或生疔瘡。或生癰花瘡。或牛隱瘡。極痛極痒。狀如虫行。淋瀝膿汁等症。皆由濕熱與心火相繫而生。惟陰病難治。性氣和緩之婦。胸次袒夷。服藥易治。若性悍妬之婦。習與性成。服藥百貼方愈。必須忌口絕慾。戒性爲要。當以補心養胃。與茯苓補心湯。內補託裏流氣飲。間服之。其陰中腫塊如棗核者。名陰茄。匾如覃者。名陰覃。陰中極痒者。名陰蝕瘡。(脫)名隱瘡等症。

◎茯苓補心丹陰蝕服方 白茯苓 乾葛 前胡 桔梗 半夏 甘草

陳皮 白芍 紫蘇 人參 半夏 當歸 熟地 川芎 枳壳

薑三片。棗二枚。燈心引。水煎服。

「審查意見」此方除去人參。治血虛感冒者有效。治陰蝕瘡。似不甚切。蓋陰蝕瘡。多係濕熱下注。宜用龍胆瀉肝湯加減。以利濕清熱。尤宜兼用外治法。

◎補心養胃湯 陳皮 半夏 茯苓 甘草 白朮 黃連 當歸

川芎 生地 青皮 白芍 檳榔 烏藥 遠志 滑石 山梔仁

胡連 車前子 水煎服。

「審查意見」此係一派苦寒利便之藥。治濕熱可以斟酌加減。

◎內補託裏流氣飲 甘草節 茯苓 澤瀉 猪苓 紫蘇 山梔

黃連 白朮 當歸 川芎 生地 白芍 人參 黃芪

木通 青皮 香附 苦參 白蒺藜 水煎服。

「審查意見」此方雜亂無章。毫無處方法度。用時宜酌減數味。至人參黃芪。

體壯實者。不可漫用。

◎冰黃膏 用黃連二兩。水二碗。文武火煎至一碗。濾去渣。再重慢火煎至一酒盃。加冰片三分。麝香二分。輕粉五分。硫黃末一錢。俱研末調和。以鵝毛潤陰內立効。

◎抹散 黃連末 鹿角灰各一錢 紅絨灰七分 鷄內金灰一錢

兒 茶七分 珍珠末 冰片 輕粉

麝 香各五分 爲細末。乾撒患處。

◎洗方 芭蕉根搗爛煎湯。溫洗避風。

◎又方 川 椒五錢 蛇床子半斤 白礬三錢 艾一兩

桃柳枝各七寸 苦 參一兩 米泔五六碗。煎滾去渣。乘熱

薰洗。

「審查意見」上列外治數則。既能消炎。又能殺菌。洵屬良法。川椒。艾葉宜少用。否則刺戟疼痛。米泔煎法頗佳。以能減弱刺戟性也。

◎治陰匿瘡

雄黃一錢

硫黃五錢

桃仁一錢

木鱉子

一枚去壳
剉片

艾五錢

入煎藥內作條。放在馬桶內薰之。虫卽出。(殺虫法佳)

◎陰中極痒

大蒜搗碎。煎湯洗之。後以杏仁燒煙盡。研末。綿裏納陰內。

◎又方

或牛鷄猪肝煮熟入陰戶。其虫入肝內。又水銀輕粉雄黃和棗研細。無星爲度。入陰戶。

「審查意見」

以肝納陰戶卽妙。水銀等不可輕用。恐中毒。

◎陰冷

母丁香十粒。研末。縫紗袋內。如指大。入陰戶。

「審查意見」此治標之法也。陰冷而有全體衰弱者。宜兼服八味丸。

◎陰中堅痛

白礬五錢

生大黃

生甘草各二錢半

爲末綿裏如

棗核大入陰內（功效不確）

◎陰中生癢用黃芩湯 當歸 黃芩 川芎 大黃 白礬各二錢

黃連二錢 水煎洗之。敷硫黃輕粉雄黃末。（輕粉不宜）

◎治繡球風方又名腎囊風 龍胆草一錢洗 連翹一錢 酒生地一錢

澤瀉 錢 木通六分 車前子 黃芩 梔子 歸尾 各六分黃連

生草五分 荆芥 防風 蟬蛻各一錢生薑三片空心服。

「審查意見」雜湊成方。不合法度。應斟酌加減。始可以言清熱敗毒。

◎洗方 蛇床子 威靈仙 苦參 歸尾 生草各五錢 加蒜瓣一把。水

煎薰洗。

「審查意見」洗方極佳。宜珍視之。

口腔病 針 海泉 人中 合谷

口腔病 口瘡

三三二

口腔諸病。有原發性續發性二種。原發性者。不外因溫熱器械化學之刺戟而起。續發性者。續發於傳染病。及諸全身病或腸胃病之後。治當辨虛實。別寒熱。如無全身病症。以含漱之局部療法爲佳。切勿雜投湯劑。而致欲益反損也。

口瘡

◎治口舌生瘡 川黃連三錢 石膏蒲一錢 水煎服。

「審查意見」口腔生瘡。多由胃火濕熱。與宿食積垢所致。若發於貧血衰弱之體。又當兼顧全身病狀。不宜概施寒涼。如屬單純性之口瘡。以含漱塗布爲佳。黃連苦寒。切宜慎用。

◎治口瘡 用陳白螺螄壳燒灰。加兒茶少許爲末。吹患處。諸瘡悉治。

◎又方 硼砂 兒茶 薄荷各二錢 青黛一錢 冰片五分爲末擦之。

「審查意見」此方瀉熱殺菌。爲外治之良藥。

◎又方 生黃栢蜜炒 研末塗之。(備試可也)

◎又方 孩兒茶口內噙化即愈。

◎赴宴散 治口瘡三焦實。口舌糜爛。痛不可忍。

黃連 黃栢 黃芩 梔子炒黑 細辛 乾薑各等分 共爲末。先用

米泔水漱淨口。後擦藥。吐涎不拘。

◎水火散 治口內生瘡神効。黃連二兩 乾薑一兩 爲細末。擦於瘡上。

疼痛即止。

「審查意見」口舌生瘡。紅腫而痛。以常法施之無効者。上三方俱可試用。

◎夏子益奇疾方

治口內肉毬。有根如線。長五寸餘。如釵股。吐出。乃能食物。捻之則疼徹

口腔病 口瘡

三二四

心者。麝香錢 研水日作三次服之自消。

「審查意見」此症恐係口腔瘤。應以手術治之。所用麝香恐難如意。

◎治口內紅白口瘡。鵝口。繭唇等瘡。

黃栢大片火炙。塗蜂蜜各兌 炙乾爲末。上瘡嚥下。或作丸亦可。(甘苦

涼潤法)

◎涼膈散 治三焦實火。煩渴。口舌生瘡。小水赤黃。大便結澁等症。

川大黃 芒硝 桔梗 連翹 梔子 黃芩各一錢 薄荷五分 甘草三分 水煎服。

「審查意見」此河間方也。必爲三焦實火。而有上述諸症者。方可試服。否則

不敢輕用。

◎牛香膏 治口氣熱。臭

甜瓜子去壳研細。入蜂蜜少許。調成膏食。後含化。

「審查意見」口臭。多因胃中宿食鬱熱。但宜清胃消食。此方未必有效。備之

以供試驗。

◎治口臭 兒茶四兩 桂花 礪砂 南薄荷葉各五錢 製法甘草熬膏。

作丸噙化。

「審查意見」用此藥。宜兼服清胃消食之劑。蓋凡口臭。而胃末有不熱者。

又按此方治因口瘡。而有粘液分泌物之口臭有效。

◎又方 丁香 藿香葉 零陵香 甘松 香附 白芷 當歸 益智

仁 白豆蔻 桂心 檳榔各一兩 蜜丸桐子大每。噙五丸。二十日見效。

「審查意見」此以香辟臭之義。毫無深意。恐香燥助熱。愈增其臭也。

◎治唇裂生瘡 用瓦松生薑搗和。入鹽少許。搗塗。(生薑不切)

◎治冬月唇乾出血 用桃仁搗爛。猪油調塗。(有潤燥之效)

口腔病 口瘡 舌病

三二六

◎治缺唇方 白丁香即雄雀糞 胡椒各七粒二味爲末。燒酒調作麻藥。

割開破唇。以龍骨白蠟爲丸。擦上。以花針縫之外。將篋板夾住。居靜屋內七日。勿許哭笑。恐裂開唇口。

「審查意見」補唇術。西法甚精巧。宜採用之。此方效恐不確。

舌病

◎治喉風舌大如脬。即時不救即死。

火硝 硼砂各三分 胆礬 青黛各二分 殭蠶五分 冰片一分

共爲末。吹之即愈。

「審查意見」舌大如脬。即舌脹耳。宜兼刺舌下二穴。

◎治舌腫神方 此症卒然舌大腫硬。咽喉閉塞。即時氣絕。至危之症。

用皂礬不拘多少。以新瓦火煨變紅色。於地上候冷研細。用將病人用

鐵鉗拗開牙齒。以藥擦上。其舌即活。

「審查意見」此藥腐蝕收斂之力過強。不如上方純全。

◎治舌上出血 用香薷煎服。

「審查意見」香薷辛散溫解。爲暑月麻黃代品。止血之理不明。

◎又方 舌忽脹大。用雄雞冠血塗舌。嚥下即縮。

「審查意見」雞冠血治舌脹。古刊單方俱載之。其理若何。是否有效。不詳。

◎治舌腫。用蒲黃摻之効。

◎舌長過寸 冰片研敷之。即効。

◎治舌衄出血 槐花末敷之効。

◎治舌上生瘡 生黃栢八分 孩兒茶一分 研末

擦之。

◎斷舌方 兼治臘燭疔此疔陽物不伸不縮而直挺者

用黑狗頭一個。連毛剖開。入黑鉛一兩於腦內。用鹽泥封固。入大炭火內煨紅。取出聽用。

將鉛一錢化開。入汞一錢於內。研極細。配細藥 乳香去油 製沒藥 各一錢 輕粉二分 硼砂一分五厘 雄黃一分 寒水石四分共爲細末。同鉛汞和勻。收磁瓶內。封口。不可洩氣。一料止收一年。次年藥性去。不可用矣。

如斷舌二三日俱可治。一日更妙。先以米泔水。熬連鬚蔥水洗淨後。用綿胭脂擦乾。將藥敷上。二刻。舌生津液。味復如初。即刻去藥。如遲。恐舌太長。

「審查意見」舌被傷而截然兩斷。用任何藥。亦難再合。如破裂而連續未離。

珍珠象牙及其他生肌長肉之藥。爲最適宜。此方配製頗煩。藥性又嫌腐蝕耳。

◎治龜頭 以葱鬚煎湯。薰洗。上藥。一夜可長半寸。如不足。次夜再搽。合勢則止。用甘草水洗淨。忌魚腥。公雞。羊肉一月。

「審查意見」此條詞意脫落。不知治龜頭何症。又不知上何等藥。且謂一夜可長半寸。亦難信從。

◎又方 治斷舌。並疔瘡。蝕至玉莖。俱可立長復原。用黑鉛五錢。化開。卽投汞二錢二分。研至不見星爲度。又用寒水石三錢半。輕粉二錢半。硼砂一錢。共爲細末。用葱艾花椒熬水。洗患處。若怕洗。將湯入瓶內。將龜頭向瓶口薰之。止痛後。再洗。拭乾。搽上此藥。如舌斷。先用乳香沒藥煎水。口噙。止痛後。上藥。卽長如舊矣。

「審查意見」此方殺菌之力頗強。治梅毒性之下疳尚可用。治舌斷。謬誤殊甚。

◎治舌下腫一疔瘡稀爛 用無雜毛的白馬糞。陰陽瓦煨灰。加冰片少許。爲末敷上。

「審查意見」凡灰皆具有鹼性。能凝斂血液。又加冰片之清涼。當期必效。

鯁

鯁者。因誤吞雜物。梗塞咽中。咯之不出。嚥之難下。大有阻塞氣機。妨碍飲食之危險。故須賴藥力以救之。鯁字從魚者。以魚碎骨極多。食魚肉。最易梗咽。此鯁字之定義。外台秘要列諸哽方。三十五首。誤吞物方。一十七首。其方意可分析而論之。大率有取其滑者。如多食羊脂肥肉。能引針箭釘鐵之類。有用其縛者。如韭菜麥葉。能裹鐵釘之類。有用其引者。如磁石吸鐵針之類。有

審 查 徵 集 驗 方

用其類者。如以血餘。燒灰研末。水調服。又如髮灰治吞髮繞喉之類。有用拔法者。如吞鹿筋竹蔑等。取其所哽之物。用手術以拔去之。有用劫法者。如魚筍鬚魚網治魚骨哽之類。有用其制伏者。礦物如汞能軟銀之類。動物如鷓鴣治魚狸虎治骨之類。有用其斃者。如刀鋸漬酒。治竹木哽之類。明理以推法。無往而非治病之取材。是門列方無多。故特附說其原理於此。

◎治魚骨哽 食橄欖卽下。或以橄欖研末。急以水調服自下。

◎治誤吞木屑 以斧頭磨水。徐徐飲之自下。

◎治骨哽神効方 用三柰煎汁。徐徐嚥之。

◎一方 用沙糖噙化。哽自下也。

◎一方 不要四眼人見。急將筍倒過。隨意鉗肉一塊。急吞下。

「審查意見」注意。此方用意。在急字。卽使有效。亦屬偶然。

口腫痛 舌病 齒痛

三三三

齒痛

大淵在掌後內側橫後須動脈中。承漿在頤前唇後稜下宛宛中。閉口取之上牙疼。針人中。大淵。下牙痛。針龍玄承漿合谷。

有齒痛。有斷痛。凡唇頰腫。斷爛赤。能齧能嚼者。斷痛也。不得齧。不得嚼。頰唇如常者。齒痛也。蓋齒為骨之餘而屬腎。斷則手足陽明之所榮絡。現今世人。所患齒痛。屬斷痛者多。其原因不外虫蝕。風火。血液停積。壓迫斷部之神經。更有寒閉血液。不能上榮。內熱充澈。薰蒸上亢者。致斷部神經拘急作痛者。治當別新久。判虛實。庶不致誤。

◎防風升麻湯 耑治牙疼。

軟防風 綠升麻各八分 青皮絲 大生地 全當歸 牡丹皮

細辛各五分

上門牙疼屬心火。加黃連麥冬各五分。
下門牙痛屬腎熱。加知母黃栢各七分。

上左邊牙疼。屬胆。加羌活胆草各八分。

下左邊牙疼。屬肝。加柴胡梔子各八分。

上右邊牙痛。屬太陽。加大黃枳殼各八分。

下右邊痛。屬肺。加黃芩桔梗各八分。

上兩邊疼。屬胃。加川芎白芷各八分。

下兩邊疼。屬脾。加白芍白朮各八分。

以上照方加減。水煎俟溫漱口。再煎再漱。

「審查意見」按少陰之脉。循喉嚨。挾舌本。不能至齒。惟手陽明之脉。入下齒。足陽明之脉。入上齒。故斷痛者。責在陽明之火盛。齒痛者。非虫蝕。卽腎虛。清陽明。如桑菊玉女。殺虫。用含漱藥。腎虛。則宜補腎。外感須散風寒。此爲治齒病之大概。若謂牙之上下左右。分屬五臟。實無稽之談也。

本方散風活血。治風寒之齧痛有效。去升麻細辛加桔梗薄荷尤爲妥當。又細辛有麻烈性。宜入含漱劑。煎湯漱口。有麻醉齧部神經之效。

◎一方 治火牙疼 巴豆去皮一粒。搗如泥。用燈花紙包。

左牙疼塞左耳。右牙疼塞右耳。(恐耳受巴豆刺戟之害)

◎治牙疼方 小麥一大把炒黃 槐枝五七段 花椒三錢 煎湯漱口。

「審查意見」此治虫蝕牙疼者有效。加入細辛葶撥等。其放尤捷。但不宜嚥下。切切。

◎一方 藁豆十粒 胡椒七粒 共爲末。錦囊包。如桐子大。咬牙疼處立愈。

「審查意見」此通俗相傳之單方也。除牙床潮紅腫脹之牙疼外。皆可試用。但恐暫時有效。專恃此方。不能除根。

◎擦牙固齒神方 治牙疼痛。能壯筋骨。老人服之。鬚髮返黑。齒落更生。少

年服之。至老不衰。得遇此者。真有仙緣。當珍重之。不可輕忽。(一段神話令人失笑)蒲公英一斤洗淨

胡鹽

兩

製香附五錢

後二味爲

細末。和蒲公英淹一宿。分爲二十四團。用皮紙三四層裹紮定。又用蚯蚓糞如泥固濟亮乾。以文武火煨通紅爲度。取出涼冷。去泥爲末。早晚擦牙漱口。吐嚙任便。久久自效。(擦牙後不宜嚙下)

◎一方 治滿口齒縫中出血。枸杞子爲末。水煎連渣漱嚙。

「審查意見」枸杞子根。卽地骨皮。能清熱消炎。無論煎服。含漱。俱可治有熱之牙疼。牙縫出血。亦可推而用之。至枸杞子之止血。其理不詳。當以連根煎用爲妥。

◎一方 治虫牙用 天仙子燒烟。以竹筒引烟薰痛處。其虫卽出。

◎一方安 打動牙用 蒺藜根燒灰。以貼痛處卽固。

◎取虫牙方 白芷錢 花椒 韭子各五分 樟腦三分

右爲細末。用紙包少許。塞鼻中少時。取膏藥貼牙疼處。其虫盡出在膏藥上。

◎一方治牙老作疼。欲吊不能落。用此方能落。

鯽魚一尾 去腸淨。將人言末散放在內。吊當風處。自有霜出。掃放磁罐內。用少許點牙根處。令咳嗽一聲。牙卽落。

「審查意見」中醫外科手術。向不發達。故有此繁瑣之注。今既手術漸進。以用鉗子拔去卽可。如此方。配製既費時日。且恐妨碍衛生。不必試用。

◎一方 玉簪花根少對人言末。白礬。共搗爛。上牙根處卽落。

「審查意見」此與前方同。不必試用。以手術拔法爲佳。

◎治牙疼神効方 玄參 升麻 細辛 石膏三錢 溫服。忌煙酒動

火之物。

「審查意見」此治內有熱而外感寒之牙痛。用細辛以三分爲足。若純係內

熱。不如玉女煎。加丹皮桑菊爲妙。細辛宜另煎合嗽。升麻宜易桔梗。

◎一竅散 立止牙疼。 火硝錢 冰片一分 明雄一分 元明粉五分

共爲末。擦患處。

「審查意見」此方火硝明雄。宜熱止疼。外治較內治爲妥。但宜吐去毒涎。不

可嚥下。

◎一方 火硝一錢 硃砂三分 冰片一分 共爲末。擦患處。

◎一方 火硝 硼砂各一錢 冰片一分 爲末擦患處。

◎治牙床出血 苦參一兩 枯礬一兩 爲末。日日擦之。

「審查意見」此方不無止痛之效。但味苦而又作痛。實屬不妥。

口腔病 齒疳

三三八

◎治走馬牙疳 人龍瓦上焙乾。研極細末。青黛少許。冰片少許。研勻吹之。
「審查意見」此方迭經試驗。確效。

◎又方 用蟻螻虫三條。去其黑頭。將手指從尾上挺入翻轉。向瘡擦數次。即愈。
(蟻螻虫係濕爛木中所生。大約在濕潮不淨之處。)

「審查意見」蟻螻或謂即五穀蟲而竄於濕地者。果爾。則不衛生極矣。

◎又方 人中白煨紅 二兩 兒茶一兩 黃栢六錢 南薄荷六錢 眞青黛六錢

冰片五分 研細末。先用溫湯漱漬。吹患處。

內服 銀柴胡 蘆薈煨 胡連 川連 牛子 元參 桔梗

山梔子 煨石膏(不宜煨) 薄荷 羚羊角各五分 水煎服。

「審查意見」外吹方。宜預先修製。以備應用。內服方。似嫌苦寒。無大熱者。切勿妄用。又方內少利血消導防腐利小便之藥。擬去胡連柴胡羚羊。加

生草玉金丹皮銀死連翹大黃滑石等。

◎一方 枯 礬二錢 珍珠錢 冰片三分 鐵杓內炒成

灰存性。又用銀硃五分。共合一處。研細。先將米泔水洗去黑肉。後將此藥吹入牙上瘡口。

◎一方 川連一錢 明雄一錢 枯礬二錢 人中白一錢

枯礬二錢 麝香三分 冰片二分 生草二分 牛黃二分

共為細末。聽用。先用生甘草水或濃茶漱口。再將藥吹一次。漱一次。

「審查意見」甘草水與濃茶漱口。不若用礬砂薄荷腦煎湯漱口為佳。以上

二方。尚可備用。

◎立止牙疼方 細辛研末七錢 冰片二分 生麝二分 右藥三

口腔病 齒痛

三四〇

味。研細。加靈藥二分。擦患處即愈。每日再用擦牙散。可以永固。

◎擦牙散方 細辛研末一兩 青 鹽一兩 熟石膏一兩 三味研

細。加靈藥。

◎靈藥方 牙 硝一兩 礪 砂五錢 白 礬二錢

右爲細末。裝入銀罐內。放在火上。燒線香一炷。俟香盡。加熊膽。

◎治牙疼神効方 撮花椒水一盞。細辛白芷與防風。濃煎漱齒三更後。不

怕牙疼風火蟲。

「審查意見」上三方。有清熱消炎止痛固牙之効。此方彙集數味辛辣藥品。濃煎漱口。其用在麻酔牙床神經。蓋神經麻痺。則漸漸不疼。此從治之法也。民間相傳。有噙燒酒者。有嚼椒薑者。即此理也。但腫痛處有灼熱之感覺。則不宜用。恐其助火。

◎治牙疼長出分餘 用生地黃昨之最好。

「審查意見」因牙疼而至長出。在老人為脫落之兆。在青年亦勢必脫落。藥力恢復。甚為不易。若不甚疼。而牙突去者。可遵古營腎虛之說。選用六八味丸可耳。

◎口瘡藥方。兼治牙疳。

甘石 一兩火煨紅用黃連水淬七次

靈砂錢

珍珠末四錢

共為末。磁

瓶收貯。

打靈砂法 用水銀五錢 硃砂五錢 火硝五錢 礬砂六錢

入鍋內。用熟膏鹽水調勻。將口封固。先文火後武火。打三炷香為度。上瘡靈砂去火硝。添白礬五錢同升。

「審查意見」打靈砂法。手續敘述不清。無法審查。暫行存疑。

口腔病 齒齦

三四二

◎治齒動發渴。屬脾胃虛弱。陰火熾盛者。補中益氣。加酒炒黃栢知母。
「審查意見」証候及藥方。皆屬不切。

◎治風牙疼

草烏 二錢米泔水浸
去皮炒焦

細 辛 錢

全蝎 稍一錢
洗淨

冰 片 一 分

白殭蠶 五錢
炒去絲

研爲細末。搽患處。開口流涎沫。內服清胃散。

◎治風牙腫疼保齒散。

生石膏 一兩

川烏

草烏

川椒 各三錢

爲末。擦牙漱口。吐

之立愈。

◎治牙疼不可忍

花 椒 炒

胡 椒

白 礬

枯 礬

食 鹽 炒

各等分。爲末。少許

擦牙疼處即愈。

◎治牙疼或腫。風牙蟲牙牙長。痛不可忍者。

馬蜂窩 白蒺藜 花椒 艾葉 蔥頭 荊芥

細 辛 白 芷各等分 爲細末。水煎。口嚼良久。吐出即愈。

◎治牙疼蟲蛀不已。諸藥無効者。用救苦丹。

蟾 酥三分到碎乳汁
溶化磁器內 雄 黃二分 細 辛二分 冰 片二分

右酥化調勻細。納在蛀牙孔內。或疼牙齦中。口吐涎。任流之。

◎治風牙蟲牙作疼。

用黃蜂窩一個。用花椒填滿其竅。以白鹽一錢封口。燒存性。入白芷。羊脛骨灰各一錢。共爲細末。用清茶漱淨口後。以藥擦之。及敷疼處。如有牙蟲蛙孔。可納入孔內立驗。

「審查意見」以上諸方。專用外治方法。有殺蟲及麻醉牙床神經之功效。足

耳病 耳鳴耳聾

資備用。

耳病

耳鳴（針前谷 小指外側本節前陷中 小指外側本節後陷中） 耳聾

耳病之大要。有耳疼。即耳神經疼也。按其原因。大都由於齩齒。咽喉潰瘍。波及而來。又耳漏一名聾耳。又稱耳道炎。為耳孔之慢性膿症。大抵由鼻及咽喉炎間接而來。其餘耳鳴耳聾。多屬虛陽上泛。火邪熏灸。治宜滋陰潛陽。若久病不聞雷聲。為腎臟敗絕之象。病已不治。古稱腎開竅於耳。故耳病治法。當以腎經為主。欲求其詳。有耳鼻喉咽喉專書。茲不贅。

◎ 荊芥連翹湯 專治兩耳腫痛神效。

荊芥 連翹 口防風 全當歸 川芎片 香白芷

柴胡 川黃芩 苦桔梗 生甘草 白芍藥 炒枳殼

山梔各一錢 水三盅煎一盅食後服。

「審查意見」此治因風熱兩耳腫痛之方也。荊芥柴胡。不如易銀花薄荷木賊。餘如甘菊丹皮浙貝桑葉。均可加入。又外敷以菘豆粉。則奏效更捷。

◎一方 治耳聾耳鳴。

生甘草 生地黄等分 爲細末。胭脂包。日間塞。 甘遂 草烏

爲細末。白錦包。各三分。晚間塞。將前藥日夜輪流換塞。兩耳自通。

「審查意見」草烏之辛竄。藉之以透中內耳之障礙。而甘草生地。是何取意。或以耳鳴作和緩藥。歟。未詳其理。恐難生效。

◎一方 專治耳鳴如流水聲。耳痒及風聲。不治久則成聾。此藥神效。又可針三里合谷。

生川烏水泡透 削作棗核塞耳。日夜換二三次效。如用鮮的更好。

「審查意見」耳鳴爲中耳與外界氣流交通之証。鼓膜爲之振盪。故耳鳴。古醫言耳鳴。稱爲龍雷虛火。其治法。注重在補肝腎。潛虛陽。川烏填塞。是何道理。又耳爲少陽經。三里合谷。針恐無甚功效。

◎一方 治耳內膿瘡

柿蒂 燒存性。研細。用葦管吹入耳內效。

「審查意見」耳內膿瘡。或爲耳道炎。或爲中耳炎。柿蒂灰亦燥水固澁之義。又現有靈明之吹粉器。何必再用葦管哉。

◎一方 治耳底有膿疼痛。先洗淨。然後摻藥。真桑螵蛸燒存性 少對麝香研細末。摻入耳內卽效。

◎一方 百蟲入耳鼻內。

韭菜搗爛。灌入耳內。其蟲自出。

「審查意見」韭汁頗具刺戟性。灌之蟲當自出。如在黑夜。可用燈置於耳前。蟲見光亦能自出也。

◎一方 以鷄冠血滴入耳中亦妙。(其理未詳)

◎治耳聾方 石菖蒲寸許 巴 豆一粒去心 二味研勻。分作七丸。

綿裹塞耳。一日換一丸。

「審查意見」耳聾多得於大病之後。及耳膿漏等。其聽神經。及重要器屬之。三半規管。久經熱邪之熏炙。今用此等辛溫香竄。恐是理想之方。不切實用。故不敢贊同。

◎一方 刺蝟脂熬化。每用少許。滴入耳中。一日三次立効。

◎一方 用鼠胆汁滴入耳中。二三次即愈。

「審查意見」刺蝟鼠胆。二獸治聾。皆以其涼血通胆也。古方。

耳癩 耳鳴耳聾

三四八

◎一方 松香五錢溶化 大豆廿粒 爲末。葱汁合丸。黃豆大。如左耳聾。

用一丸塞右耳。如右耳聾。用一丸塞左耳。如兩耳聾。先後治之。

「審查意見」此方治聾不切。治耳內濕瘡流膿尙可。

◎治諸般耳聾效驗方 眞細辛爲末溶化。黃蜡爲丸。如鼠糞大。綿包一丸塞之。二次即愈。

「審查意見」此與前菖蒲巴豆意同。仍爲理想之作用。效驗不確。

◎一方 專治耳內流膿。

羊糞彈燒灰

枯礬

輕粉彈等分

右爲末。棉花拈淨耳內。

用葦筒吹入藥末立效。

「審查意見」以棉拈淨。不如溫開水洗淨後。再吹入藥末。

◎獨勝丸 治陰虛相火動。耳聾有聲嚮。

審 查 徵 集 驗 方

黃栢 用人乳泡透。如褐色。研細末。以黃酒打麩糊爲丸。桐子大。每服七八十九。白湯送下。

「審查意見」相火雖爲陰火。然上竄必因下激。一味寒瀉。亦非正法。且此法既可用。則不如用知栢地黃丸之力大周到。應用潛陽法。若溫病條辨之三甲復脈湯最佳。

◎一方 治大人小兒耳內流膿。

海螵蛸末錢

枯 礬一錢

麝

香一錢

乾胭脂

五分燒存性

爲末。吹耳內。

◎一方 治耳閉。

北細辛

石菖蒲

廣木通分各

麝

香二厘

爲末。綿裹入耳中。

「審查意見」耳閉則耳必聾。當審其屬於一時的。或永久的。一時性之耳聾。

耳癩 耳鳴耳聾

三五〇

因偶然上火。熱邪燻灸。永久性的。係積漸而成。不易治愈。治須用原因的療法。辛香開竅。豈能透其閉哉。

◎一方 治腎虛耳聾。

小蝎子四十九個 生薑如蝎大四十九片。同炒乾爲度。研末。溫酒服之。二劑即愈。

「審查意見」生薑屬辛溫品。腎虛耳聾不適用。

◎一方 治耳內出膿。

胭脂 枯礬 釘鏽粉 各等分。爲末吹之。

◎一方 治大人小兒火症。耳內流膿。

番木鱉一個。磨水。滴入耳內即愈。

「審查意見」木鱉苦而健胃。治耳之效不確。耳內流膿。不如前方確實。

眼病

針睛明
臨泣

四白 合谷
二間

眼目病。大概有內傷外感之別。外感風熱易治。內傷虛弱難治。古有五輪八廓之說。分屬五臟。按經用藥。原有專治全書。為一種專門學識。可參閱。

◎治痘風眼 眼邊紅爛。

混尿蟲 及尿坑內
長尾巴蛆

搨兩端。用白漿點之。腹內的長蟲亦可。

「審查意見」眼邊紅爛。即眼瞼炎耳。用尿蟲及腹內長蟲。是何居意。不潔之甚。大有碍於衛生。應刪之。

◎洗肝明目散 治一切風熱赤腫疼痛等症。

當歸尾

川芎片

炒赤芍

草決明

淨連翹

生地黃各一錢

川黃連

川黃芩

炒梔子

蔓荊子各八分

口防風

荊芥

薄荷

甘菊花

生甘草

石膏

川羌活 白蒺藜各六分 桔梗七分 水煎溫服。

「審查意見」此中醫眼科之套方。間亦有效。但方法複雜而不純耳。

◎滋腎明目湯 專治勞傷腎虛。血眼痛。

全當歸 川芎斤 白芍藥 生地黃 香白芷

甘菊花各一錢 熟地黃二錢 白桔梗 山梔子各八分

人參酌用 川黃連 甘草三分 蔓荊子一錢五分

右加細茶一撮。燈心一團。水三盅。煎一盅。食後服。熱甚加龍胆草柴胡。

腎虛加黃柏知母。風熱壅甚加防風荊芥。風熱紅腫加連翹黃芩。

「審查意見」勞傷腎虛。血少眼痛之辨別。以受勞愈甚者為準。本方配合人

參。似嫌不純。

◎神聖光明餅 此方通大腸之火。永除燥結之患。專治諸般眼疾疼痛。日

久漸生雲膜遮睛。遠不視物。並一切難治眼疾立效。

羚羊角 鎊 白犀角 鎊

蜜蒙花 生地黃

熟地黃

川獨活 藁 本

草決明 炒梔子

川芎 川

北細辛 蔓荊子

茅蒼朮各五錢 木 賊

甘 草

白蒺藜 槐 花

川黃連 荊 芥

青葙子

川羌活 芒 硝

白附子 煨

赤石脂

夜明砂 淘淨末 各一兩

薄荷葉 大 麻子

川大黃

右為細末。煉蜜為丸。彈子

大重二錢。每服一丸。用冷茶研化下。此藥重者十丸即好。

「審查意見」此方仍是寒涼與去風之藥。太嫌複雜。服之恐無益。而反增劇。蓋眼病。往往因服寒涼而致盲者。不可不慎。如遇雲膜遮睛。以用鷄肝。或羊肝。伍於蛇蛻蟬衣食之為佳也。（中醫眼科通套之方。往往如此。

眼病

三五四

間亦有效。）

◎起翳復光丸 目病久昏。內外翳膜障蔽。夜光紅散。晝怯陽明黑珠作痛。瞳人有蠅翅。恍惚不明。上生白黠。下生如粟赤縷紅絲等。

黃牛糞不會落地。淨水和黃土。將牛糞包裹作團。放炭火內埋一宿。日取出。去泥土亮乾。研細末八兩。再加明淨蓬砂末二兩。同糞研勻。江米麵打糊爲丸如桐子大。每服三錢。菊花湯下。食遠服。切忌房事椒蒜燒酒發氣之物。

「審查意見」煨牛糞何以能治目病。殊不可信。（按此方太不潔淨。宜慎用。）

◎加味三仙方 治病同前。

白蒺藜 黃酒拌蒸七次淨一斤

白菊花 四兩

淫羊藿 去邊刺羊油拌炒一斤

石決明煨存性半斤

五味子酒拌晒乾

四兩

爲細末。用薄荷四兩煎濃

湯。合丸如桐子大。每服三分。食遠鹽湯送下。忌物同前。

「審查意見」方中瀉肝熱。斂散光。宜治神光散大者。其餘不宜。

◎點睛眼方 秘得真古銅一兩。用火燒紅。淬在醋內七次。初伏頭一日。用南葶薺三個。同古銅研細。入陳醋一兩五錢。放在太陽地晒之。每日攪晒。至二伏頭一日。又入葶薺醋攪同前。至三伏頭一日。同前亦如之。共一月三十日。如此三次。磁器收之。骨簪蘸涼水。遇症點點此藥。點後其痒非常。須令病者忍之。勿擦壞眼目。

「審查意見」睛眼而用此點藥。未必復明。因未實驗。暫予存疑。

◎撥雲散 此藥能點老年目昏。攀睛。努肉。拳毛倒睫。迎風流淚等症。先將沒石性的蘆甘石半斤。用砂鍋壺火上煨過。用水飛出細粉。粗渣不用。

眼病

三五六

晒乾聽用。

川黃連

川羌活

淨蓮翹

川黃芩各五錢

水三大碗。煎一碗。又水二碗。煎半碗。二次放一處。又將飛過甘石燒紅。倒在童便內。如此三淬。第四次燒紅。方淬于藥水內。再勿見火。如濕待其自乾聽用。

礪

砂三兩
生用

乳

香五錢

海螵蛸

二兩
去鹽性

麝

香三分

熊

膽三錢

沒

藥五錢

石決明

煨各
一兩

冰

片一錢

瓜兒血竭五錢

共研無聲。方好。磁罐內秘收。點時用骨簪蘸涼水點

大眼角効。(此方尙屬有效可備用。)

◎

一方

專治老人眼花風火眼等症。

蘆甘石火煨紅。淬童便內。飛七次。再燒紅。淬入黃連湯內。

川黃連

川黃栢

川黃芩

山梔子

杭菊花

防 風 連 翹 木 賊 草

右八味。有五兩蘆甘石。每用一錢煎湯。令其自乾聽用。

春 用

蘆甘石一兩

煨礬砂二分

冰 片二分

煨眞珠三分

麝 香半分

夏 用

蘆甘石一兩

煨礬砂四分

冰 片三分半

眞 珠二分

麝 香四厘

秋 用

蘆甘石一兩

煨礬砂二分半

冰 片二分

煨眞珠三分

麝 香半分

冬 用

蘆甘石一兩

煨礬砂二分半

冰 片二分

煨眞珠半分

麝 香一分

右研細末。瓶磁密封固。用時以骨簪蘸水。點大眼角。

「審查意見」老人眼花。爲生理自然衰敗之象。何得以此爲治。

◎點紅眼方 用香油入細磁器中煎滾。入黃香一塊化開。起烟。煙盡入水中。收入罐內。黃蜡封口。每點大眼角。早晚二次。其眼疼疼異常。乃是虫出也。黃香係黃栢不帶木。又去外之粗皮。卽內之細皮也。

◎治小兒出痘後。痘落眼中。以此方點之。半身上的虱子一個。取血點之一。次卽愈。(莫名其妙)

◎治痘風眼方 專治四邊紅爛。其痒非常。

猪肚子隨時去了糞。肚子上有稀涎。連皮用刮下。抹在眼患處上。用綿帛蓋在上面。其眼內虫盡出。二三次卽効。

「審查意見」痘風眼邊紅爛。卽痘後眼臉炎耳。頗難治。所用猪肚。似碍衛生。

◎一方 治痘落眼中。

銀珠合三斗老鷄冠血以銀簪點入眼內三次即愈（此方不可用）

◎天茄青黃散 亦兼漱牙痛。耑治老眼昏花。初發火眼。痘後風爛紅邊。凡十年不愈者洗之即愈。

用天茄子不論青黑。連根帶尖。採來曬乾。平對黑礬爲細末。用紙三分一包。連包放茶盞內。包上用銅錢一文押住。將滾水沖入半盞。待少時。藥水出。用中指洗眼。神效。（茄根洗尚可）

◎一方 專治小兒赤眼疼痛。

川黃連 爲細末。水調貼足心。用布包之。乾。又用水溫之。以效爲度。
「審查意見」此引火下行法。頗驗。

◎眼打腫方 生豬肉一片。貼眼腫處。次日立消。（有效）

◎點眼萬明膏 蘆甘石 三分火煨研細 川 連 一分 辰 砂 三分
人乳浸四十九日 乳製

眼病

三六〇

礪砂五分 胆 礬三分 冰 片三錢 共爲細末。聽用。雨前茶四兩。甘菊花四兩。用水二碗。於淨砂鍋內煎四五沸。濾去茶菊。再用重湯煎成膏子一盃。入熊胆五分鎔化。將前藥和勻成錠。入磁器中。用時清水化膏少許。點大眼角。閉目片時。出淚而愈。

◎治雙目不明。無方可療。遇一真仙傳授此方。立冬之日。採桑葉一百二十個。將藥懸放。由他自乾。每月止用十片。用水一盞澄清洗。一日幾次。按日洗一年。如童子眼一般。 正月初五日 二月初九日

三月初五日 四月初八日 五月初十日 六月初七日

七月七日 八月一日 九月初三日 十月初四日

十一月初十日 十二月初一日

「審查意見」桑葉洗眼。能清風熱。故治目赤面瞖。確有殊効。但分月分日。未

兔太拘。以每天清晨洗眼。較爲便利。

◎治倒睫 木鬚一個爲末。綿裹塞鼻中。左目塞右
右目塞左

◎飛絲入目。用頭垢點之卽去。

「審查意見」倒睫爲瞼緣肌肉緊張之故。木鬚塞鼻。何能治之。又頭垢點眼。尤爲不適。如飛絲入目。宜用手術爲妥。

◎治眼內外障。三五月不見物者。一點復明。

好硝石一兩。銅器化開。入黃丹二分。片腦二分。銅匙急入磁內收之。每點少許。其効如神。

「審查意見」內外障之治法迥別。何得以之統治。此方治外障尙可。內障恐益增其病。

◎神靈膏 專治暴發火眼。以及口內諸瘡。上癢疔効。

腫病

三六二

菘豆粉四兩炒黃包

麝香

冰片各一分

川黃連末一兩

用煉蜜四兩。共合一處。放淨石板上。以鐵鎚打干下。收磁罐內聽用。如點眼。涼水點。上癩疔水調擦。口瘡用菘豆大一粒。含漱嚥下。

「審查意見」火眼口瘡。皆無不宜。惟上癩疔（即楊梅）則嫌力薄也。

○撥雲神應散

川黃連

北細辛

川黃芩各二錢

全當歸

防風

赤芍

甘菊花

荊芥穗

南薄荷葉各三錢

水五碗浸藥。春秋三日。夏二日。青布一方聽用。再用蘆甘石四兩。入項銀罐內。炭火燒一炷香。金色為度。將甘石投入藥內。用手捻碎。用細絹濾過。澄去浮面清水。晒乾收貯。點眼。

「審查意見」此方有清熱散風之效。

○丹頭銅

綠六分

番礪砂三分

製乳香錢

製沒藥六分

右四味亦用前汁浸三日。取出晒乾聽用。

枯 礬九分 牙 硝六分 雄 黃六分 薄荷葉九分

黃連末錢二分 胆 礬三分 黃 丹六分 血 竭九分

北細辛九分 番礪砂一錢半 硃 砂九分 白丁香六分

以上一十六味為丹頭

元字罐點火眼 丹 頭三分 蘆甘石錢 冰 麝各二厘

亨字罐點瘀赤眼 丹 頭五分 蘆甘石一錢 冰 麝各五厘

利字罐點雲翳眼 丹 頭蘆一錢 蘆甘石一錢 冰 麝各四厘

貞字罐點瞎眼 丹 頭一錢 蘆甘石一錢 冰 麝各五厘

點內障翳眼 丹 頭一錢 蘆甘石一錢 冰 麝各二厘

「審查意見」此方丹頭分裂。治法亦異。所云治火眼瘀赤雲翳內障等項。可

眼病

資取用。

◎春雪膏 治目紅赤。羞明沙澁痛癢甚效。

麩

仁 去心膜油
極淨四兩

冰 片五分

蘆甘石

黃栢黃連梔子煎濃汁用項銀罐將
甘石煨紅淬入汁內七次每用一兩

先將麩仁研細。再入冰麝研之。又入甘石。再研半日。收貯點眼神效。

「審查意見」麩仁瀉熱明目。甘石燥濕止癢。故治上述諸症有効。

◎治眼皮生瘤 櫻桃核磨水擦之。漸漸日消。

「審查意見」眼皮生瘤。有內外之分。在裡者。眼開合時。擦磨甚痛。在外者。自覺微有不適。俗名曰。裡角眼。外角眼。如體氣充足者。由紅面高突。而化膿。膿潰而愈。反之。初覺微痛。漸則不痛。惟覺澁而不適。不高突。不化膿。不消削。當用引赤法。使之從速高突化膿。或用手指擠淨黑血。則毒洩而愈。

◎治病後眼蒙 穀精草 石決明煨各五分 爲末。公猪肝入藥。炒肝吃之。

「審查意見」病後眼蒙。是自覺昏瞶不清。如有物蔽之蒙。抑有雲翳蒙蔽瞳神之蒙。前之蒙者。係病後傷精。兼有浮火所致。後者則自有一定之成因。至論治法。前者應隨其所虛而補之。後者宜退雲撥翳。此方治二症。俱不完全。擬加蟬衣蛇蛻。煨決明易生決明。以治雲翳之蒙。

◎明目方 久服不須眼鏡。

川 芎一兩 馬蘭頭汁 羊 肝一兩 同前藥汁煮熟。空心好

酒服。

「審查意見」羊肝補肝明目。川芎治腦貧血有效。蓋能強壯腦神經。故有明目之功。但川芎辛散。不宜久服。用量亦嫌太重。馬蘭治目不詳。

◎治旋毛睫神方 石燕一對。一雌一雄。用炭火內燒紅。童便淬七次。再用

眼病

三六六

煎銀罐內燒紅乳汁淬七次。為細末。入麝三四厘研勻。再用羊毛筆蘸乳汁。點眼弦上。每日點十餘次。

「審查意見」此方有效與否。殊難確定。又本証宜用手術。則奏效較捷。

◎雀日日落不見

石決明二兩

夜明砂二兩

猪

肝一兩
生用

白羯肝一具

將肝二片。中間盛藥。麻紮定。淘米泔水一碗。砂鍋煮

少半小時。一並食之。

「審查意見」此方頗驗。但肝須用新鮮潔淨者。又肝內所含維生素。不耐高熱。煮時慎勿過火。

◎點眼萬明膏

蘆甘石

三分火煨研人乳內浸
四十九日

川黃連

五錢
乳製

辰

砂三錢

硼砂五分

胆

礬三分

冰

片三分

上藥研為細末聽用。

雨前茶陳年者四兩

甘菊花四兩

二味用水二大碗。乾淨砂鍋內熬

四五十滾。濾去菊。再用重湯熬成膏子。一盃。入熊胆五分鎔化。將前藥和勻成錠。入磁器內。如遇一切眼疾。清水膏少許。用骨簪蘸藥。點入兩眼角。閉目片時。出淚而愈。

「審查意見」方藥配合。俱見精采。惟礪砂辰砂之用量。恐倒寫。宜改爲礪砂三錢辰砂五分。

◎洗肝散 治眼目暴腫。疼痛不忍者。先服此藥一二劑即愈。

全當歸一錢

川芎片八分

生地黄一錢

炒赤芍一錢

川羌活一錢

防風八分

白芷八分

薄荷七分

酒大黃二錢

水煎服。

「審查意見」此以四物加疎風瀉熱之藥。治上述諸症。宜去羌活加銀花連翹各一錢。

眼病

三六八

◎洗眼効方

防風

荆芥

生地各五分

銅綠

黃連

胆 礬

赤芍

硼砂

柴胡

川芎各三分 歸尾一錢

用絲綿紮藥。井花凉水浸洗。(此方有效。可備用。)

◎杞菊丸

常服終身無目疾。兼不中風。不生疔中毒。服之久有效。

甘菊花 一斤味不苦者 酒浸

甘枸杞 一斤 酒浸焙

蜜丸。每服四五錢。

「審查意見」杞菊丸宜治虛弱性之目疾。而兼有虛火者。不宜常服。過劑恐

有胃寒減食之害。

◎治腎水枯竭。神光不足。眼目昏暗。此壯水之主。以濟陽光。即壯水明目丸。

九熟地 一兩五錢

懷山藥 一兩五錢

建澤瀉 八錢

山萸肉 一兩二錢

川 芎 三錢

白茯苓 一兩

牡丹皮 八錢

全當歸 一兩

蔓荊子 一兩

甘菊花 五錢

黃 連 五錢

柴 胡 三錢

五味子五錢。蜜丸。桐子大。每服五十丸。酒下。

「審查意見」此卽六味丸。加蔓荊等以治目耳。應用於虛弱而受補者。否則不宜。酒下不如用淡鹽湯下。

雜類 烏鬚黑髮

鬚與髮。壯年時。原屬黑色。及至年邁。則黑者轉白。爲生理衰弱自然之象。不必治且不能治也。惟於少壯年時。漸形花白。是則所謂病矣。其原因或因操勞思慮之過度。傷及腦府。或因重篤熱性病。症之後。火氣熏炙。或上焦火盛。或肝腎虧損。皆足以致色白。或曰。鬚髮之白。由於該部之色素缺乏。並非上述之種種原因。不知色素缺乏。乃致髮白之結果。其所以致此色素缺乏者。方爲根本之原因。治法。當審其原因。而施以滋養清熱之品。切勿雜服衆藥。反招不適。所宜慎也。

雜類

烏鬚黑髮

三七〇

◎烏鬚仙方 堪嘆鬚髮白如霜。誰知原來有異方。不須擦摸并染黑。都來五味配陰陽。赤石川椒同搗爛。硃砂一味最爲良。茯神又能養心血。乳香五錢要勻當。棗泥爲丸桐子大。每服溫酒二十雙。自此清晨服百日。老翁變作少年郎。

「審查意見」從其七言口訣。而知斯方之太無價值。且也。五味配石脂川椒。是何方義。老翁變作少年郎。不亦自神其說乎。

◎烏鬚擦牙齒方 能保年老鬚鬚不白。後生黃鬚擦之即黑。

蒲公英 連根葉晒乾
爲末 二斤

青鹽一斤

沒石子半斤

骨碎補半斤

槐 角一斤

爲末。細瓷罐封口。用鹽泥封固。用黑牛糞晒乾。煨前

罐藥存性。取出擦齒。十日半月見効。

「審查意見」用此方擦牙。功能清潔齒牙。容有固齒之効。云能烏鬚不切。

◎烏豆仙方 青 鹽 生地黃 川續斷 破故紙

仙茅各二兩 枸杞子 何首烏各四兩 去皮 川 椒 小茴香各兩

川牛膝三兩 淫羊藿二兩 去邊刺 酥油炙

揀黑豆五升。右藥用絹袋盛之。將黑豆鋪上面。水酒各十碗。炭火慢慢煮。將豆出攪數次。湯乾為度。出鍋晒半乾。再慢火炒乾。收磁罐內。晴天晒。如夏月八日晒一次。每日空心服一百粒。嚼爛滾水下。兩月鬚髮淨黑。大有補益。常服不老。

「審查意見」此方性太溫燥。不宜常服。

◎一方 石 灰炒紅色 陀 僧各等分 為末。用油紙或青菜葉包一

夜。其黑如漆。一日一染。

「審查意見」此方縱能取效於一時。然不能根治於將來。須服滋補之品。以

期根治。

○一方 傷寒勞病愈後。眉髮俱落。

毛薑

鮮薑

磨刀鉄銹

共合汁。搗上即生鬚矣。

「審查意見」此刺戟毛髮之劑。須待身體復元後。方可試用。但功效甚慢。

○烏鬚方 大母丁香同薑汁。塗拔去白鬚孔中。即出黑鬚。其妙非常。

「審查意見」丁香合薑汁。頗呈刺戟作用。烏鬚不確。

○一方 沒石子

韭菜子

桑椹子

五倍子

全當歸

熟地黃各兩

用烏鷄一隻開堂。用淨砂鍋煮爛。去雞。用湯。揀淨小

黑豆三官升。仍用砂鍋放藥上舖豆。以文武火煮之。如豆未熟。而湯不

足。可添黃酒煮熟爲度。去藥存豆。陰乾收罐內。每日一合。白水下。

「審查意見」本方有烏雞黑豆歸地等之補益。烏鬚尙近理。

◎猴獠上樹烏鬚方 用秋後大茄子一個。蒂旁挖一孔。裝古墨水銀各二錢。在內。仍蓋好。白日用簾遮蓋。夜間取開。交受露水茄子下。用針刺十數小孔。下以磁盆接之。俟流下黑水。擦摸鬚上則黑。水不再白。不可染在肉上。恐洗不淨。

「審查意見」染色之法。何能恃以長久。語近怪妄。斷難取效。

◎髮白復黑方 大活公螯蟹七個 生黑漆一斤 乾燒酒三斤

三味共合一處。不許見日。夜露七宿。將蟹搗碎。用布擇去渣。再用大黑豆一小官升。入罇黑漆燒酒內。煮乾爲度。入磁罐收貯。每日空心。用旱蓮草煎湯送下。每服二十一粒。服至二十一日。卽歇十日再服。若不歇。恐指甲俱黑矣。

「審查意見」用漆以黑髮。似不思之甚矣。豈惟指甲黑。通體青黑。亦恐立見。

蓋是中漆毒之故。不可誤認爲烏髮之方法。切勿妄用遺害。

◎烏鬚方 白鉛五錢。銅鍋內鎔化。用水銀一兩。入鎔化鍋內。又以大黃一

兩打碎。亦放在鉛與水銀一處炒黑。研成細末聽用。卽爲染本。

五倍子 炒黑用藍布包脚 銅花研細末。枯礬研細末。沒石子 藥入母成對者碎炒黑研細末

榆麵研細末 白麵俱製成再配分兩

染 本三分 五倍子二錢 銅 花三分 沒石子二分

枯 礬一分 榆 麵一分 白 麵一分 食 鹽一分

用老茶滷調勻如飴。重湯煮。放在磁器內一頓飯時。乘熱塗鬚上。用菜葉炙軟。貼於藥上。各藥俱爲細末。照等分。或十倍量。或三二十倍。拌極勻。磁罐收貯。封嚴隨使用。

「審查意見」銅花卽銅屑。爲赤銅落下之細屑。古載謂能染髮。究否有效。未

會經驗。

○一方 烏 泡 旱蓮草 二味各收自然汁一湯碗。再加生薑汁一酒盃。三汁爲一處。外用陳墨二錢 明礬一錢 各研細末。草麻子去外皮。碗蓋熏煙。同墨礬入各汁內一二日。或三四日。以手撚之。自黑如漆。并不染衣汚手。

「審查意見」用陳醋以烏鬚。決不可靠。

○點白還黑丹秘傳 生地黃 桑椹 旱蓮草各取汁 三汁共用一

盃鐵鍋熬之。極乾聽用。

三汁膏一兩 母丁香五錢 沒石子五錢 真鉛粉五錢 炒

四味共研爲末。以磁器盛之。勿洩氣。拔去白鬚。卽以筆點記。然後用鮮薑汁調藥末少許。點孔中。六七日後卽變黑。

「審查意見」拔鬚點藥。未免太過。恐徒受疼痛。而無裨益也。

◎染鬚方 五倍打碎去虫。先將大塊炒起青煙。一會再入中塊炒起青煙。

又入細塊炒起白煙為度。用青布包起。渣作餅子。冷定聽用。總配合法。

五倍子末五分炒 胆 礬一分半 白 及一分 旱蓮草末一分

白 麵一 青 鹽一分去泥

俱為細末。共為一處。用細茶滷調和如稀糊。或茶盅內重湯燉藥如鏡面光取起。先要皂角水淨洗鬚。俟溫染擦。候乾洗去。再敷此藥。染鬚不折損。

「審查意見」烏鬚黑髮而用染法。一時縱可染黑。然再長未必即黑。故効不確。

◎烏鬚髮酒 採烏飯葉及子。淨鍋慢火熬成膏。每日三次。溫酒服一匙。大

有補益。不止烏鬚黑髮也。

「審查意見」烏飯葉。卽南燭草木之葉。爲一種植物之灌木類。功能補陰活血。蓋卽烏鬚之由也。

◎又方 用烏飯草子泡酒飲之。烏鬚黑髮。大有補益。烏飯草子。卽南燭子也。

◎梳頭方 百藥煎 訶子 針砂 石榴皮 核桃青皮

垂楊柳葉各一錢

爲末。先用鹽醋茶熬水二大碗。將藥共入瓶內。封十日。梳髮鬚通黑。核
桃油潤之。明淨爲効。

◎髮枯不潤。用木瓜浸油梳頭。

◎又方 用黃楊木細末。梳頭甚佳。

○治頭髮蟻虱 藜蘆摻之。(苦參百部俱可用)

○治頭風白屑 王不留行白芷等分。爲末乾摻。一夜篋去。(不合法度)

○髮脫重生方 嫩棗樹皮一把。砍一尺許。滿插淨磁瓶內。勿令倒底。上面

以火燃之。下面流汁冰。先用溫水洗頭。後將棗汁刷在禿處。卽生髮矣。

「審訂意見」此方果爾可以生髮。則亦新奇之甚矣。但未會試用。不便武斷。

○治髮白返黑方 赤石脂一兩 炒 辰砂一兩 水飛 白茯苓一兩 人乳 蒸七次

製乳香 黑膠棗去皮核 煮 真川椒一兩 揀淨 研細末。爲丸桐子大。每

空心黃酒下三丸。

○猴薑丸 能添精益髓。返老還童。烏鬚黑髮。種子延年。

猴薑 二十斤竹刀刮皮去毛搗爛取二汁斤二兩 遠志肉 一斤先以甘草四兩煎濃汁拌曬乾再以猴薑汁拌曬乾

石菖蒲 一斤蜜炙 破故紙 一斤 黃柏四兩煎濃汁拌曬乾再以知母四兩煎濃汁拌曬乾後出青鹽二兩水浸曬乾

黑何首烏三斤

黑豆蒸至黑色為度

為細末。每藥末一斤。用棗肉一斤。同搗為丸。如不足。即將猴薑汁加之。每服六錢。空心白水。

「審查意見」猴薑即骨碎補。能益精健骨。此乃補益之劑。

◎六勝七應丸 此藥壯筋骨。健牙齒。黑鬚髮。健步履。增飲食。長氣力。

骨碎補炒去毛

破故紙鹽水炒

沙苑蒺藜鹽水拌炒

白蒺藜炒去刺各四兩

青 鹽一兩

黑 豆八兩圓小堅實者炒熟

為細末。蜜丸。重三錢。三日服滾水下。

「審查意見」方義功用。與前方相同。惟主治未免空洞。

面病

靈樞邪氣臟腑病形篇。黃帝曰。首面與身形。屬骨連筋。同血合氣。天寒則裂。

方 驗 集 徵 查 審

地凌冰。或手足懈怠。然而其面不衣何也。岐伯對曰。十二經脈三百六十五絡。其血氣皆上於面而走空竅。其精陽氣上走於目而爲睛。其別氣走於耳而爲聽。其宗氣上出於鼻而爲臭。其濁氣出於胃。走唇舌而爲味。其氣之津液。皆上燠於面。而皮又厚其肉堅。故大熱甚寒。不能勝之也。按顏面富有血管神經。古稱諸陽之會。故較耐寒冷。然其種種病症。亦因其多接觸外界空氣。易受刺激所致。治療上。除重型之外。以用外治法爲佳。不必專恃內服湯劑也。

◎治抓破面上皮 用生薑自然汁。調輕粉末敷之無疤。

「審查意見」薑汁輕粉。恐有腐蝕性。莫如以潔白淨粉敷之。或以外科方法療之。

◎治雀斑亦治瘡疤 鷹糞白。水調塗之。

◎玉容散 治雀斑酒刺。白屑風。皮膚作癢。

眞菘豆粉八兩

滑石一兩

白芷一兩

白附子五錢

共爲細末。每晚用數錢搽面。

「審查意見」玉容散。預防粉刺雀斑及粉刺初起。尙有良効。皮膚作癢亦効。惟已成之粉刺雀斑。無濟於事。

◎治瘰方 水調石灰一盞。如稠粥樣。揀整糯米不破者。半插灰中。半出灰外。經一宿。米色變如水晶色樣。用簪挑少許。置瘰上。半日瘰自出。不得着水。三二日愈。

「審查意見」石灰治瘰。乃腐蝕法耳。然瘰有可點不可點者。不可點而點之。必有不測之慮。欲得其詳。參閱趙恕軒串雅篇。

◎又方 石灰桑柴炭二樣各等分。威靈仙煎湯。取出汁熬膏。點瘰上。其瘰

自落。

「審查意見」此較上方腐蝕力小而效則大。

◎治雀斑 用香油半盞煎滾。將哺胎鷄子一枚打開。炒焦研末。入油內。加

米醋半盞和勻。以鵝毛敷之。二三日即落。

◎治身面黑痣 藜蘆五兩燒灰 水一大碗。淋灰汁。於銅器中。重湯熬成黑膏。

以針微刺破痣點之。不過三次神效。

「審查意見」藜蘆恐無石灰之力。果爾有效。則較石灰爲優矣。

◎治酒渣鼻 苦參 當歸各四兩 爲細末。酒糊爲丸如桐子大。每服七

八十丸。食遠清茶送下。

「審查意見」苦參合當歸。能清血分之濕熱。凡酒渣鼻及雀斑等。多服久服。必能生效。但每次用量。以一錢即足。不可過多。

審 時 徵 集 驗 方

◎又方 明雄黃 杏 仁各三錢 輕 粉三分 三味研勻。睡時用

唾津調敷赤處。七日效。

「審查意見」此方治癬瘡尙可。酒渣鼻恐無效。

◎治面上酒刺 兔絲子搗爛。絞汁塗之。卽愈。

◎治瘰癧面病 赤小豆爲末。或酒或醋。調敷處。

◎升麻湯 治頭面疙瘡。憎寒壯熱。拘急。狀如傷寒。

升 麻 蒼 朮 薄荷葉各等分 水二盅。煎一盅服。

「審查意見」頭面發疙瘡。憎寒壯熱。恐係溫病之類。須經醫師診斷。此方發表升散。不可漫然服之。

◎治面上瘡 鷄子黃熟取黃。炒令出油。以油和輕粉敷之。

◎治兩腮紅腫 百 合一鎖 山芝麻根去皮 貝 母 元明粉

銀 硃七分 右藥研末。加加白麵調敷。

◎治疔腮 用青靛花敷之最良。(消腫極效)

◎婦人頭髮有油垢不可洗。將香油洒上。一篋即去。故名美人頭香方。

茯 苓一兩 香白芷三兩 川大黃 甘草 粉丹皮各四兩

三 柰 丁香 北細辛 蘇合油各三兩 辛 夷

檀 香 玳 瑰各五錢

以上共為細末。蘇合油拌勻。做紅紗小袋。裝戴頭上。生髮避濁。

◎治頭上禿瘡神效方 馬前子 猴 薑 香水各四兩

水油藥共入鍋內。煎枯去渣澄清。調搽。其效如神。(此方有效)

◎一方 桑葢子不拘多少。入磁罐內封固。埋地內背陰處二三尺深。三個

月取出。遇有禿瘡。先用米泔水加花椒熬水。洗淨剃頭。再用桑汁掃頭

上三五次。結痂落髮生。

「審查意見」是否有效。待試。

◎又方 煤燄炸七錢 潮 腦四錢 水 銀七錢

三味研不見星。用退猪水洗頭剃淨。香油調藥遍擦。愈後用薑汁鐵鏽上可生鬚。

「審查意見」方意極是。能殺虫止癢。並使該部炭化。而滅病菌之營養。惟用退猪水。大不衛生。宜用花椒水洗爲是。

積聚癥瘕

難經五十五難曰。積者陰氣。聚者陽氣。故陰沉而滑。陽浮而動。氣之所積。名曰積。氣之所聚。名曰聚。積者。五臟所生。聚者。六腑所成。積之始發。部有常處。痛不離其部位。上下有所終始。左右有所窮處。聚者。其始發無根本。上下亦

無留止。疼痛尤無常處。巢氏曰。癥者。由寒溫失節。致腑臟之氣虛弱。而食飲不消。聚結在內。漸至生成塊端。盤牢不移者是也。瘕者。由寒溫不適。飲食不消。與臟氣相搏。積在腹內。結塊癥瘕。隨氣移動。虛假不牢者是也。綜此。積聚由氣。癥瘕由物。積定而聚。聚牢而瘕散。此古籍積聚癥瘕之論說也。其他五積六聚之名稱。及其實質之病理。要不外血液淋巴之停滯。腸胃糟粕之堆積。而使臟器腫大。及臟器上生有瘤贅狀物。治之之法。以消磨為上。佐以補益。切勿大攻大下。反令體虛不支。慎之。

◎三才却病丸 專治五積六聚。心腹疼痛。小兒諸般脹悶。及婦女乾血痞滿等症。

巴豆 七十粒去油成霜

葦豆 十三兩四錢研細末

黑脂白杜豆 十兩研末

飛羅麵 半斤

四味和勻。清水爲丸。菉豆大。大人每服五分。小兒三分。如九種心疼。艾醋湯下。五積六聚。生薑湯下。臍腹疼痛。鹽湯下。小兒諸般脹悶。腹子湯下。婦人產後血結痛。益母湯下。小兒痞疾痞塊。涼水下。餘積不問內外虛實。概以白水下。

「審查意見」此方專以腸胃積聚爲主體。若治乾血癆及血積。尙缺破血諸藥。又小兒在三歲以下。每次服一分。卽達極量。

◎治積聚腹內膨脹 建神麴 炒麥芽 山查肉 松蘿茶各二錢

「審查意見」三仙加松茶。治飲食停滯。吞酸噯腐則可。原件用治積聚膨脹。則方藥病証不合。

◎牛郎散 治腹內一切諸虫。屢試屢驗。

二 丑頭末各五錢 尖檳榔一兩 二味合勻聽用。逢有虫症。於上

雜類 積聚癥瘕

三八八

半月。空心先飲炒糖水一碗。再用藥三錢。炒糖水調服。三次。其虫盡出。小兒減半。孕婦勿服。

「審查意見」此方治虫積頗驗。二丑檳榔俱有殺虫之用。且具通下之功。先服炒糖水者。虫喜甘。與之所喜。是誘導法。虫積之診斷法。首須問其既往症。發現蟲否。次須觸該部有無波動遊走之象。再察痛發之驟然。患者之恐怖。以及口唇之白點。並平素是否多食肥甘。合此數種。詳加審核。則庶乎近矣。

◎三仙丹 又名沉香百消丸。能消食消滯。消氣消痞。消脹消腫。消疼。消而不見。嚮而不動。藥本尋常。其功甚大。

醋香附 五靈脂 醋炒 一丑 頭末各一斤 沉 香四兩

爲末和勻。醋和爲丸。菉豆大。每服三五丸。薑湯下。

「審查意見」此方見於德軒普濟方。名曰沉香百消麩。分量略有不同。沉香

一兩。二丑二兩。似較此量配合為優。凡一切滯氣。服之有效。

◎治胃氣積聚作疼。移動不定者。 廣木香 枳 榔各等分 酒磨服。

「審查意見」二味通氣開積。然不如四磨湯之為優也。

◎治療血作痛 桃 仁四十個 去皮尖 酒煎服。伏梁氣者亦可服。

「審查意見」桃仁逐瘀。其効甚著。凡瘀痛者。其痛如刺。服此必能瘀化而痛止。至伏梁氣。古稱心積。起臍上。大如臂。上至心下。疑是胃擴張病。本方

可否能治。尚待研究。

◎醋煮三稜丸 治一切積聚。遠年近日神効。

京三稜四兩 醋煮 切片 川 芎二兩 醋煮 大 黃八兩 醋浸濕紙包好 灰火煨熟

研為細末。醋和為丸。桐子大。每服三十丸。溫水下。

雜類 積聚癥瘕

三九〇

「審查意見」此方治積聚頗佳。蓋非猛攻急剝之方也。但體虛者。應加以相
當培補之劑。庶無傷正虛虛之弊。

◎硃砂守病丸 專治遠年近日。腸內積塊。

硃砂 礪砂 血竭 黃 蜡各三錢 巴豆去油

輕粉 礪砂各一錢

共為末。將黃蜡化開。入藥為丸。菉豆大。每服十五丸。燒酒送下。其積塊
消化行下為愈。

「審查意見」此方攻堅化積。逐瘀破血。方頗雄猛。無微不至。但體弱氣虛者。
切宜慎用。又方名守病。其意不解。

◎潰堅湯 治五積六聚。諸般癥瘕。痞血塊之症。

全當歸 漂白朮 廣陳皮 薑半夏 炒枳實

製香附 紫厚朴

山查肉

砂仁末各等分

水煎。磨木香末調服。

左脅有塊加川芎。右脅有塊加青皮。肉食成塊加薑炒黃連。粉麵成塊加神麩。血塊加桃仁紅花官桂。去半夏山查。痰塊加瓜婁只實海石。去山查。腹飽脹加酸子檳榔。去白朮。健壯人加蓬朮。瘦弱人加人參。

「審查意見」此方治虛弱人之痞滿尙可。對於上述主治。其効極渺。肉食停滯。應加查肉。古謂查肉消肉積是也。薑連何爲。又健壯人加蓬朮。瘦弱人加人參。此言其體質也。體質之外。尤當審病症之虛實。如體虛而邪實。則須攻補兼施。不然。虛虛實實。其害立見。

◎專治痞痰 廣陳皮 胡椒各五錢 萊菔子三錢 青皮五錢

烏梅 九個

巴豆 十八個

丁香 十八個

雜類 面病

麩糊丸。菘豆大。每服二十二個。空心薑湯下。孕婦勿服。

「審查意見」痞疾。應作痞積。脾之積。曰痞積。蓋諸藥力。足以掃蕩腸胃之糟粕。每服二十一丸。似嫌太多。宜以十五丸爲準。小兒五丸至十丸卽足。

◎又方 蜈蚣一條。以頂好細茶葉煎服。以身痒爲度。

「審查意見」蜈蚣能弛緩神經。故治口眼歪斜。半身不遂等有效。化堅攻積。其効不確。

◎治血鼈血痞方 小鼈一個取淨 紅莧菜各等分 二味同搗爛。包患處。一日換。以愈爲度。

◎治酒鼈 鼈要吃酒。如攻上心來。取白馬尿飲之。鼈卽化爲水。

◎治鼈瘕方 白馬尿二盅。和鷄子三枚。煎八分。空心服。當吐出小鼈愈。

◎治肉瘕思肉不已 馬齒莧合鹽醋煎過。飲之卽消。

「治查意見」續搜神記載一人共奴俱患鼈癩奴前死遂破其腹得白鼈尙活有人乘馬來看鼈適白馬尿正落鼈上卽縮頭俟復以馬尿灌之鼈化爲水其主曰我將瘥矣卽服之如言而愈此鼈癩服馬尿之由來也俞東扶古今醫案按癩癩篇云「此種案可助塵談難充診則」明証此類無取信之價值又曰「但嗜茗嗜酒尙非怪異如鮮于叔明嗜臭虫權長儒嗜人爪劉邕嗜瘡痂此種皆係癩疾惜無有治之者遂作小說傳流至今令人絕倒耳」按癩疾甚合理至食猪生猪食鴨生鴨之說則荒謬極矣。

◎破癩癩散 耑治血虛五心煩熱晝則平安夜則發熱。

當 歸 生 地 白 芍 各 一 錢 川 芎 七 分

黃 連 五 分 胡 連 三 分 水 煎 服。

「審查意見」主治尙是破癥瘕不切。（此方不應列入積聚內）

強壯劑

原篇分「養生」「補益」「大力」三項。茲綜之爲強壯劑。蓋因病而虛者。強壯之藥。固其所宜。卽先天不足者。補益之以冀強壯。亦所當然也。

◎少陽丹

第一名烏嘉龍芽計有四採春苗夏花秋實冬皮是枸杞合用一斤

二名天瑣龍芽是蒼朮用一斤揀淨米泔浸一宿

三名錦繡龍芽是桑子用一斤搗爲汁合前藥

四名百花龍芽是蜂蜜一斤乃是一百三味矣

右藥石臼搗爲細末。用新磁盆一個。將桑葚汁同前藥一處調勻。用細絹蒙蓋盆口。放在浮棚上淨處。採收日精月華之氣。煎乾復爲末。蜜丸

桐子大。每服二十九至五十九。空心臨湯下。如服一年。返老還童。耳目聰明。顏如白蓮。服二年。冬暖夏涼。諸病不侵。服三年。齒落更生。髮白返黑。昔白殿孫真人患目不見。服此藥至一年。雙目皆明。後天海州有木工匠患風疾數年。服此藥一年痊愈。惟方不可亂傳。

「審訂意見」事實之荒誕。方法之謬妄。不待詳辨而自明。杞子蒼朮桑葚白蜜四味。雖有補益功效。決無返老還童之功。閱者幸勿誤信。

◎秘傳地仙丹 按四季採取枸杞。幹上有刺者名曰棘。即非枸杞。味辛苦。麻切不可用。慎之。

春採葉名天精草 陰乾聽用 採法俱同但嘗藥味甜者即良有刺者傷人切不可採 夏採花名長生草

秋採子名枸杞子 冬採根搗爛名地骨皮 上皆陰乾聽用。四味揀淨。用無

灰酒浸一宿。晒露四十晝夜。受日精月華之氣。令乾為細末。煉蜜為丸。

彈子大。每早晚各用一丸。百沸湯送下。

「審查意見」事之荒誕不經。與前相等。欲溫補者。以服枸杞膏爲是。

◎服黃精法 黃精十斤。煮至稀爛絞汁去渣。入蜂蜜或精七蜜三 四六停對熬成膏。以

磁罐收貯。每日空心白滾水調數十匙服之。（多服恐大便燥）

◎服蜂蜜法 蜂蜜一斤 栢子仁 冬瓜仁 核桃仁各等分搗爛 將蜂蜜煉熟。

入前藥三味。拌浸磁罐內聽用。（此方有滑腸通大便之效）

◎服槐花茶法 春日取嫩槐芽。入清水內揉洗一會。去其味氣擠乾。入鍋

焙乾。摻在茶葉內煎服。甚是香美。久服百病不生。明目第一。（槐化無

補益功用）

◎服白朮法 白朮三十五斤。以東流水二斗五升。入淨器內。浸二十日去渣。又以大盆盛之。夜候流星過時。將自己姓名投於盆中。如此五夜。汁

變爲血。取以漬麵如家釀法。待熟飲之。十日百病除。百日髮光順。最能延年益壽。（白朮有健脾之效。用法離奇。無知妄作。萬不可從。）

◎服枸杞法 枸杞不拘多少。酒浸。冬六夏三。晒乾研末。重入酒內。以皮棧絞汁。慢火熬膏。入磁罐內封固。煑三時。每服一匙。入酥油少許。溫酒下。

◎服松靈法 松 脂 松 實各十斤 菊 花各五錢

爲末蜜丸。桐子大。每服三十九。黃酒下。服至百日。神清體健。其效非常。（此方不可服）

「審查意見」經云。「五味入胃。各歸所喜。酸先入肝。苦先入心。甘先入脾。辛先入肺。鹹先入腎。久而增氣。物化之常。氣增而久。天之由也。」可見五味不可偏盛。一或有偏。卽有生病之危。故善養生者。惟在慎起居。調飲食。絕不專恃藥餌。明此。則上列數條之服法。可以知所取捨矣。又服白

尤法。及松靈法。尤屬荒謬。

◎人之疾病。有氣虛血虛之分。不可一例而論。當補陽而滋陰。必有傷脾之患。當滋陰而補陽。必有枯燥之虞。然陽虛者。百中一二。陰虛者。十中八九。中年以後。常常服六味地黃湯以滋陰養血。若有勞倦氣虛內傷之病。宜服補中益湯加麥冬酒炒承白芍以補元氣。仍宜常服六味地黃湯滋陰之藥。

「審查意見」陽虛是細胞動作分裂之功用減少。陰虛是細胞實質並體中水分缺乏。六味丸滋陰之力頗強。然云常服。則謬矣。

◎治五勞七傷咳嗽吐血等症。自蒺藜二斤 爲細末 甘枸杞一斤火炒不可焦

南黑芝麻二斤炒極熟研成芝麻鹽樣 牛骨髓二斤化開去渣 熟白蜜二斤

將三味藥末。拌入髓蜜內和勻。盛磁盆內。放在水鍋中。鍋上蓋蒸籠。下

用微火蒸熟爲度。丸如指頭大。隨意食之。白滾湯下。

「審查意見」此方滋潤填補。陰虛者最宜。

◎五子益腎養心丸 大補元氣。培填虛損之要藥也。

六味地黄丸料一料

甘枸杞子一兩

覆盆子二兩 去蒂

沙苑蒺藜子二兩 微炒

新栢子仁二兩 去油

楮實子二兩 炒

煉蜜入鹿角膠四兩化勻。同和爲丸。桐子大。每服百丸。淡鹽湯下。

◎烏鬚種子丸 耑治男子精虛無子。腎水不足。鬚髮漸白。

黑豆五倉升 砂鍋 內煮熟 晒乾

故紙十兩 鹽水炒

兔絲一斤 酒煮吐絲

枸杞一斤 酒洗

川椒半斤 揀淨先掃港地 一塊炭火燒紅 澆濕將椒 放在地上用布襯之 以磁盆蓋之一宿 取用

◎一方加魚鰾一斤 蛤粉炒 珠不可生 共爲細末。酒糊爲丸。桐子大。每服三錢。

「審查意見」此方平補頗佳。惟川椒分量太重。宜以二兩爲足。

○滋陰補精種玉方 固精補腎種子

炒韭子

川續斷各六錢

兔絲子酒煮

覆盆子

枸杞子酒煮

芡 實

蓮 肉

山 藥

白茯苓各八兩

蓮花蕊四兩

沙苑蒺藜八兩炒

金櫻子一斤

去核煎膏爲丸。桐子大。每服三錢。

「審查意見」此方宜於腸胃虛弱而有泄瀉少食者爲適應。

○菊英丸 此藥延年益壽。明目輕身。返老還童。其功不可盡述。種黃菊一

園以多爲佳。以肥澤爲美。春採苗。夏採葉。秋採花。冬採根。四時採足。晒乾搗爲細末。如菊花難研。以米麪漿漿過晒乾。再碾煉蜜丸。菉豆大。每服三錢。空心白湯下。

「審查意見」黃菊性寒。雖能清熱明目。亦非久服之品。不可從。

◎七精丸 專治男婦五癆七傷

真秋石半斤 白茯苓 蓮籽肉 懷山藥 小茴香

兔絲子 川椒去目并閉
口者炒去汁各四兩

為細末。酒糊為丸。桐子大。每服五六十丸酒下。

「審查意見」此方與陽健胃。虛寒而不思食者宜之。但配秋石。似無法度。

◎入聖丸 種子兼治白病

沙苑蒺藜半斤 川續斷酒洗 覆盆子酒洗 山萸肉

蘇芡實 兔絲子 蓮鬚 枸各四兩

為末。酒糊為丸。梧子大。每服三錢。

◎棉花子丸 烏鬚煖腎。種子。陽虛人宜此藥。

棉花子十數斤。用滾水泡過。盛入蒲包。悶入一炷香時取出。晒裂口取

雜類

強壯劑

二四〇二

仁。并去外皮。用淨仁三斤壓去油。用火酒三斤泡一夜。取起晒乾。（製法不明）

故紙一斤鹽水泡一夜炒乾

枸杞子一斤黃酒浸蒸晒乾 兔絲子一斤酒炒

川杜仲一斤 去外粗皮。黃酒泡斂一夜。晒乾。薑汁炒斷絲爲末。蜜丸桐子大。每服三錢。

「審訂意見」棉花子是否可以入藥內服。尙待研究試驗。不能確定。原件所列主治。恐與藥性不合。

◎坎離丸 烏鬚黑髮。壯健筋骨。大有補益。

黑豆不拘多少。桑葚汁浸透蒸熟。再浸。共五遍。磨末。紅棗蒸熟去皮核。搗如泥。和黑豆末爲丸。或印成餅子。隨便當果食吃。大冇利益。

「審查意見」黑豆紅棗。僅爲食品中之滋養品。無如是之神效也。

◎治形體黑瘦枯槁 甜杏仁五升去皮尖。雙仁者勿用。搗爛。水絞汁研細。再絞濾過。用慢火於砂鍋內熬熟。和煉過羊脂成膏。每日早晨。溫酒調服一匙。

「審查意見」形體黑瘦。多係有瘵。當用消瘵之劑。此治慢性咳嗽則可。本症無效。

◎治虛弱枯瘦食不化 白朮一斤酒泡蒸晒 兔 絲子一斤酒煮吐絲晒乾

爲末蜜丸。桐子大。每服二三錢。

「審查意見」虛弱枯瘦食不化。其原因甚複雜。非此方所可混治。

◎服牛骨髓法 此方專補虛損。

牛骨髓一斤煉過 紅蜂蜜一斤煉過 和在一處。磁罐收貯。另用炒熟小米

麵。每米麵三匙。用髓蜜三匙拌勻。滾水冲服。

「審查意見」填補精髓。原屬正法。然髓與蜜和。不無難食之感。且油髓膩滯。須防膩膈少食之弊。

◎治癆瘵 用桑葉搗汁。和童便熬煎。露至五更時服之。衣被蓋煖。一睡而起。頻服取效。

「審查意見」桑葉取汁。亦云難矣。且癆瘵甚複雜。詎能混言。治法不切。

◎悅澤顏色美面容 冬瓜仁七升。以絹袋盛之。投沸湯中。須臾取起。曝乾。如此三度。又以清酒浸二宿。晒乾爲末。日服二三錢。令人肥澤如玉。延年不老。

◎彭祖祕服接命丹 此藥最能添精補髓。保真固精。善助元陽。滋潤皮膚。壯筋骨。理腰膝。下元虛損。五勞七傷。半身不遂。或下部虛冷。膀胱病症。脚膝酸麻。陽事不舉。男子服之。行走康健。氣力倍加。女人服之。能除赤

白帶下。沙淋血崩。不生瘡癢。能通二十四道血脉。堅固身體。返老還童。

何首烏 白茯苓 川牛膝 覆盆子 鬼絲子

赤茯苓 破故紙 全當歸各十兩 共合一處。不犯鐵器。用石

白杵爲細末。蜜調黃酒爲丸。如桐子大。每服二錢。空心黃酒下。日進三服。

「審查意見」此方有滋陰強壯之效。

◎保腎丸 治男婦一切氣血兩虛。五勞七傷。遺精白濁。脾虛胃弱。陰痿腰

疼。眼花頭眩。吐紅骨蒸。翻胃。火嗽。盜汗。調經等症。

補骨脂一斤用酒少許拌炒細末 人參一兩三錢 茯苓一兩土炒

白朮一兩五錢 炙草三錢 河水六碗。蒸濃汁二碗。去渣。和骨脂晒

乾聽用。如常服不用人參。以玉竹一兩。蜜炒。黃耆一兩。蜜炒代之。

杜仲 一斤鹽水炒斷絲研末 川芎 八錢 當歸 一兩五錢

酒白芍 一兩 熟地 二兩 水八碗濃汁三大碗去渣拌杜仲曬乾。

玫瑰膏子 一斤 搗爛如泥。如乾花瓣。只用半斤磨末聽用。

連膩皮核桃肉 一斤 鹽水炒搗如泥 煉蜜 二斤 爲丸如桐子大。

每服一兩。淡鹽湯空心下。吐紅骨蒸童便下。

「審查意見」此方不無強腎健胃之功。然治吐紅火嗽則不切。

◎紫霞丹 此方異人所授。能治腹脅積聚。七癥八瘕。翻胃噎隔。攀睛努肉。女人下寒帶病。但係金石之藥。經火煨煉。惟可治疾。不可輕服。

黑鉛色黑北方水用一兩 雌黃色青東方木用三錢 雄黃色赤南方火用三錢 硫黃色黃中央土用五錢 白鉛卽南鉛色白西方金用四錢 上用陽城罐一個。鹽泥固濟。晒乾。將黑白二鉛鋪底蓋。麪藥

放中間。以鉄蓋封固嚴密。鐵絲絆緊。架三釘上。外用八卦爐文武火五炷香。擦水升盞。研極細末聽用。

製沒藥

研末九錢五分用之行血

白茯苓研末九錢五分用之行氣

右二味研細。用頭生男乳拌藥爲丸。菘豆大。每服一錢酒下。

此丹每次用生藥一半。如前封固升煉九次。名九轉仙丹。

「審查意見」此方僅一硫黃。可以通陽化滯。故半硫丸用之。今又配數味金石之品。謂曰得之異人。能破積聚。並攀睛勞肉等。實不知是何意義。

◎天河不老丹 客問如何白髮。只因走洩元陽。雖知仙道有奇方。効驗應如影嚮。四兩茯苓乳製。頭生男乳爲良。夜來還露不須忙。乳了又將添上。只待乳多藥少。稱來八兩相當。石脂二兩赤爲良。川椒共炒四兩。存脂去椒不用。還須各藥推詳。硃砂葵製謹提防。揀下三錢明亮。槐角用

黑牛膽製。煑乾焙過焦黃。菴蓉故紙藥如常。巴戟龍骨共放。每件三錢稱準。炒乾其實馨香。胎髮用他十個。血竭三錢相旁。先將髮來熔化。後將竭入中央。火用文武莫相傷。務要調勻清爽。以上共爲細末。再將鹿膠熬霜。四兩和丸桐子大。初服酒下九丸。後添五粒又何妨。丹田春意煖洋洋。七日之間強壯。此藥久服不斷。管交脫換臭皮囊。有緣得遇妙仙方。壽年從此與天長。上德之人方受。匪人切莫亂揚。父子不相傳與。妄漏自己反無緣。莫道仙方禁戒嚴。

「審查意見」此溫補澁精劑。虛寒証可用。

◎益元延年益壽七寶丹

牛 膝八錢酒浸一日同首烏蒸

何首烏赤白各一斤

赤白茯苓各一斤

破故紙四兩

兔絲子 歸身

枸杞子各半斤

其爲細末。蜜丸彈

子大。日進三丸。早晨空心酒下。午後薑湯下。臥時鹽湯下。久服行走如飛。氣力益倍。延年益壽。

「審查意見」此方溫補肝腎頗佳。凡腰膝無力。盜汗目眩者可服。

◎強精神。悅顏色。滋腎水。烏鬚髮。益壽延年方。

甘枸杞 熟地 杜仲 核桃霜 破故紙

肉蓯蓉 何首烏 當歸各十兩 以上共爲細末。蜜丸桐子

大。每服二錢。或酒或鹽湯下。不可間斷。

「審查意見」古籍謂離家千里。勿食枸杞。極言枸杞補精之功也。又配伍地杜歸烏之富有膠質者。以補血液。故精液虧損者。可用作強壯之劑。若體質強壯。陽氣充足者。用之必生火症。不可不慎。

◎延齡固本丸 治五勞七傷。諸虛百損。顏色衰朽。形體羸瘦。中年陽痿不

補類 強壯劑

四一〇

與精神短少。未至五十。鬚髮先白。并左癱右瘓。步履艱辛。腰膝疼痛。下元虛冷等症。

人參 肉桂 當歸 韭子燒酒煮 兔絲子

枸杞 茯神 山藥 床子 山萸肉

川牛膝各二兩熟地 何首烏九蒸菘蓉去甲酒洗各四兩 大附子一個童便浸

鴿子蛋去皮炒成粉 黃狗腎內外一具酥炙 車前子一兩

黑驢腎連子一具同菘蓉酒煮一日夜 鹿茸一對酥炙 共為細末。以驢腎菘蓉搗膏。為

丸如桐子大。每服百丸。黃酒或滾水下。

「審查意見」此丸對於生殖機能。確有補益之效。蓋有驢腎狗腎之故耳。現

代所盛傳之返老還童生殖靈等藥。即由畢丸中所抽之成分。但其効捷而不長。用後雖能暫効。而反有促短壽命之虞。不若此方補益之平

穩。惟素有鬱火者。切不可用。

◎長春補藥方 專治男子諸虛羸瘦。中年陽事不舉。精神短少。未至五旬。鬚髮變白。行步艱難。及婦人下元虛冷。久不受孕。服此藥即孕。

人 參 一 兩

白 茯 苓 一 兩

川

椒 二兩
微炒

覆 盆 子 一 兩

巴 戟 一 兩

車 前 子 一 兩

生

地 二 兩

赤 石 脂 一兩
另研

天 門 冬 一 兩

肉 蓯 蓉 二兩
酒洗

熟

地 二 兩

山 黃 肉 二 兩

當 歸 一兩
酒洗

石 菖 蒲 去毛
一兩

牛

膝 二兩
酒洗

枸 杞 子 三 兩

廣 木 香 一 兩

五 味 子 一 兩

遠

志

地 骨 皮

澤 瀉 各二兩

栝 子 仁 一 兩

杜

仲 薑炒
二兩

兔 絲 子 酒炒蒸透
三兩

山 藥 一 兩

共為細末。蜜丸。彈子大。每服五丸。空心黃酒或淡

鹽湯下。此藥服過十日。加二十九丸。服半月。再加二十九丸。服至十月之後。

小便赤色是舊疾出矣。又覺鼻酸聲雄。胸痛咳嗽。吐痰吐血。是肺病出也。大便下膿。血或下魚凍青黃者。是五臟六腑之病出也。服到一月之後。一應七情之滯氣。沉痾冷疾皆出矣。

「審查意見」此方不如延齡固本丸之純。淨方義似較複雜。至服後所生諸症。盡是充血出血之象。蓋因藥性太熱之故。用者慎之。

◎修製長生仙丹

丁香 香砂 仁 官桂 陳皮 白豆蔻各三錢

小麻尖 六七月採陰 乾一斤 爲細末。每服三錢。空心滾白水調服。

「重訂主治」中陽式微。脘腹不舒。食思不振。即食亦難消化。噯氣倒飽。有生食氣。口膩不渴者。

「審查意見」原定主治。有七字口訣。非特浮誇妄言。即與方藥。亦絲毫不合。

故重訂之。以期明曉。蓋此即芳香健胃劑耳。

◎打老兒丸

棉花子一斤炒去壳

核桃肉四兩搗

為末。小米麵糊丸。重三錢。

白水下。

「審查意見」藥性平和。有滋補之效。

◎神仙七星散

地膚子

蔓荊子

巨勝子

黃精

嫩栢葉

嫩松枝

桃

膠各等分

七味丸蒸九晒為末。每服

三錢。空心白水下。

「審訂意見」此方不詳主治。惟配數味清濕熱之藥。實無重訂之價值也。

◎補陰丸

專治男婦諸虛百損。

黃

栢四兩煨炒

敗龜板醋炙

牛

膝酒洗各二兩

酒炒知母

九熟地各五錢

炒白芍

廣陳皮

當歸

雜類 強壯劑

四一四

虎骨酥炙各五錢

共為末。好肥羊肉二十四兩。不用油。煮爛如泥。石白

杵極爛。合藥。又搗為丸。如桐子大。鹽湯下七十丸。冬月薑湯。

「審查意見」黃栢知母。滋腎清熱。九地龜板。益陰補精。此方大旨。即增體中水分及精液耳。虎骨之用。以筋骨疼痛者為適宜。主治謂諸虛百損。近含混。茲重訂之。以期適用。

「重訂主治」精液虧損。虛熱上亢。耳鳴頭暈。咽噙乾燥。腰痠腿疼。夜熱盜汗。或夜遺精。或下白帶。小便黃赤。或澁痛。証明為精液虧損。因虛而內熱者。

◎仙傳蟠桃丸 棉花子仁燒酒拌透黃酒水 紅棗黃酒煮熟 各一斤

當歸身 川牛膝 枸杞俱用酒浸 肉蓯蓉酒洗 白菜萸酒蒸去核

兔絲子酒蒸成餅 白魚鱧麩炒成珠 白茯苓人乳拌蒸 破故紙鹽水炒 熟地酒蒸如飴 各四兩

巴 戟去心五兩 共為細末。蜜丸。重三錢。早晚酒水任意送下。

「審查意見」此方主治。長於填補。經云。精不足者。補之以味。即此旨也。惟名

稱不雅。

◎草還丹 沙蒺藜三斤

兔絲餅一斤酒蒸

白茯苓八兩 乳蒸

蘿蔔子八兩

黑豆二斤用小粒 要正不要偏

當歸酒洗

黃芩各一斤 酒洗

春冬用蒼朮一兩

赤茯苓乳蒸 八兩五錢

夏秋用白朮一斤。為細末。蜜丸

重三錢。早晚滾水下。

「審查意見」按此方治脾腎濕熱。赤白帶下頗効。原無主治。茲增訂如下。

「增訂主治」脾腎濕熱。赤白帶下。並便濁陰痒。胸悶不舒。腰困頭暈等症。

◎補天大造丸 治諸虛百損。五勞七傷。

紫河車一具頭生男胎米泔 水洗淨煮熟搗爛

虎脰骨二兩 炙

鹿茸二兩

雜類 強壯劑

大龜板 二兩 炙

炒山藥 四兩

建澤瀉

白茯苓 三兩 乳蒸

天麥冬

五味子 各三錢

枸杞子 四兩 酒炒

當歸 四兩 酒浸

兔絲子 三兩 酒蒸

破故紙 二兩 酒炒

川牛膝 三兩 酒浸

川杜仲 三兩 酒浸

生地 八兩 酒浸蒸

肉蓯蓉 三兩 酒洗

蜜丸桐子大。每服百丸。空心酒下。鹽湯亦可。

「審訂意見」此方以二冬滋陰。味萸填補。復以紫河車血肉有情者充之。治體質虛弱。氣血兩虧。應有卓効。惟內有蘊熱。及不受熱補者忌用。紫河車須漂洗極淨。焙研備用。

◎補氣湯 凡遇一切勢倦之後。服此不生內傷之証。

黃芪 二錢 蜜炙

人參 一錢

歸身 錢五分

土炒白朮 一錢

陳皮 一錢

炙草 四分

葛棗為引。水煎服。

「審查意見」此即補中益氣湯除升柴也。補中益氣湯之方法。前已言之。此方除去升柴。較爲平妥。然以勞倦之體虛脉弱。尤當証明其非感冒性病症者。方可試用。茲訂正主治如下。

「訂正主治」體質素弱。中氣不足。稍動則喘氣少息。略勞則倦怠無力。煎湯溫服。或代茶隨意飲之。

◎補精膏 壯元陽。益真氣。助胃潤肺。

牛脊髓二兩

核桃肉四兩

山藥

杏仁四兩

人參三

當歸二兩

棗

肉四兩
去皮核

將核桃肉山藥杏仁棗肉四味。搗爲膏。用蜜一斤。與人參牛髓山藥當歸細末和勻。入瓷罐內。隔湯煮一日。空心酒調下一二匙。或做成重三錢的丸子亦可。

「審查意見」牛髓和藥。作丸作膏。均不甚妥。不如和麵內炒為麵茶。水冲服較佳。其他為膏為丸俱可。

◎長春丹 治腎虛精冷之証。

魚鱧一斤 蛤粉炒成珠

棉花子一斤取淨仁一斤 去淨油 鹽蒸

白蓮鬚八兩

金櫻子去子毛 淨一斤

金銀石斛八兩

沙蒺藜四兩

枸杞子六兩

兔絲子四兩

五味子四兩 炒

鹿角五斤 鋸成薄片。河水煮三晝夜。去角取汁。熬膏。和藥末為丸。桐子大。每服三錢。

「審查意見」此方治虛寒遺精。所謂寒精自流者可用。相火妄動者不宜。須細別之。

◎固精種子羊腎丸

甘枸杞二兩人乳浸 一宿晒乾

白蓮蕊二兩

大地黃四兩酒浸透 搗如泥

芡實肉

四兩
蒸熟

何首烏

黑豆汁浸蒸九次晒乾
四兩

羊腎十對

淡鹽醃一宿。煎藥共爲細末。將羊腎用酒三四碗。煮爛爲度。搗如泥。並地黃和煎藥末搗勻。爲丸。黃豆大。如雞丸。少加煉蜜。每日淡鹽湯下三錢。

「審查意見」取動物之生殖腺。必能益我之生殖機能。以理推之。當有效驗。

◎治男女癆症 用屠家剝出小胎羊羔。砂鍋內焙乾爲末。酒調服。

「審查意見」羊肉補虛。虛羸必用。乃補虛勞。非治癆病。癆是結核病。羊羔何以能治。且有傷生物。不宜取用。

◎治癆虫 吃醃鱧魚細嚼其骨。最能補益。

「審查意見」癆虫是結核菌。古人不知。故以癆虫名之。醃鱧魚能否滅菌。未曾實驗。或爲滋補之作用。亦未可知。

雜類 強壯劑

四三〇

◎治癆熱 用鮮青蒿梗水三升。童便五升。煎取一升。去渣。慢火熬成膏。空心臨臥。以酒調四五茶匙送下。

「審查意見」煎膏甚難。服湯即可。但藥性平和。病重無效。

◎大力丸 白茯苓 蒺藜酒洗 炒去刺 覆盆子 杜仲醋炒

兔絲子酒煮 白芍 威靈仙 川續斷

故紙 菴蓉 薏苡仁 當歸

無名異即油匠煎油用的土子 牛膝酒洗 自然銅醋煨七次 者用一兩 跳百丈十個 去足

乳沒 血竭 青鹽 硃砂各五錢 飛

天雄童便浸五日 二兩 虎骨二兩 醋炙 象鱉十個去頭足翅 如用土鱉

共為細末。煉蜜為丸。二錢重。早晚鹽湯或黃酒送下時。用力行功。散於四肢。

「審查意見」此方除去血竭。跳百丈。象鬚無名異等。作滋養強壯劑尙可。若

謂服此即可大力。則恐未必。

◎又大力丸

土

鱉

酒洗去腸穢
五個

地

龍

去土
酒洗

無名異焙

當 歸

自然銅醋煨爲粉

乳

香各四兩

白蒺藜

炒去刺各
一斤

共爲細末。蜜丸。重二錢半。每服一丸。空心黃酒或鹽湯送下。

「審查意見」土鱉善通瘀血。內因瘀滯而現腿痛者尙可。與其所名之大力

不切。

◎魚鱧丸

酒當歸

白蒺藜炒去刺

魚

鱧酒炒

牛

膝各四兩

川 芎三錢

右爲末。蜜丸。硃砂爲衣。每丸重三錢。黃酒送下。

「審查意見」魚鱧丸不如前列之長春丹。應參長春丹方。

◎如意大力丸

蒺

藜

淨末
半斤

酒當歸二兩

大生地酒洗

難類 強壯劑

四二二

川牛膝 木瓜

川杜仲 鹽水炒去絲 枸 杞

骨碎補 去毛鹽水炒

熊掌骨 各一兩 酥炙

虎脰骨 一兩二錢 醋炙

甜瓜子 炒一兩 乳 沒各五錢

黃 栢 八錢 鹽水炒

兔絲子 酒浸蒸

龜 板醋炙 白茯苓人乳泡

知 母鹽炒

續 斷酒洗

大熟地各一兩 為細末。蜜丸重三錢。每服一丸。空心白滾水下。

「審查意見」此亦不過滋陰填補。作強壯劑尙可。有何大力之如意哉。

◎造福丸 瘦人服之身胖。

牡 蠣 白 朮各四兩 苦 參三兩 為細末。用猪肚一具。煮爛。

石臼搗為泥。和丸桐子大。每三十丸。米飲送下。日三服。

「審查意見」天生瘦削。服藥難肥。因病致瘦。則當去其病矣。豈此方所可哉。至濕熱淋濁。此方頗効。牡蠣宜生用。

◎大力法 大懷生地九蒸九晒，每早服三四錢。最能大力。且養精血。
「審查意見」大力之法。莫善於練國術。學體操。豈有服地黃而能大力哉。且
逐日食品之營養。豈有不如藥物之理。決不可從。

方 驗 集 徵 查 審

雜類 強壯劑

四二四

審查徵集驗方第一集勘誤表

		正	誤	頁數	行數	正	誤	頁數	行數
「瘧疫」	瘧疾	五二	中縫			獨「頭蒜」	獨蒜頭	二九三	二
不「妨」	不患	九二	一〇			勝「胱」	勝熱	二九五	三
「線」縫	綿縫	一一一	一			巴戟「天」	巴戟甘	三〇四	六
「惡寒」	寒惡	一一四	九			陽「痿」	陽萎	三〇四	九
研「極」細	研究細	一四九	三			其「效」	其放	三三四	六
審「查」	審者	一九六	八			銀「花」	銀死	三三九	一
「卓」效	卑效	二四二	四			「未」免	未免	三七六	一
營「衛」	營衛	二五二	五			「皂」糖	炒糖	三八八	一
「頭痛」	麻木	二五八	中縫			酒炒白芍	酒炒承 白芍	三九八	五
第「四」	第西	二七七	一			「兔」絲子	兔絲子	四一一	九